



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:


**Share** — copy and redistribute the material in any medium or format

**Adapt** — remix, transform, and build upon the material



891.71

Q-34



x

A 6882

Ա. ՉԵԽՈՎ.



# ՏԱՂՏԿԱԼԻ ՊԵՏՐՈՒԹԻՒՆ

(ճերմունու օրագրից.)



Թարգմանից

Գ. Ա.



ԲԱՔՈՒ

Տպարան Ա. Ա. Կոնյանցի.

1903

25 NOV 2010

891.71

9-34

սմ


Ա. ՉԵԽՈՎ.

5 FEB 2007

# ՏԱՂՏԿԱԼԻ ՊԱՏՄՈՒԹԻՒՆ

(ծեղունու օրագրից.)

1002  
3916



Թարգմանից

Գ. Ա.



15.10.20  
10-10

ԲԱՔՈՒ

Տպարան Ս. Անտոնեանցի.

1903

0705 vom 28/3


127 13

1903

1903

ՀԱՅԿԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

Давлено Цензурою. Тифлясь, 22 Февраля 1903 г.



Faint, illegible text from the reverse side of the page, appearing as bleed-through.

I.



այսին խորհրդական Նիկալայ Ստեպանովիչը յայտնի պրոֆէսոր է Ռուսաստանում: Իր երկարամեայ ծառայութեան համար, նա արժանացել է շատ շքանշանների Ռուս և օտար պետութիւններից: Ամեն անգամ, երբ դէպք է լինում Նիկալայ Ստեպանիչին կրել կրծքին այդ շքանշանները, ուսանողները նմանեցնում են նրան խաչկալի: Նիկալայ Ստեպանովիչի շրջանը զուտ արիստոկրատական է, գոնեայ վերջին 25—30 տարուայ ընթացքում Ռուսաստանի մէջ չէր գտնուի մի այնպիսի յայտնի գիտնական, որի հետ նա կապուած չլինէր սերտ բարեկամական կապերով: Այժմ նա շունի և ոչ մի բարեկամ, իսկ անցեալում նա ունէր մի շարք հռչակաւոր բարեկամներ, ինչպէս՝ Պիրոգով, Կաւելին, բանաստեղծ Նեկրասով, որոնք տածում էին դէպի նա անկեղծ և ջերմ բարեկամութիւն: Նիկալայ Ստեպանովիչը այժմ անգամ է արտասահմանեան երեք և բոլոր Ռուսական համալսարանների. նրա անունը յայտնի է ամեն մի ռուս զբաղէտ մարդու, արտասահմանում էլ յիշուում է այդ անունը մի առանձին յարգանքով:

Ես, որ պատկերացնում եմ վերոյիշեալ անձնաւորութիւնը, պատկանում եմ այն սակաւաթիւ բախտաւորներին թուին, որոնց

չի կարելի հայհոյել, կամ անտեղի յիշել հասարակութեան ու մամուլի մէջ: Եւ այդպէս էլ պէտք է լինի. չէ՛ որ իմ անուան հետ սերտ կապուած է յայտնի, օժտուած և անպայման օգտակար մարդու գաղափարը: Ես աշխատասէր եմ, ինչպէս ուզո՞ւ համբերատար և որ ամենալիսաւորն է՝ տաղանդաւոր. միևնոյն ժամանակ ես դաստիարակուած եմ, համեստ եմ ու ազնիւ: Երբէք քիթս չեմ կոխել գրականութեան և քաղաքականութեան մէջ, հետամուտ չեմ եղել ժողովրդականութիւն ձեռք բերելու տգէտների հետ գրական վիճաբանութեան բռնուելով, չեմ արտասանել ճառեր ոչ ճաշերի ժամանակ և ոչ էլ ընկերներիս դազալների առաջ... Ընդհանրապէս իմ գիտական անուան վրայ չկայ ոչ մի բիծ և ես դանդատուելու չունիմ և ոչ մի տեղիք:

Մյուս անունը կրող անձնաւորութիւնը՝ այսինքն ես, 62 տարեկան մի մարդ եմ, ճազատ գլխով, արհեստական ատամներով և անբուժելի ԿԵ-ով: Որքան որ փայլուն է անունս և հռչակուած, նոյնքան ֆիզիկապէս անճոռնի եմ ու տղել: Գլուխս ժաժ է գալիս, ձեռքերս դուրսդուր եմ թուլութիւնից. պարանոցս՝ ինչպէս Տուրգենևի հերոսուհիներից մէկինը, նման է նուագարանի երեսակալի. մէջքս նեղ է, կուրծքս ներս ընկած: Երբ ես խօսում եմ կամ կարդում, բերանս մի կողմ է ծռւում, իսկ երբ ծիծաղում եմ, այն ժամանակ ամբողջ դէմքս ծածկւում է ծերութեան մեռելային կնճիռներով: Ոչինչ ազդեցիկ, ներշնչող բան չկայ իմ ողորմելի դէմքի վրայ, միայն, երբ տկար եմ լինում ԿԵ-ով, դէմքս փոխւում է և ընդունում մի այնպիսի արտայայտութիւն, որ կարծես գիմաջնին ներշնչում է այն սառն միտքը՝ «Թէ այս մարդը, հաւանականաբար, շուտով կը մեռնի»: Ես այժմս էլ առաջուայ պէս լաւ եմ գասախօսում. կարողանում եմ ամբողջ երկու ժամ լարած պահել ունկնդիրներիս ուշադրութիւնը: Չայնս թէև անախորժ է և ծակոզ, բայց իմ բուռն եռանդը, վերլուծական ընդունակութիւնը և հիւմորը համարեա աննկատելի են դարձնում այդ

պահասութիւններս: Գրում եմ սակայն վատ: Ուղեղիս այն մասը, որ կառավարում է գրելու ընդունակութիւնը, այժմ հրաժարւում է ինձ ծառայելուց: Յիշողութիւնս թուլացել է, մտքերիս մէջ չկայ հետևողականութիւն, և ամեն անգամ, երբ նրանց արտայայտում եմ թղթի վերայ, ինձ թւում է, թէ կորցրել եմ օրգանական կապակցութեան բնագոր: Նախադասութիւնները դուրս են գալիս միակերպ և բառերով աղքատ: Յաճախ այն չեմ գրում, ինչ որ ցանկանում եմ: Երբ գրում եմ վերջաւորութիւնը, արդէն մոռացած եմ լինում սկիզբը: Չատ անգամ ես մոռանում եմ սովորական բառերն անգամ, և միշտ ահագին ջանք եմ գործ դնում, որպէս զի խուսափեմ աւելորդ խօսքերից և անտեղի միջանկեալ նախադասութիւններից: Այս բոլորը պարզ վկայում են մտաւոր ոյժերիս անկումը: Եւ զարմանալին այն է, որ որքան հասարակ է նամակը, այնքան տանջելու շափ ստիպուած եմ լինում լարել միտքս: Որև է գիտական յօդուած պատրաստելիս, ես ինձ աւելի ազատ եմ զգում և խելացի, քան շնորհաւորական նամակներ և ամսակներ գրելու ժամանակ: Մի բան ես, որ գրել գերամաներէն կամ անգլիերէն ինձ համար աւելի հեշտ է, քան ռուսերէն:

Ներկայումս իմ կեանքի աչքի ընկնող երեւոյթը՝ անքնութիւնն է, որ, կարելի է ասել, կազմում է այժմ իմ գոյութեան գլխաւոր և հիմնական զիծը: Ինչպէս առաջ, նոյնպէս և այժմ, սովորութեանս համաձայն, ես ուղիղ կէս գիշերին շորահան եմ լինում և պառկում անկողնում: Պառկելուց յետ, շուտով քունս տանում է, բայց երկրորդ ժամին ես արդէն արթուն եմ՝ թւում է ինձ, թէ բոլորովին չեմ քնել. ստիպուած վեր եմ կենում և վառւում լամպը: Ապա սկսում եմ մի, երկու ժամ քայլել սենեակում մէկ անկիւնից դէպի միւսը, աչքի անցկացնելով վաղուց ծանօթ պատկերներն ու լուսանկարները: Երբ ինձ ձանձրացնում է քայլելը, ես նստում եմ գրասեղանիս առաջ և ըստ սովորութեան ընդունում անշարժ դիրք. այդպիսի բոլակներում ես ոչնչով չեմ հետաքրքրւում և ոչ մի ցանկու-

թիւն չունին: Եթէ առաջս գրուած է զիրք, ես մերկնաբար բաց եմ անում և կարդում առանց որ և է հետաքրքրութեան. այդպէս, մօտ օրերս, մի գիշերուայ մէջ ես մերկնաբար կարդացի մի ամբողջ վէպ հեռեկալ օտարոտի վերնագրով. «ինչի մասին էր երգում ծիծեռնակը»: Երբեմն էլ ուշադրութիւնս զբաղեցնելու համար, սկսում եմ համարել մինչև հազարը, կամ աչքիս առաջ պատկերացնում եմ ընկերներինս որ և է մէկին և աշխատում եմ մտաբերել թէ ո՞ր թուականին և ի՞նչպիսի հանգամանքներում մտել է նա ծառայութեան: Գիշերային լուսութեան սիրում եմ ականջ դնել ամեն մի ձայնի. մերթ ինձանից երկու սենեակ այն կողմ դառանցանքի մէջ արագ-արագ ինչ որ բան է խօսում Լիզան՝ իմ աղջիկը, կամ կինս մոմը ձեռին անցնում է դահլիճով և անպատճառ վայր է ձգում լուցկին. երբեմն ճըռնչում է բաց պահարանի դռնակը, կամ անսպասելի կերպով վեր վայր է անում լամպի պատրոյգը: Եւ այս բոլոր ձայները ինչ որ պատճառով յուզում են ինձ:

Գիշերները չընել, նշանակում է ամեն բոլե՛զ զգալ ինքզրեզ անբնական դրութեան մէջ, ահա թէ ինչու անհամբերութեամբ սպասում եմ լուսանալուն: Անցնում են շատ տաժանելի բոլե՛զներ, մինչև որ բազումը սկսում է կանչել արագազը: Դա իմ առաջին աւետարեհն է: Ճէնց նա սկսում է կանչել, ինձ արգէն յայտնի է լինում, որ մի ժամից յետոյ ներքեում կը զարթնի դռնապանը և հազարով կըբարձրանայ վերև... Ապա խաւարը սկսում է փոքր առ փոքր դալկանալ, և փողոցից լսելի են լինում ձայներ...

Փոքր ինչ անց ներս է մտնում կինս տարածելով իր հետ օգեկօլօնի քայլք բուրմունքը. նրա հագին սովորաբար լինում է միմիայն մի շրջագետ, մազերը խճըճուած են լինում, բայց երեսը արգէն իմամբով լուացած:

— Ներդրութիւն, ես մի բոլե՛զով միայն... Դու դարձեալ չես քնել:

Յետոյ նա հանգցնում է լամպը, նստում սեղանի մօտ և սկսում է խօսել: Թէև ես մարգարէ չեմ, բայց վաղօրօք գիտեմ, թէ ինչի մասին կը լինի խօսքը: Ամենայն առաւօտ միևնոյն բանն է կրկնում: Սովորաբար կինս նախ առանձին հոգատարութեամբ տեղեկանում է առողջութեանս մասին և յետոյ խօսք է բաց անում Վարչաւայում ծառայող մեր օֆիցեր որդու մասին: Իւրաքանչիւր ամիս մենք ուղարկում ենք նորան 50 ռուբլի: Ահա այդ է լինում զլխաւորապէս և մեր խօսակցութեան առարկան:

— Իհարկէ, մեզ համար ծանր է այդ,—ախ քաշելով ասում է կինս,—բայց, ինչ արած, բանի որ մեր որդին վերջնականապէս դեռ հաստատ հողի վրայ չի կայնել, մենք պարտաւոր ենք օգնել նրան. չէ՛ որ նա դեռ անսիրտ է, գտնւում է օտարութեան մէջ և ստանում է չնչին ռոճիկ... Բայց և այնպէս, եթէ ցանկանում ես, առաջիկայ ամիսը ուղարկենք քառասուն ռուբլի: Ի՞նչ ես կարծում:

Ամենօրեայ փորձը կարող էր կնոջս համոզել, որ խօսելով ծախսերը չեն քշանում, սակայն կինս այնպիսի անձնաւորութիւններից է, որոնց համար փորձը գոյութիւն չունի: Իւրաքանչիւր առաւօտ նա ամենայն ճշտապահութեամբ խօսք է բաց անում մեր օֆիցեր որդու վերայ և այն մասին, թէ հացը, փառք Աոտսձու, էթանացի է, իսկ շաքարը՝ թանկացել երկու կօպէկով, և այս բոլորը մի այնպիսի ձեով, որ կարծես նորութիւն է հաղորդում ինձ:

Ես լսում եմ և մերկնաբար հաւանութիւն տալիս: Օտարոտի և անտեղի մտերբը, երևի անքնութիւնից, շրջապատում են ուղեգոս: Ես նայում եմ կնոջս և ինչպէս երեխայ դարմանում: Ինքս ինձ տարակուսանքով հարց եմ տալիս. մի՞թէ այս պառաւ, չափազանց զէր ու աճունի կինը, իր բութ արտայայտութեամբ, այն նրբակազմ Վարիան է, որին ես ջերմ կերպով սիրեցի պայժառ մտքի, մարուր հոգու ու զեղեցկութեան համար, և որը մի ժամանակ ծնաւ ինձ որդի: Միրում էի նրան



նոյնպէս դէպի իմ մասնագիտութիւնը տածած համակրանքի համար, ինչպէս Օթեկոն սիրում էր Դեզդեմոնային: Այժմ նրա բութ հայեացքը կրում է անվերջ հոգացողութեան կնիք, արտայայտում է երկիւղ մի կտոր հացի համար. ուղեզը մշտապէս զբաղուած է պարտքի և կարիքների մասին մտածելով: Այժմ նրա խօսակցութեան առարկան միմիայն ծախսերն են:

Հարուած ուշադրութեամբ նայում եմ անճոռնի պառաւի դէմքին և որոնում նրա մէջ իմ նախկին Վարիային: Ամբողջ անցեալից նրա մէջ պահպանուել է միայն դէպի իմ առողջութիւնս ունեցած հոգացողութիւնը, և մի քանի ձևեր, ինչպէս իմ ռոճիկը անուանել մեր ռոճիկը, գտակա՝ մեր գտակը: Չատ անգամ կնոջս այդ բութ արտայայտութիւնը յարուցանում է իմ մէջ ցաւակցութիւն դէպի նա, և որպէս զի գէթ մի փոքր մխիթարած լինիմ նրան, թոյլ եմ տալիս խօսել, ինչ որ ցանկանում է, և մինչև անգամ լռում եմ, երբ անարգար է խօսում մարդկանց մասին, կամ յանդիմանում է ինձ, որ ես դատաբեր չեմ հրատարակում և մասնաւոր հիւանդների չեմ ընդունում:

Մեր խօսակցութիւնը միշտ վերջանում է միակերպ: Կինս յանկարծ յիշում է, որ ես գեռ թէյ չեմ խմել, և իսկոյն վեր է թռչում:

— Ինչո՞ւ եմ նստել. թէյը վազուց պատրաստ է, իսկ ես այստեղ շատխօսութիւն եմ անում: Ի՞նչպէս յիշողութիւնս թուլացել է, Աստուած:

Եւ նա արագութեամբ շարժւում է դէպի դուռը ու կանգ առնում դռան մօտ:

— Գիտես, որ եզոբին պարտ ենք հինգ ամսուայ ռոճիկ. մի քանի անգամ ասել եմ, որ չպէտք է ուշացնել ծառայի վարձը: Աւելի հեշտ է ամիսը տասը ռուբլի տալը, քան հինգ ամսուանը միանուագ՝ յիսուն ռուբլի:

Եւ նա դուրս է գալիս և կրկին կանգնում:

— Ոչ որի այնքան չեմ ցաւում, որքան մեր Լիզային, ասում է նա: Խեղճ աղջիկը, չնայելով որ սովորում է կօնս-

րուատորիայում և մշտապէս յարաբերութեան մէջ է բարձր շրջանների հետ, բայց Աստուած գիտէ, թէ ինչպէս վատ է հագնուած: Մի այնպիսի ձմերային վերնազգեստ է հագին, որով նոյն իսկ փողոց դուրս գալը ամօթ է: Եթէ նա լինէր մի հասարակ մարդու աղջիկ, այդ դեռ ոչինչ, բայց չէ որ ամենքն էլ գիտեն, նրա հայրը յայտնի պրօֆէսօր է և գաղտնի խորհրդական:

Եւ այդպէս յանդիմանելով ինձ, նա վերջապէս գնում է: Ահա այսպէս է սկսում օրս և նոյնպէս էլ շարունակում:

Թէյի ժամանակ ներս է մտնում Լիզան արդէն բոլորովին պատրաստ կօնսերուատորիա գնալու համար: Նա այժմ 22 տարեկան է, թէև դէմքով աւելի փոքրի տալարութիւն է թողնում. նա բաւականին դուրեկան է, և իր դիմագծերով յիշեցնում է ինձ կնոջս երիտասարդ ժամանակը: Լիզան փաղաքշար համբուրում է ինձ և ասում.

— Բարև, հայրիկ, արդեօք առնո՞ղ ես:

Երեխայ ժամանակ Լիզան շատ էր սիրում պաղպաղակ. այս իսկ պատճառով ես յաճախ ստիպուած էի լինում տանել նրան քաղցրաւէնիք վաճառողների մօտ. պաղպաղակը Լիզայի համար ամենալաւ բանն էր աշխարհումս, և եթէ նա ցանկանում էր դովել ինձ, սովորաբար անուանում էր ինձ իր սիրելի քաղցրաւէնիների առուներով: Առաւօտները, երբ Լիզան գալիս էր ինձ մօտ, ես նստացնում էի նրան ծնկներիս վերայ և, համբուրելով նրա մատիկները, կրկնում էի իր սիրելի խօսքերը:

Այժմ էլ՝ հին սովորութեանս համաձայն՝ ես համբուրում եմ Լիզայի մատները և քթի տակ մրթմրթում սովորական խօսքերը: Բայց հիմայ բոլորովին այն չէ դուրս գալիս: Ես այժմ սառն եմ, ինչպէս պաղպաղակ, և ինքս ինձ ամաչում եմ այդ խօսքերն արտասանելուց: Երբ նա շրթունքներով մօտենում է քունքերիս, ես ցնցում եմ, ինչպէս մեղրաճանձի կծածից, ու աշխատելով ժպտալ՝ յիտ եմ դարձնում դէմքս: Այն ժամանակից, ինչ ես տանջւում եմ անքնութեամբ, ուղեղիս մէջ մեխի

պէս ցցուել է այն հարցը, թէ ինչո՞ւ իմ աղջիկը, որ յաճախ տեսնում է, թէ ինչպէս ես՝ ծերունի և հռչակաւոր մարդս տանջուելու շափ կարմրատակում եմ այն բանի համար, որ պարտ եմ սպասաւորին, և կամ յաճախ, թողած պարապմունքս, ժամերով ման եմ զալիս սենեակում մի անկիւնից դէպի միւսը ու շարունակ մտածում մանր մունր պարտքերի մասին, ինչո՞ւ այդ աղջիկը մօրիցը ծածուկ չի մօտենում ինձ և կամացուկ ականջիս շնչում. «Հայրիկ, քեզ փող է հարկաւոր. ահա առ ժամացոյցս, ապարանջաններս, զինտերս և շորերս ու գրաւ դիր.» Ինչո՞ւ նա, տեսնելով, թէ ինչպէս ես և իր մայրը կեղծ անձնասիրութիւնից զրդուած աշխատում ենք ծածկել մեր աղքատութիւնը, չի հրաժարուում երաժշտութիւն սովորելու հաճոյրից: Ես չէի ընդունի նրա ոչ ժամացոյցը, ոչ ապարանջանները և ոչ մի զոհարերութիւնը, Աստուած ազատէ՛ ինձ այն չէ հարկաւոր:

Ի դէպս յիշեմ և Վարչաւայում ծառայող օֆիցեր որդուս: Ճիշտ է, նա խելօք, ազնիւ և ժուժկալ մարդ է, բայց այդ դեռ բաւական չէ: Ինձ թւում է, որ եթէ ունենայի ծերունի հայր և իմանայի, որ լինում են այնպիսի ծանր բոլակներ, երբ նա ամաչում է իր աղքատութիւնից, ես իսկոյն կը թողնէի իմ տեղը ուրիշին և կը դառնայի հասարակ բանուոր: Սոյնանման մտքերը որդոցս մասին թունաւորում են կեանքս: Ինչո՞ւ են պէտք այդ մտածմունքները: Զայրանալ սովորական մարդկանց դէմ այն պատճառով, որ նրանք հերոս չեն, կարող է միայն սահմանափակ և նեղսիրտ մարդը: Բայց բաւական է այդ մասին:

Ժամը տասից քառորդ պակաս հարկաւոր է ուղղորուել սիրելի մանուկների մօտ դասախօսութիւն կարդալու: Ես հագնւում եմ և դուրս գալիս տանից: Ճանապարհը, որտեղից ես անցնում եմ, ծանօթ է ինձ արդէն երեսուն տարի շարունակ: Նա ունի ինձ համար իր առանձին պատմութիւնը: Ահա մեծ, մոխրագոյն տունը, ուր է և դեղատունը: Մի ժամանակ այդտեղ կար մի փոքրիկ գարեջրատուն: Հէնց այդ գարեջրատանը

կազմում էի ես իմ դեսերտացիան, այդտեղ էլ և գրեցի առաջին սիրահարական նամակը Վարիային: Գրում էի մատիտով, մի կտոր թղթի վերայ «historia morbi» վերնագրով: Ահա և մրգավաճառի կրպակը, այդտեղ մի ժամանակ առուտուր էր անում մի հրէուհի, որ ինձ ապառիկ բաց էր թողնում ծխախոտ, յետոյ՝ նրան փոխարինեց մի հաստիկ պառաւ կին. սա սիրում էր ուսանողներին հէնց այն պատճառով, որ նրանք ունէին մայրեր, իսկ այժմ նստած է այդտեղ շիկահեր վաճառականը՝ մի չափազանց սառնասիրտ մարդ, որ խմում է թէյ սովորաբար պղնձեայ թէյամանից: Ահա և համալսարանի մուայլ ու վազուց չնորոգուած դռները, ահա և դռնապանը քուրքը հագին, ձանձրոյթ արտայայտող երեսով. նրանից ոչ հեռու ձեան կոյտերի մօտ ընկած է աւելը: Գաւառից նոր եկած մանկան վրայ, որ դեռ երեակայում է թէ գիտութեան տաճարը իսկապէս տաճար է, այդ դռները կարող են խիստ վատ տպաւորութիւն թողնել: Ընդհանրապէս համալսարանի հին շինութիւնները, մուայլ միջանցքներն ու պատերը, լուսաւորութեան պակասութիւնը, սանդուղքների և նստարանների տխուր պատկերները՝ այս ամենը թողնում են մարդուս վրայ մի տեսակ ծանր և վհատեցնող տպաւորութիւն... Ահա և մեր այգին, որ կարծես միկնոյն է մնացել, ինչ որ էր ուսանող ժամանակս. նա ոչ լաւացել է և ոչ էլ վատացել: Ես չեմ սիրում այդ այգին: Աւելի խելացի կը լինէր, եթէ լորենիների տեղ աճէին այստեղ բարձր մայրիկներ և հաստարմատ կաղնիներ: Ուսանողի տրամադրութիւնը մեծ մասամբ ենթակայ է շրջապատող հանգամանքների. այդ իսկ պատճառով այնտեղ, ուր նա սովորում է, իւրաքանչիւր քայլափոխում, պէտք է հանդիպի միմիայն գեղեցկութիւն և վեհութիւն ներշնչող առարկաների... Նրա հայեացքից հեռու պէտք է լինին գեղեցկութիւնից դուրկ ծառեր, կոտրատուած լուսամուտներ, մուայլ պատեր և քրքրուած պատառներով դռներ:

Երբ ես մօտենում եմ պատշգամին, դուռը խփոյն բաց-  
ւում է և ինձ դիմաւորում է համալսարանի հին ծառայ և ինձ  
հասակակից շվէյցար Նիկալայը:

— Սառնամանիք է, ձերդ գերազանցութիւն, ասում է նա  
դուռը յետ անելով:

Կամ երբ քուրքս թաց է լինում:

— Անձրև է, ձերդ գերազանցութիւն:

Ապա Նիկալայը շտապ-շտապ գնում է առաջիցս ու բաց  
անում բարձր դռները, որ և ես մտնում եմ: Առանձնասենեակ-  
կում նա զգուշութեամբ հանում է քուրքս և միևնոյն ժամանակ  
հագորդում որ և է համալսարանական նորութիւն: Չնորհիւ մօտ  
ժանօթութեան համալսարանի բոլոր շվէյցարների ու այլ ծա-  
ռաների հետ, Նիկալային յաջողում է խփոյն և եթ իմանալ  
այն բարձրը, ինչ որ պատահում է մասնաճիւղերում, դիւանա-  
տանը, վերատեսչի առանձնասենեակում, մատենադարանում,  
և այլն: Եւ ինչ ասես, որ նա չպիտէ: Երբ մեզանում օրուայ  
խօսակցութեան նիւթ է դառնում վերատեսչի հրաժարուիլը,  
յաճախ լսում եմ, թէ ինչպէս նա խօսելով աւելի երիտասարդ  
ժառանգների հետ, թուում է նրանց առաջ թեկնածուների անուն-  
ները և խփոյն աւելացնում, թէ այս ինչին լուսաւորութեան  
նախարարը չի հաստատի, այն մէկը ինքը կը հրաժարուի:  
Յետոյ Նիկալայը ընկնում է երևակայական մանրամասութիւն-  
ների մէջ, խօսում է ինչ որ դադանի թղթերի մասին, որ իբր  
թէ ստացուել են դիւանատանը. յիշում է հողաբարձուի և լու-  
սաւորութեան նախարարի մէջ որպէս թէ եղած գաղտնի խօ-  
սակցութիւնների մասին: Եթէ մի կողմ թողնենք այդ մանրամա-  
սութիւնները, նրա ասածները ընդհանրապէս ճիշտ են դուրս  
գալիս: Ճիշտ են լինում նոյնպէս նրա իր տեսակէտից արած  
քննաորոշումները թեկնածուների նկատմամբ: Երբ հարկ է  
լինում իմանալ, թէ որ թուականին այս ինչը պաշտպանեց  
գետերտացիա, մտաւ ծառայութեան, հրաժարական տուեց և  
կամ մեռաւ, այն ժամանակ դիմեցէք Նիկալային՝ այդ հասա-

րակ գինուորին, որի ահագին յիշուցութիւնը կը թուէ ձեզ ոչ  
միայն տարին, ամիսն ու թիւը, այլ և կը հագորդէ ձեզ շատ  
մանրամասութիւններ այս կամ այն դէպքին վերաբերեալ: Այդ-  
պէս յիշել կարող է միայն նա՝ ով սիրում է:

Նիկալայը մի տեսակ շտեմարան է համալսարանական  
աւանդութիւնների: Իւր նախորդ շվէյցարներից նա ժառանգել  
է համալսարանի կեանքին վերաբերեալ շատ առասպելներ,  
որոնց վրայ աւելացրել է և իր ծառայութեան ընթացքում  
ձեռք բերածները: Իւրաքանչիւր ցանկացողին Նիկալայը կարող  
է պատմել երկար ու կարճ պատմութիւններ: Պատմում է ան-  
սովոր գիտունների մասին, որոնք իմանում են ամեն բան,  
ամբողջ շաբաթ չընող աշխատասէրների և գիտութեան անթիւ  
մարտիրոսների ու գոհերի մասին: Նրա հայեացքով բարին միշտ  
յաղթանակում է չարին, թողը՝ գօրեղին, իմաստունը՝ յիմարին,  
համեստը՝ հպարտին, երիտասարդը՝ ծերին... Հարկ չկայ ըն-  
դունել այդ բոլոր առասպելները, որպէս ճշմարտութիւն, քանի  
որ նրանց մէջ կան անկասկած աւելորդ չափազանցութիւններ.  
բայց եթէ մի կողմ թողնենք այդ բոլոր չափազանցութիւն-  
ները, այն ժամանակ մեր առաջ կը պատկերանայ իսկական  
հերոսների մի երկար շարք:

Հին գիտունների անսովոր ցրուածութեան մասին մեր  
հասարակութան մէջ տարածուած են մի քանի անեկդոտներ,  
որոնցով և այդ հասարակութիւնը ճանաչում է նրանց: Փոյու-  
թիւն ունին այլ և երկու-երեք սրամիտ, հակիրճ պատմուածք-  
ներ, որ վերագրում են երբեմն Փրուբերին, երբեմն ինձ և  
երբեմն էլ Բարուխինին: Կրթուած հասարակութեան համար  
դա քիչ է: Եթէ այդ հասարակութիւնը սիրէր գիտութիւնը,  
ուսումնականներին և ուսանողներին այնպէս, ինչպէս սիրում  
է Նիկալայը, այն ժամանակ նրա գրականութիւնը վաղուց կու-  
նենար ամբողջ դիւցազներգութիւններ, որպիսին դժբախտա-  
բար չունի այժմ:

Ինձ նորութիւն հագորդելիս Նիկալայը ընդունում է լուրջ  
դէմը և մեր մէջ սկսում է լուրջ խօսակցութիւն: Եթէ որ և է

կողմնակի անձնաւորութիւն այդ ժամանակ լսելու լինէր, թէ ինչպէս Նիկալայը ազատ կերպով խօսում է՝ անշուշտ կը կարծէր, որ դա մի ուսումնական է կերպարանափոխուած գինուորի։ Պէտք է ասած, որ համալսարանի ծառաների ուսումնականութեան մասին տարածուած լուրերը սատարիկ չափազանցրած են։ Աշմարիտ է՝ Նիկալայը գիտէ հարիւրից աւելի լատինական բառեր, կարող է դասաւորել կմախքի ոսկոռները, ծիծաղեցնել ուսանողներին արտասանելով կտորներ այս կամ այն հեղինակի գրուածներից, բայց մի այնպիսի ոչ խրթին թէօրեա, ինչպէս արեան շրջանառութիւնը, այժմ էլ Նիկալայի համար այնքան մութն է, որքան և քսան տարի սրանից առաջ։

Առանձնասէնեակում սեղանի առաջ, կոր կռացած գրքի վրայ, նստած է լինում անդամահար Պետր Իգնատիչը։ Սա մի աշխատասէր, համեստ, բայց անտաղանդ մարդ է, հասակով 35 տարեկան, ճաղատ գլխով և մեծ փորով։ Աշխատում է նա առաւօտից մինչև գիշեր, կարդում է շատ, լաւ յիշում է բոլոր կարգացածը՝ և այդ կողմից նա ոչ թէ մարդ է, այլ ոսկի, իսկ այլ կողմերով նա նման է մի բեռնակիր ձիու, կամ ինչպէս ուրիշ կերպ ասում են, թանձրամիտ գիտնականի։ Բնորոշող գիծը, որով նա զանազանում է տաղանդից, հետեւեալն է՝ նեղ աշխարհայեացք և խիստ սահմանափակումն իր մասնագիտութեան մէջ. դրանից դուրս՝ այնպիսին միամիտ է լինում, ինչպէս երեխայ։ Մտաբերում եմ, թէ ինչպէս մի առաւօտ ես մտայ առանձնասէնեակս և ասացի.

— Երևակայէր թէ ինչպիսի դժբախտութիւն է պատահել, ասում են, որ Սկոբելը մեռել է։

Նիկալայը երկիւզածութեամբ խաչակնքեց, իսկ Պետր Իգնատիչը դառնալով դէպի ինձ հարցրեց.

— Ի՞նչ Սկոբել։

Մի ուրիշ անգամ, որ այդ դէպքից աւելի առաջ էր, ես յայտնեցի, որ մեռել է պրօֆէսոր Պետրովը։ Մեր պատուելի, սիրելի Պետր Իգնատիչը հարցրեց.

— Իսկ ի՞նչ էր նա կարդում։

Թէկուզ երբ ասա հէնց ականջի տակին, թէկուզ Ռուսաստանի վրայ յարձակուին Չինացիների ամբողջ զօրախմբեր, կամ թէ պատահի երկրաշարժ, նա մի փոքր անգամ էլ չի շարժուի տեղից ու հանդարտութեամբ կը շարունակէ նայել պլշած աչքով խոշորացոյցի մէջ։ Մի խօսքով մասնագիտութիւնից դուրս Պետր Իգնատիչի համար գոյութիւն չունի և ոչ մի բան, որ կարողանար շարժել նրա հետաքրքրութիւնը։

Մի ուրիշ բնորոշ յատկութիւն ևս ունի Պետր Իգնատիչը. այդ է՝ նրա կոյր հաւատը դէպի գիտութեան անսխալականութիւնը, մանաւանդ դէպի այն բոլորը, ինչ որ դուրս են գալիս գերմանացիների գրչի տակից։ Նա խոր հաւատացած է իր ոյժերի վերայ, ճանաչում է կեանքի նպատակը և բոլորովին ազատ է հիասթափութիւններից և երկբայութիւններից, որոնցից յաճախ վաղաժամ ծերանում են տաղանդները։ Նրա մէջ աչքի է ընկնում կոյր երկրպագութիւն հեղինակութիւնների առաջ և ինքնուրոյն մտածողութեան բացակայութիւն։ Համոզել նրան որ և է բանում դժուար է, իսկ վիճել անկարելի։ Համեցէր վիճել մի մարդու հետ, որը խոր համոզուած է, թէ ամենալաւ գիտութիւնը բժշկականութիւնն է, ամենալաւ մարդիկ՝ բժիշկները, իսկ ամենալաւ տրագիցիաները բժշկականութեան վերաբերեալներն են։ Այդ տրագիցիաներից ներկայումս մնացել է միայն սպիտակ փողպատ գործածելը, որ կրում են բժշկները։ Ուսումնականի և ընդհանրապէս կրթուած մարդու համար կարող է գոյութիւն ունենալ միմիայն ընդհանուր համալսարանական տրագիցիաներ, առանց բաժանելու դրանց բժշկական, իրաւաբանական և այլ մասերի, բայց Պետր Իգնատիչին դժուար է համոզել, և նա պատրաստ է վիճել ձեզ հետ ամբողջ օրերով։

Պետր Իգնատիչի ապագան ինձ համար պարզ է։ Իր ամբողջ կեանքում նա կը գրէ շատ չոր, բայց վայելուչ գեկուցումներ, կանէ մի քանի բարեխիղճ թարգմանութիւններ,

բայց երբէք չի մտածի, օրինակ, հնարել վառօդ: Վառօդ հնարելու համար հարկաւոր է երեակայութիւն, հնարագիտութիւն, գուշակելու ընդունակութիւն, որոնցից զուրկ է Պետր Իգնատիչը: Կարճ ասած գիտութեան մէջ նա կոյր բանուոր է, բայց ոչ ստեղծադործող:

Ես, Պետր Իգնատիչը և Նիկալայը խօսում ենք կիսաձայն... Դռան այն կողմից հասնում են ականջիս ուսանողների խլացնող ձայները, որ նման են ազմկող ծովի ալիքներին: Այդ խլացնող ձայները առաջացնում են իմ մէջ մի տեսակ զգացմունք, որին չկարողացայ ընտելանալ 30 տարուայ ընթացքում: Ամենայն առաւօտ ես զգում եմ այդ. ես ջղաձգաբար պնդացնում եմ սիւրտուկիս կոճակները, Նիկալային աւելորդ հարցեր եմ տալիս, բարկանում եմ, թւում է թէ վախենում եմ, բայց դա իսկապէս երկիւղ չէ, այլ ինչ որ մի բան, որին ոչ կարող եմ անուն տալ և ոչ էլ նկարագրել:

Առանց որ և է կարիքի ես նայում եմ ժամացոյցին և ասում.

— Դէհ, հարկաւոր է գնալ:

Եւ մենք ընթանում ենք հետեւալ կարգով. առջևից գնում է Նիկալայը քարտէզները և կամ ուրիշ պիտոյքները ձեռին, ապա՝ ես, իսկ իմ յետևից քայլում է բեռնակիր ձին, գլուխը համեստութեամբ կախ գցած: Իմ երևալուն պէս ուսանողները ոտքի են կանգնում, ապա նստում, և ծովամասն ազմուկը միանգամից հանդարտում է:

Ես գիտեմ, թէ ինչ բանի մասին պէտք է կարդան, բայց չգիտեմ, սրտեղից սկսել և ինչպէս վերջացնել: Գլխումս չկայ ոչ մի պատրաստի նախադասութիւն: Բայց բաւական է միայն մի հայեացք ձգեմ ուսանողների վրայ և արտասանեմ՝ «անցեալ դասախօսութեան մենք կանգ առանք...» խօսքերը, որ իսկոյն նախադասութիւնները երկայն վերելքի նման դուրս թռչնն իմ հոգուց: Խօսում եմ ես շափաղանց արագ: Թւում է, թէ ոչ մի ոյժ չի կարող դադարեցնել իմ ճառի թելը: Որպէս զի



կարգացածը օգտակար լինի ունիւղիրներին համար և ձանձրոյթ չառաջացնէ, հարկաւոր է ոչ միայն ունենալ տաղանդ, այլ և հնարագիտութիւն և փորձառութիւն: Պէտք է ճշգրիտ գաղափար ունենալ լսողները ու սեփական ոյժերի մասին և հիմնաւոր գիտենալ դասախօսութեան նիւթը: Բացի դրանից հարկաւոր է խելքը գլխին մարդ լինել, լուրջ հետեւել ճառի թելին և ոչ մի վայրկեան չկորցնել իրան:

Լաւ խմբապետը հաղորդելով երաժիշտ հեղինակի միտքը, միանգամից կատարում է քսան գործ՝ հետևում է երգեցողութեան ներդաշնակութեանը, փայտով նշաններ է տալիս, շարժումներ է գործում այս կամ այն կողմը և այլն: Այդպէս եմ վարւում և ես, երբ դասախօսում եմ: Իմ առաջ նստած են 150 մարդ, մէկը միւսից տարբեր, և երեք հարիւր աչքեր ուղիղ ինձ են նայում: Իմ նպատակն է յաղթել այդ բազմա-

1002  
1756

գլխեան հիդրային: Եթէ կարողանում եմ պարզ որոշել, թէ որ աստիճան ուշադիր է և ըմբռնում է ինձ այդ հիդրան, այն ժամահակ նա իմ իշխանութեան տակ է: Երկրորդ հակառակորդս հէնց իմ մէջն է: Այն է՝ զանազան ձևերի, երևոյթների և օրէնքների անվերջ փոփոխութիւնները, շողկապուած անձնական և այլ մարդկանց մտքերի հետ: Իւրաքանչիւր բոպէ ես պարտաւոր եմ այդ ահագին նիւթից ճարպիկութեամբ կորդել ամենագլխաւորն ու կարևորը, և ուրբան որ արագ է ընթանում ճառիս թելը, նոյնքան արագութեամբ պէտք է կարողանամ այդ մտքերը արտայայտել մի այնպիսի ձևով, որ դիւրըմբռնելի լինի հիդրայի հասկացողութեանը, և յարուցանէ ընդհանուր հետաքրքրութիւն: Այս պատճառով պէտք է աշալուրջ հետեւել, որ մտքերը անշափ չկուտակուին, այլ որոշ կարգով, որպիսին անհրաժեշտ կը լինի որ և է պատկեր ճշգրիտ ներկայացնելու համար: Այնուհետեւ ես աշխատում եմ, որ իմ ճառը ունենայ գրական բնաւորութիւն, տերմինները լինեն կարճ և ճշգրիտ, նախադասութիւնները կարելոյն չափ պարզ և գեղեցիկ: Ամեն բոպէ ես ստիպուած եմ ի նկատի

ունենալ, որ իմ տրամադրութեան տակ կայ ընդամենը մի ժամ քառասուն րոպէ: Բոլոր այդ ժամանակամիջոցում ես ներկայացնում եմ ինձանից ուսումնական, մանկավարժ և ճարտասան: Վայ, եթէ գրանցից որ և է մէկը յաղթահարէ միւսին:

Դասախօսում եմ քառորդ ժամ, կէս ժամ և ահա նկատում եմ, որ ուսանողները սկսում են ձանձրանալ. մէկը նայում է առաստաղին, միւսը Պետր Իգնատիչին, երրորդը ձեռքը գրպանն է տանում թաշկինակը հանելու, իսկ չորրորդը աշխատում է աւելի յարմար նստել տեղում: Մի ուրիշն էլ, իւր մտքերի հետ տարուած ժպտում է ինքն իրան... Այս բոլորը նշան են, որ ուշադրութիւնը սպառուած է և հարկաւոր է միջոցների ձեռք առնել: Հէնց առաջին յարմար առիթից օգտուելով ես ասում եմ որ և է ծիծաղաշարժ խօսք. բոլոր ունկնդիրներս, որոնց հետ և ես, սկսում ենք ծիծաղել. ուսանողների աչքերը ուրախ-ուրախ փայլում են և մի քանի րոպէ լսելի է լինում ծովանման խուլ մանչիւնը: Ուշադրութիւնը արդէն թարմացած է և ես կարող եմ շարունակել:

Ոչ մի գուարճութիւն և ոչ մի խաղ երբէք չէին պատճառում ինձ այն բուականութիւնը, ինչ որ դասախօսութիւնների ընթերցումը: Միմիայն դասախօսութեան ժամանակ ես կարողանում էի ամբողջապէս անձնատուր լինել կրքերիս և բմբռնել, որ բանաստեղծների ոգևորութիւնը լսի գատարկ երևակայութիւն չէ, այլ իսկապէս իրականութիւն: Գուցէ Հերկուէսը, իւր որ և է գիւցադնական քաջազորութիւնից յետ, չէ զգացել այնպիսի մի քաղցր հոգեկան բաւականութիւն, որ պիտի ես գգում էի իւրաքանչիւր դասախօսութիւնից յետոյ:

Այդ առաջ էր: Այժմ դասախօսութիւնների ընթերցումը ինձ միմիայն տանջանք է պատճառում: Չի անցնում և կէս ժամ և ես արդէն զգում եմ թուլութիւն օսաներիս ու թիկունքներիս մէջ. նստում եմ բաղկաթուում, բայց սուրբ չեմ նստած կարգալ. մի րոպէից յետոյ դարձեալ կանգնում եմ ու շարու-

նակում կարգալ կանգնած գրութեամբ, յետոյ նորից նստում. բերանս շուտ-շուտ չորանում է, ձայնս խղւում, զրուխս պտրտւում... Գրութիւնս ունկնդիրներից ծածկելու համար երբեմն ջուր եմ խմում, երբեմն հազում. շատ անգամ էլ, հարբուխ ընկածի նման, շուտ-շուտ թաշկինակը դէպի քիթս եմ տանում, անկերելի անեկղոտներ եմ ատում և վերջ ի վերջոյ ժամանակից վաղ յայտարարում եմ դասախօսութիւնը վերջացած: Այդպիսի դէպքերում ես միշտ ամաչում եմ ինքս ինձանից:

Խիղճս և առողջ դատողութիւնը թելադրում են ինձ, որ ամենալաւ բանը, որ կարող եմ այժմ անել, այն է՝ կարգալ ուսանողներին հրաժարական դասախօսութիւն, ասել վերջին փաղարչական խօսքը, օրհնել նոցա և տեղի տալ մի մարդու, որ աւելի երիտասարդ է ինձանից և եռանդով: Սակայն ես քաջութիւն չունիմ խղճիս համաձայն վարուելու, և թող Աստուած ինքը դատէ:

Դժբախտաբար ես ոչ փիլիսոփայ եմ և ոչ Աստուածաբան: Ինձ շատ լաւ յայտնի է, որ կ'ապրեմ այլ ևս ոչ աւել, քան կէս տարի: Թւում է թէ ինձ այժմ աւելի պէտք է զբաղեցնէին հանդերձեալ կեանքի հարցերը, գերեզմանային տեսիլները, բայց չգիտեմ ինչու իմ հոգուն օտար են այդ բոլորը, թէև ուղիզս ընդունում է նրանց կարևորութիւնը: Ինչպէս 20—30 տարի սրանից առաջ, այժմ էլ՝ մահուան նախադրւնում, ինձ միմիայն հետաքրքրում է գիտութիւնը: Չեղջին շունչը փշկելու անգամ ես այնու ամենայնիւ կը հոււատամ, որ գիտութիւնը ամենակարեօր, գեղեցիկ և պիտանի բանն է մարդու կեանքում. նա միշտ եղել է և կը լինի սիրոյ վսեմ արտայայտութիւնը, և նրանով միայն մարդս կը յաղթէ բնութեանը: Չատ կարելի է, որ այդ հոււատը միակողմանի է և ճշմարտութիւնից զուրկ, բայց ես մեղաւոր չեմ. ընկճել իմ մէջ այդ համոզմունքը ես անկարող եմ:

Բայց բանը գրանում չէ: Ես խնդրում եմ միայն ներդամիտ լինել դէպի իմ թուլութիւնը և հասկանալ, որ զրկել

մի մարդու ամբիոնից և աշակերտներից, որ աւելի հետաքրքրուած է ոգնաշարի ուղեգով, քան տիեզերքի վախճանով, այդ միևնոյն է, թէ ողջ-ողջ գնել նրան դապաղում, չսպասելով մահուանը:

Անքնութիւնից և լարուած մրցումից, որ հետեանք է հետզհետէ աճող թուլութեան, ինձ հետ պատահում է ինչ որ մի օտարօտի բան: Գասախօսութեան կիսին կոկորդս ճնշուած է, աչքերս սկսում են քոր գալ և ես դգում եմ բունն ցանկութիւն տարածել ձեռքերս առաջ և բարձր ձայնով գանգատուել, որ ինձ՝ նշանաւոր մարդուս, բազդը գատապարտել է մահուան, որ մի որ և է կէս տարուց յետոյ, այստեղ՝ այս լսարանում իմ փոխարէն կը լինի ուրիշը: Ես ցանկանում եմ ազազակել, որ թունաւորուած եմ. ինչ որ նոր մտքեր, որ առաջ անծանօթ էին ինձ, թունաւորել են կեանքիս վերջին օրերը և շարունակում են խայթել ուղեգս, ինչպէս մասկիտներ: Եւ այդ ժամանակ իմ դրութիւնը ներկայանում է ինձ այնքան ահուելի, որ ես ցանկանում եմ, որպէս զի իմ բոլոր ունկնդիրները սարսափով դուրս թռչէին տեղերից և յուսահատական ազազակով գիմէին դէպի դուռը:

Հեշտ չէ անցկացնել այդպիսի բոպէսներ:

II.

Գասախօսութիւնից յետոյ ես նստում եմ տանը և պարսպում: Գարդում եմ լրագիրներ, դեսերտացիաներ և կամ պատրաստում եմ հետեւեալ գասախօսութեան համար. երբեմն գրում եմ որ և է բան: Բայց իմ պարսպմունքը երկար չի տևում, որովհետև ստիպուած եմ լինում ընդունել այցելուների:

Ահա լսում է գանգակի ձայնը. ներս է մտնում ընկերս գտակը ու ձեռնափայտը ձեռին և, մեկնելով դէպի ինձ այս կամ այն, ասում է.

— Մի բոպէ միայն, նստեցէք collega, երկու խօսք ունիմ ասելու:

Մենք անպայման աշխատում ենք իրար ցոյց տալ, որ չափազանց քաղաքավարի ենք և շատ ուրախ միմիանց տեսնելու: Ես նստացնում եմ նրան բազկաթոռի մէջ, իսկ նա ինձ. միևնոյն ժամանակ մենք մատնեղով խաղում ենք միմեանց կոճակների հետ, թեթևակի ձեռքերս քսում իրար շորերի, և այն այնպիսի դգուշութեամբ, որ կարծես վախենալիս լինենք միմեանցից այրուելուց: Երկուսս էլ ժպտում ենք, թէև չենք ասում և ոչ մի ծիծաղելու բան: Մենք նստում ենք իրար մօտ և սկսում ենք խօսել կիսաձայն: Որքան էլ որ մենք մօտ յարաբերութեան մէջ լինինք, այնու ամենայնիւ չենք կարող զարդարել մեր խօսքերը ամեն տեսակ չինական ոճերով, ինչպէս. «Քուք բարեհաճեցիր ճամարիտը նկատել», կամ «ինչպէս ես պատիւ ունեցայ ձեզ ասելու» և այլն: Զենք կարող և չծիծաղել, եթէ մեզանից մէկը որ և է սրախօսութիւն անի, թէև անյաջող: Գործի մասին խօսելուց յետ ընկերս իսկոյն վեր է կենում և շարժելով գտակը դէպի իմ կողմը, սկսում է մ'նստ բարև ասել: Նորից սկսում ենք խաղալ իրար կոճակների հետ, ժպտալ: Ուղեկցում եմ նրան մինչև միջանցքը. այստեղ ես օգնում եմ ընկերսուս հագնելու քուրքը, բայց նա ամեն կերպ հրաժարում է այդ բարձր պատուից: Յետոյ, երբ Եգոբը բաց է անում դուռը, ընկերս հաւատացնում է, որ ես կը մրսեմ, իսկ ես ցոյց եմ տալիս, թէ պատրաստ եմ ուղեկցել նրան նոյն իսկ փողոց: Վերջապէս երբ վերադառնում եմ առանձնասենեակս, իմ դէմքը դեռ շարունակում է ժպտալ երևի իներցիայի հիման վրայ:

Մի փոքր յետոյ լսում է գանգակի երկրորդ հնչիւնը: Մէկը մտնում է միջանցքը, սկսում է դանդաղ կերպով հանել վերաբրկուն և միևնոյն ժամանակ հագում է: Եգոբը յայտնում է, որ եկտրը ուսանող է, և ցանկանում է ինձ տեսնել: Ես հրամայում եմ ներս հրաւիրել: Փոքր ինչ յետոյ մտնում է սենեակս մի երիտասարդ հաճելի դէմքով: Արդէն մի տարի է ինչ որ մենք գտնուած ենք լարուած յարաբերութեան մէջ

քննութիւններին նա պատասխանում է շատ վատ, և ես նրան միշտ մէկ եմ դնում: Այդպիսի ուսանողներ իւրաքանչիւր տարի ինձ մօտ լինում են մինչև եօթը հոգի. քննութիւններին ես նրանց կտրում եմ և կամ, ինչպէս ասում են իրանք ուսանողները, տապալում: Նորա, որոնք քննութիւններին կտրւում են անընդունակութեան և կամ հիւանդութեան պատճառով, սովորաբար համբերութեամբ տանում են իրանց խաչը և չեն արտայայտում իրանց անբուականութիւնը. վիճում են և դայիս ինձ մօտ բնակարանս միայն սանդուխիկները. քննութիւնները փշացնում են սրանց ախորժակը ամենայն ճշտապահութեամբ յաճախելու օպերա: Առաջինների գրութեան մէջ մտնում եմ, իսկ միւսներին երբէք երես չեմ տալիս:

— Նստեցէք, ասում եմ ես հիւրին, լինչ ունիք ասելու:

— Ներեցէք, պրօֆէսօր, անհանգստութիւն պատճառելու համար, սկսում է նա, մտիկ շտալով երեսիս.— ես չէի համարձակուի անհանգստացնել ձեզ եթէ որ չը... Ես հինգ անգամ տուել եմ ձեզ մօտ քննութիւն և... և կտրուել: Խնդրում եմ ձեզ, եղէք բարի նշանակելու ինձ բաւարար թուանշան, որովհետև...

Սովորաբար բոլոր ծոյրերը իրանց արգաբացնելու համար միշտ միևնոյն պատճառաբանութիւններն են առաջ բերում՝ իբր թէ նրանք գեղեցիկ կերպով բռնել են քննութիւն բոլոր առարկաներից և կտրուել են միայն իմ առարկայից. և որ աւելի զարմանալին է, իմ առարկային նրանք վերաբերուել են միշտ ջանասիրութեամբ, գեղեցիկ կերպով գիտեն բոլորը և կտրուել են միայն մի ինչ որ անհասկանալի թիւրիմացութեան պատճառով:

— Ներեցէք, իմ բարեկամ, ասում եմ ես հիւրիս, ձեզ բաւարար թուանշան գնել չեմ կարող. գնացէք, էլի կարդացէք դասախօսութիւնները և ապա եկէք. այն ժամանակ կը տեսնենք:

Տիրում է մի բոպէ լուծիւն. ես ցանկութիւն եմ զգում տանջել ուսանողին նրա համար, որ նա աւելի է սիրում գրեցուրը և օպերան, քան թէ գիտութիւնը:

— Իմ կարծիքով, ասում եմ ես, ամենալաւ բանը, որ այժմ կարող էք անել դուք՝ այն է, որ բոլորովին թողնէք բժշկական մասնաճիւղը: Եթէ այդ ընդունակութիւններով հանդերձ ձեզ չի յաջողում քննութիւն բռնել, ուրեմն պարզ է, որ ձեր մէջ չկայ ոչ ցանկութիւն և ոչ էլ կոչում բժիշկ լինելու:

Սանդուխիկի երեսի արտայայտութիւնը փոխում է...

— Ներեցէք, պրօֆէսօր, քմծիծաղ տալով ասում է ուսանողը. բայց այդ կը լինէր իմ կողմից առնուազը տարօրինակ բան՝ սովորել հինգ տարի և յանկարծ... հեռանալ:

— Այո, աւելի լաւ է ի գուր կորցնել հինգ տարի, քան յետոյ ամբողջ կեանքում պարապել մի գործով, որ չէք սիրում: Բայց իսկոյն խղճահարում եմ և շտապում եմ աւելացնել.

— Յամենայն գէպս, ինչպէս գիտէք, կարդացէք մի փոքր ևս և եկէք:

— Ե՞րբ, խուլ կերպով հարցնում է ծոյրը:

— Երբ ցանկանում էք, թէկուզ վաղը:

Եւ նրա բարի աչքերում կարգում եմ. «Փալը կարելի է իհարկ է, բայց չէ որ, ծեր սատանայ, դարձեալ կը կտրես ինձ»:

— Իհարկ է, ասում եմ ես, եթէ տամեհինգ անգամ էլ քննուիք ինձ մօտ, դուք գրանով աւելի ուսումնական չէք դառնալ. բայց դա կը կրթէ ձեր մէջ բնաւորութիւն. այդ ևս բաւական է:

Տիրում է լուծիւն: Ես վեր եմ կենում և սպասում հիւրիս գնալուն, իսկ նա, աչքերը ձգած պատուհանին, ձեռքով շոյում է իր փոքրիկ միրուքը և մտածում: Սկսում է ձանձրալի լինել:

Սանդուխիկի ձայնը դուրեկան է, աչքերը խելացի և կենսուրախ, իսկ գէմքը բարեհոգի, բայց մի փոքր ուռած շատ գարեջուր գործածելուց և երկար սլառկելուց. ըստ երևոյ-



Թին նա կարող էր պատմել ինձ շատ հետաքրքիր բաներ օպերայից, իւր սիրահարական արկածներից, ընկերների կեանքից, բայց, դժբախտաբար, այդպիսի բաների մասին խօսելը ընդունուած չէ, թէև ես մեծ բաւականութեամբ կը լսէի:

— Պրօֆէսօր, տալիս եմ ձեզ ազնիւ խօսք, որ եթէ նշանակէք ինձ բաւարար թուանշան, ես...

Հէնց որ գործը հասնում է «ազնիւ խօսքի», ես թափ եմ տալիս ձեռքս և նստում: Ուսանողը մի րոպէ ևս մտածում է և ապա տխրաձայն ասում:

— Այդ դէպքում մնաք բարև, ներեցէք:

— Գնաք բարև, իմ բարեկամ, բարի առողջութիւն:

Նա անհաստատ քայլերով դիմում է միջանցքը, ուր դանդաղ կերպով սկսում է հագնուիլ, ապա դուրս է գալիս փողոց և հաւականաբար դարձեալ երկար մտածում է, բայց ոչ մի հետեանքի չհասնելով, նա իմ հասցէին ուղղում է «ձեր սատանայ» բառերը և գնում մի յետ ընկած ճաշարան դարեջուր խմելու և ճաշելու, իսկ այնուհետև՝ տուն քնելու: Հանգիստ ոսկրներիդ, ազնիւ մշակ:

Լսում է զանգակի ձայնը երրորդ անգամ: Ներս է մըտնում մի երիտասարդ բժիշկ բոլորովին նոր սև համազգեստով, ոսկեայ, շրջանակներով ակնոցները աչքերին և անպատճառ սպիտակ փողպատով: Ծանօթանում ենք: Ես խնդրում եմ նստել և հարցնում, թէ արդեօք ի՞նչ է ցանկանում: Առանց որ և է յուզմունքի գիտութեան այդ մատաղ ներկայացուցիչը սկսում է պատմել ինձ, որ այս տարի յաջողութեամբ տուել է դօկտօրանտի քննութիւն և այժմ միայն մնում է գրել դիսերտացիա. նա յայտնում է, որ ցանկութիւն ունի պարապել ինձ մօտ, իմ ղեկավարութեան ներքոյ և թէ ես շատ պարտաւորեցրած կը լինիմ նրան, տալով դիսերտացիայի համար որ և է նիւթ:

— Չատ ուրախ եմ լինել ձեզ օգտակար, բայց ասացէք խնդրեմ, ի՞նչ է նշանակում դիսերտացիա: Այդ անուան տակ

սովորաբար ընդունուած է հասկանալ մի այնպիսի շարադրութիւն, որ կազմում է ինքնուրոյն ստեղծագործութեան արդիւնք. այդպէս չէ: Ուրիշի տուած տեմայի և ղեկավարութեան տակ գրածը անուանում է այլ կերպ...

Դօկտօրանտը լռում է, իսկ ես տաքանում եմ և տեղիցս վեր թռչում:

— Ի՞նչ է ամենքդ էլ գալիս էք ինձ մօտ, բղաւում եմ ես բարկացած:— Ինձ մօտ վաճառատուն չէ: Ես տեմաներ չեմ ծախում: Հազար ու մէկ անգամ խնդրում եմ ձեզ բոլորիդ թողնել ինձ հանգիստ: Ներեցէք անբազաբաւարութեանս, բայց վերջապէս ձանձրացրիք ինձ:

Դօկտօրանտը լռում է: Նրա դէմքը, որ արտայայտում է խորին ակնածութիւն դէպի իմ հեղինակութիւնը, թեթև ինչ կարմրում է: Աչքերի մէջ տեսնում եմ, որ նա ատում է թէ իմ ձայնը և թէ ողորմելի դէմքս: Իմ բարկութեամբ և ջղային ցնցումներովս ես ներկայանում եմ նրան, որպէս մի կատարեալ հոէշ:

— Իմ մօտ վաճառատուն չէ, բարկանում եմ ես:— Եւ զարմանալի բան է. ինչնու դուք չէք ուզում ինքնուրոյն լինել, ինչնու ձեզ համար այդքան ատելի է ազատութիւնը:

Խօսում եմ ես անվերջ, իսկ նա շարունակ լռում է:

Բայց վերջ ի վերջոյ բարկութիւնս կամաց կամաց իջնում է: Դօկտօրանտը ստանում է ինձանից տեման, որ մի գրօշ չարժէ և գրում է իմ հսկողութեան տակ իր բոլորի համար էլ անօգուտ դիսերտացիան և ստանում իրան համար անպէտք գիտական տխրոգոսը:

Ձանգահարութիւնները կարող են հետեւել միմեանց անվերջ: Խփում է շորքորդ անգամ և ես լսում եմ ինձ ծանօթ ոտների ձայնը ու հանդերձի խշխշոցը:

Տասն և ութ տարի սրանից առաջ մեռաւ իմ բարեկամ ակնաբուժը և թողեց իրանից յետոյ իր 7 տարեկան դուստր Կատիային և 60 հազար րուբլի: Կտակի մէջ բարեկամս նշանա-

կել էր ինձ խնամակալ: Մինչև տասը տարեկան հասակը Գատիան ասորում էր իմ տանը. ապա մտաւ ինստիտուտ և այնուհետև միմիայն ամառուայ երեք ամիսները ասորում էր մեզ մօտ: Ես ժամանակ չունէի զբաղուելու Գատիայի դաստիարակութեամբ, հետևում էի միմիայն երբեմնապէս, և ահա այս պատճառով էլ նրա մանկութեան մասին կարող եմ ասել միայն մի քանի խօսք:

Գատիայի բնակորութեան ամենաաչքի ընկնող գիծը կապմունք էր անսահման հաւատը, որ նա տածում էր դէպի իր շրջապատողները և այն բժիշկները, որոնց մօտ բժշկւում էր: Այդ հաւատը մշտապէս գծապրում էր նրա գէմքի վրայ: Պատահում էր երբեմն, որ նա թուշը կապած նստած էր լինում առանձին և նայում էր ինչ որ բանի վրայ ուշադրութեամբ. ամենայն անգամ, երբ նա հետաքրքրութեամբ դիտում էր, թէ ինչպէս ես թերթում եմ գիրքը և կամ կինս պարապում է անտեսութեամբ, թէ ինչպէս խոհարարուհին մաքրում է գետնախնձորը և կամ ինչպէս խաղում է շունը, նրա աչքերը միշտ անփոփոխ արտայայտում էին, որ ամեն բան, ինչ կատարւում է աշխարհիս վերայ, գեղեցիկ է և խելացի: Նա շատ էր սիրում խօսել ինձ հետ, և հետաքրքրւում էր ամեն մի բանով: Պատահում էր, որ սեզանի նստած ժամանակ տեղաւորւում էր նա իմ հանգէպ, հետևում էր շարժումներին և տալիս զանազան հարցեր: Նրան հետաքրքրում էր իմանալ, թէ ինչ եմ կարգում, ինչ եմ անում համալսարանում, արդեօք չեմ վախենում գիակներից և ինչ եմ անում ոռճիկս...

— Ուսանողները համալսարանում կու՞նեն, հարցնում էր նա:

— Կուում են, սիրելիս:

— Իսկ դուք նրանց չորացնում էք:

— Այո, չորացնում եմ:

Եւ նրան ծիծաղելի էր թւում, որ ուսանողները կուում են և ես նրանց չորացնում եմ, և նա ծիծաղում էր: Գատիան

մի համեստ, համբերող և բարի երեխայ էր: Յաճախ պատահում էր, որ խլում էին նրա ձեռքից որ և է բան, ի դուր տեղը պատժում էին և կամ բաւականութիւն չէին տալիս նրա հետաքրքրութեանը: Այդպիսի դէպքերին նրա փորրիկ գէմքը, իւր մշտական հաւատ ընծայող արտայայտութեամբ, ծածկւում էր թախիծով: Ես չէի կարողանում պաշտպան հանդիսանալ նրան և միայն, երբ նկատում էի նրա գէմքի թախիծը, ցանկութիւն էի զգում կանչել մօտս, փայփայել նրան ինչպէս գայեակ ու ասել. «Իմ սիրելի որբիկս»:

Յիշում եմ նոյպէս, որ նա սիրում էր լաւ հագնուել և դուխիներ սրսկել շորերին: Այդ կողմից նա նմանում էր ինձ. ես ևս սիրում եմ գեղեցիկ հանդերձ և լաւ դուխիներ:

Յաւում եմ, որ չեմ ունեցել ժամանակ և ցանկութիւն հետեւելու, թէ ինչպէս է առաջ եկել ու զարգացել Գատիայի մէջ անսահման սէր դէպի թատրոնը: 14—15 տարեկան հասակում այդ սէրը արդէն ամբողջապէս տիրապետում էր նրան: Երբ արձակուրդներին ինստիտուտից վերադառնում էր մեզ մօտ, այն ժամանակ նա ոչ մի բանի վրայ չէր խօսում այնպիսի յափշտակութեամբ, ինչպէս պիեսանների ու դերասանների մասին: Իր մշտական պատմաւածքներով նա մինչև անգամ ձանձրացնում էր մեզ: Կինս և երեխաները չէին լսում նրան. միմիայն ես քաջութիւն չունէի ուշադրութիւն չդարձնել նրան: Երբ Գատիան ցանկանում էր յայտնել իր հրճուանքը ուրիշին, սովորաբար գալիս էր ինձ մօտ առանձնասենեակս և ասում էր պերսոյ ձայնով.

— Նիկալայ Ստեպանովիչ, թոյլ տուէր խօսել ձեզ հետ թատրոնի մասին:

Ես ցոյց էի տալիս նրան ժամացոյցը և ասում.

— Տալիս եմ քեզ կէս ժամ ժամանակ, դէ՛հ սկսիր:

Գատիան կոյր երկրպագու էր դերասանների և դերասանուհիների, որոնց պատկերները և ձեռք էր բերում գիւթիններով: Մի քանի անգամ ևս նա փորձեց մասնակցել սիրողների

ներկայացմանը և վերջ ի վերջոյ, երբ աւարտեց ուսումը, յայտնեց ինձ որ իր կոչումն է դերասանուհի լինել:

Եւ ոչ մի ժամանակ չէի համակրում Գատիայի հրճուանքը դէպի թատրոնը: Իմ կարծիքով եթէ մի պիեսայ լաւ է կարևոր տպաւորութիւն թողնելու համար, կարիք չկայ նեղութիւն պատճառել դերասաններին, այլ կարելի է միմիայն կարգալով էլ բաւականանալ: Իսկ եթէ պիեսան վատ է, այն ժամանակ և ոչ իմ տեսակ խաղ չի կարող նրան լաւացնել:

Երիտասարդ ժամանակս ես յաճախ էի այցելում թատրոն, իսկ այժմ միայն տարին մէկ, երկու անգամ ընտանիքս վերցնում է օթեակ և ինձ էլ քաշ տալիս: Իհարկէ այդ բաւական չէ, որ ես իրաւունք ունենամ գատողութիւն անել թատրոնի մասին, բայց կ'ասեմ միայն մի քանի խօսք: Իմ կարծիքով թատրոնը այժմ ոչնչով աւելի լաւ չէ, քան էր սրանից 30—40 տարի առաջ: Այժմ էլ ոչ թատրոնական միջանցքներում և ոչ էլ ֆոյէում կարելի է գտնել մի բաժակ մաքուր ջուր: Առաջուայ նման սպասաւորները քսան կողէկ տուգանք են վերցնում ինձանից մուշտակիս համար, թէև ոչ մի մեղք բան չէ ձեռք տար հագնուիլ: Անտրակտներում առանց որ և է կարիքի դարձեալ ածում է երաժշտութիւնը, պիեսայից ստացած տպաւորութեան վրայ աւելացնելով նորը: Ինչպէս առաջ, այժմ էլ դարձեալ տղամարդիկ գնում են բուֆետ ոգելից ըմպելիքներ խմելու: Եթէ չկայ յառաջադիմութիւն փոքր բաների մէջ, աւելորդ կը լինէր սրտնել խոշորներում: Երբ դերասանը գլխից մինչև ոտները շաղախուած թատրոնական արագիցիաներով և նախապաշարմունքներով աշխատում է «լինել, թէ չլինել» պարզ և սովորական մենախօսութիւնը անպատճառ արտասանել ձայնի շշիւնով և ցնցումներով, կամ երբ աշխատում է համոզել ինձ, որ յիմարների հետ անչափ խօսող և յիմարուհուն սիրող Չափկին խեղացի մարդ էր, և կամ որ «Թեկրից պատուհասը» մի ձանձրալի պիեսայ չէ, այն ժամանակ բեմից փչում է նոյն բուտինայի հոտը, որ ձանձրալի էր ինձ համար դեռ

սրանից 40 տարի առաջ: Եւ ամեն անգամ, երբ դուրս եմ գալիս թատրոնից, ես աւելի պահպանողական եմ դառնում, քան էի առաջ:

Սանտիմենտալ և դիւրահաւան ամբոխին կարելի է համոզել, որ թատրոնը իւր այժմեան ձևով մի գարոց է. բայց ով ծանօթ է դարոցի հետ բառիս բուն նշանակութեամբ, նրան ցանցի մէջ ձգելը անկարելի է: Չգիտեմ, ինչ կը լինի 50 կամ 100 տարուց յետ, բայց ներկայումս թատրոնը ծառայում է, որպէս զուարճութեան տեղ: Սակայն այդ զուարճութիւնը չափազանց թանկ է նստում: Նա խլում է տէրութիւնից հազարներով երիտասարդ, թարմ, առողջ և տաղանդաւոր ոյժեր, որոնք եթէ չնուիրուէին թատրոնին, կարող էին լինել լաւ բժիշկներ, հացթուխներ, ուսուցչուհիներ, օֆիցերներ և այլն: Թատրոնը խլում է հասարակութիւնից երեկոյեան ժամերը, որ ամենալաւ ժամանակն է մտաւոր զբաղմունքների և ընկերական խօսակցութիւնների համար: Աւելորդ եմ համարում այլ և խօսել այն դրամական և բարոյական կորուստների մասին, որ կրում է հանդիսատեսը, տեսնելով բեմի վրայ անարդար սպանութիւններ, անպատկառ և բարոյականութիւնից զուրկ վարմունքներ և կամ բամբասանք:

Գատիան բոլորովին այլ համոզմունքի էր: Նա հաւատացնում էր ինձ, որ թատրոնը մինչև անգամ իր ներկայ դրութեամբ էլ բարձր է լսարանից, գրքերից և ամեն մի բանից, որ գոյութիւն ունին աշխարհումս: Թատրոնը՝ դա մի ոյժ է, որ միացնում է իր մէջ բոլոր գեղարուեստները, իսկ դերասանները բարոզիչներ են: Ոչ մի գեղարուեստ և ոչ մի գիտութիւն, առանձին վերցրած, չեն կարող այնպէս սաստիկ և ճշգրիտ կերպով ներգործել մարդկային հոգու վրայ, որքան բեմը. և իզուր չէ, որ նոյն իսկ միջակ դերասանը տէրութեան մէջ աւելի հուշակ է վայելում, քան ամենալաւ գիտնականը և կամ արուեստագետը: Եւ ոչ մի հասարակական գործունէու-

Թիւն չի պատճառում այն հոգեզմայլումն ու բաւականութիւնը, ինչ որ բեմականը:

Մի գեղեցիկ օր Կատիան մտաւ խումբը և գնաց կարծեմ Ուֆա, տանելով իր հետ շատ փող, վարդագոյն յոյսեր և արիստոկրատիական հայեացք գործի վրայ:

Առաջին նամակները, որ նա գրել էր դեռ ճանապարհից, հրաշալի էին: Ես կարդում էի և ուղղակի զարմանում, թէ ինչպէս կարող են այդ փոքրիկ թերթիկները պարունակել իրանց մէջ այնքան թարմութիւն, հոգու մաքրութիւն, անմեղ միամտութիւն և միևնոյն ժամանակ նուրբ ու գործնական դատողութիւններ, որոնք կարող են պատիւ բերել տղամարդու լաւ ուղեղի: Վօլգան, բնութիւնը, այցելած քաղաքները, ընկերներին, իւր ունեցած յաջողութիւններն ու անյաջողութիւնները նա ոչ թէ նկարագրում էր, այլ երգում: Իւրաքանչիւր տողը շնչում էր անկեղծութիւն, որպիսին ես սովոր էի տեսնել նրա դէմքի վրայ: Այս բոլորով հանդերձ նրա նամակները լի էին լինում բազմաթիւ քերականական սխալներով, իսկ կէտադրութիւն որ ամենևին չկար:

Չանցաւ և կէս տարի, ինչպէս ես ստացայ մի չափազանց բանաստեղծական և ոգևորուած նամակ, որ սկսում էր հետեւեալ բառերով. «Ես սիրահարուած եմ»: Նոյն նամակի մէջ ծրարած էր և մի տղամարդու լուսանկարը, ամիլած դէմքով, լայնեզր շեւապայով և պլէզը ուսերին: Յետագայ նամակները նոյնպէս հրաշալի էին, բայց արդէն երևում էին կէտադրութեան նշաններ, անյայտացել էին քերականական սխալները և սաստիկ տղամարդու մտածողութեան հոտ էր փչում: Կատիան գրում էր, որ լաւ կը լինի Վօլգայի ափին մի որ և է տեղում շինել մի մեծ թատրօն, որի շինութեանը մասնակցէին հարուստ վաճառականներ և նաւատէրեր: Այդ գէպըում փող շատ կը լինէր, թատրոնը մեծ մուտք կ'ունենար և գերասանները կը խաղային ընկերական պայմաններով... Չատ կարելի է, որ այդ բոլոր ծրագիրները իսկապէս լաւ են, բայց ինձ

թւում է, թէ այդպիսի մտածմունքներ միմիայն տղամարդու գլխից կարող են դուրս գալ:

Այդպէս տեսց տարի ու կէս, մօտ երկու տարի. ըստ երևոյթին ամեն ինչ բարեյաջող էր. Կատիան սիրում էր, հաւատում իր գործին և երջանիկ էր: Բայց յետոյ նամակների մէջ սկսեցի նկատել հոգու անկման պարզ նշաններ: Կատիան սկսեց գանգատուել իւր ընկերների վերայ. սա առաջին և չարագուշակ նշանն էր: Եթէ երիտասարդ գիտնականը և կամ գրականագէտը սկսում է իւր գործունէութիւնը դառնապէս գանգատուելով գիտնականների և գրականագէտների վրայ, այդ նշան է արդէն, որ նա յոգնել է, ուրեմն և անպէտք է գործի համար: Կատիան գրում էր ինձ, որ ընկերները չեն յաճախում կրկնութիւններին և ոչ մի ժամանակ չեն իմանում իրանց գերերը: Բեմի վրայ նրանց բռնած դիրքը, անմիտ պիեսաներ ներկայացնելը՝ այս բոլորը պարզ վկայում են, որ նրանք լիովին յարգանք չեն տաձում դէպի հասարակութիւնը: Նրանց զբաղեցնում է միմիայն լաւ մուտք ունենալու գտափարը, և այդ շատ պարզ երևում է նրանից, որ այդ գրամատիկ գերասանները և ողբերգուները յաճախ թոյլ են տալիս իրանց այն աստիճան ստորանալ, որ խաղում են ու երգում միմիայն խեղկատակ երգչուհիներին վայել բաներ. նրանց մէջ նորա ծագում են խաբուած ամուսիններին և անհաւատարիմ յղի կանանց: Բնդհանրապէս մարդ զարմանում է, թէ ինչպէս մինչև այժմ գաւառական գործը չի մեռել, և մի բարակ, հոտած երակ դեռ վկայում է նրա պոյութիւնը:

Ես Կատիային պատասխանեցի երկար, բայց և պէտք է սասած, շատ ձանձրալի նամակով: Այդ նամակում 'ի միջի այլոց գրել էի, թէ պատահել է ինձ մի քանի անգամ խօսակցութիւն ունենալ իմ բարեկամ ծերունի գերասանների հետ, որ շատ ազնիւ մարդիկ են: Մրանց խօսակցութիւնից ես կարողացել եմ հասկանալ, որ նրանք իրանց գործունէութեան մէջ գեկավարում են ոչ այնքան սեփական խելքով և ազատ

կամքով, որքան մօզայով ու հասարակութեան տրամադրութեամբ: Ամենալաւ գերասաններն անգամ խաղացել են և սօբերգութիւններ, և փոքրիկ թատերգութիւններ. բեմ են դուրս եկել փարիզեան ֆարսերում. և նրանք միշտ այն համոզմունքի են եղել, իբր թէ ընթանում են ուղիղ շաւղով և օգուտ են բերում հասարակութեանը: Նշանակում է, ինչպէս տեսնում ես, չարիքի արմատը աւելի խորն է և դա չպէտք է որոնել գերասանների մէջ, այլ հէնց իրան արուեստի և դէպի նա հասարակութեան ունեցած վերաբերմունքի: Իմ այս նամակը աւելի էր գրգռել Կատիային: Նա պատասխանում է ինձ. «Մենք իրար չենք հասկանում. ես գրել էի ձեզ ոչ թէ ազնուագոյն մարդկանց մասին, որոնք եղել են ձեզ բարեկամ, այլ դատարկաբոյժների մի խմբակի մասին, որոնք չունին և ոչ մի աւրնչութիւն ազնուութեան հետ: Դա փայրենի մարդկանց մի խմբակ է, որոնք ընկել են բեմը միմիայն այն պատճառով, որ ուրիշ տեղ չէին ընդունի նրանց, և արտիստ են համարում իրանց, որովհետեւ անամօթ են: Չկայ և ոչ մի տաղանդ, բայց գրա փոխարէն բամբաստէրներ, ինտրիգաններ, հարբեցողներ և անշնորհք ու անձիրք մարդիկ՝ որքան կամենար: Չեմ կարող խօսքով արտայայտել, թէ ինչպիսի վիշտ է պատճառում ինձ, որ անչափ սիրած արուեստը ընկել է այդպիսի մարդկանց ձեռքը: Յաւալի է նոյնպէս, որ լաւ մարդիկ միմիայն հեռուից են տեսնում չարիքը և չեն կամենում մօտենալ: Փոխանակ պաշտպան հանդիսանալու՝ նրանք ծանր ու անհասկանալի ոճերով գրում են բարոյախօսութիւններ՝ ամենքին էլ անպէտք»:

Անցաւ էլի մի փոքր ժամանակ և ևս ստացայ այսպիսի նամակ. «Ես խաբուած եմ տմարդի կերպով: Չեմ ցանկանում այլ ևս ապրել: Կարգադրեցէք փողերիս մասին, ինչպէս հարկաւոր կը համարէք: Միբու՛մ եմ ձեզ որպէս հօրս և որպէս իմ միակ բարեկամին: Մնար բարեաւ»:

Պարզուեց, որ Կատիայի սիրականն էլ պատկանելիս է եղել «փայրենի մարդկանց խմբակին»: Վերջը մի քանի ակնարկներից գուշակեցի, որ Կատիան դիմած է եղել թո՛ւնաւորութեան, ապա լուրջ կերպով հիւանդացել և տեղափոխուել է Եալթա երևի բժիշկների խորհրդով: Վերջին նամակով Կատիան խնդրում էր ինձանից, որ կարելոյն չափ շուտով ուղարկեմ իրան Եալթա հազար թուրքի. վերջանում էր նամակը հետեւեալ տողերով. «Ներեցէք, որ նամակս այսպէս մռայլ է: Երեկ ես թաղեցի որդուս»: Մի ամբողջ տարի Ղրիմում ապրելուց յետ նա վերադարձաւ տուն:

Ճանապարհորդեց Կատիան մօտաւորապէս չորս տարի և բոլոր այդ ժամանակամիջոցում նրա վիճակի նկատմամբ, պէտք է խոստովանած, ես խաղացի շատ հնչին և օտարօտի դեր: Երբ նա վաղօրօք յայտնեց ինձ իր մտադրութիւնը գերասանուհի լինելու և յետոյ գրում էր սիրահարութեան մասին, երբ շուայութեան ոգին հետզհետէ տիրապետում էր նրան և ես պահանջի համաձայն ուղարկում էի երբեմն հազար, երբեմն երկու հազար թուրքի, կամ երբ գրել էր անձնասպանութեան մտադրութեան մասին և վերջը երեխայի մահը, բոլոր այդ դէպքերում ես մասնակցեցի նրա բախտին միմիայն երկար ու ձանձրալի նամակներով, որ կարող էի և չգրել, այն ինչ ես փոխարինում էի նրան հարազատ հօր և սիրում ազգկաս պէս:

Այժմ Կատիան ապրում է այստեղից կէս վերստ հեռաւորութեան վրայ: Նա վարձել է հինգ սենեակից բաղկացած մի բնակարան և բաւականին յարմար ու ճաշակով դարգարել: Սննեակներում ընդհանրապէս տիրում է ծուլութեան ոգի: Փափուկ բազմոցներն ու աթոռները, գորգերի առատութիւնը, աղօտ և անթափանցիկ գոյները, բազմաթիւ էթանազին հովհարները և մի շարք օրիգինալ, բայց բովանդակութիւնից համարեա բոլորովին գուրկ պատկերները վկայում են տանտիրուհու անփոյթ լինելը, ծուլութիւնը և փափկասիրութիւնը: Այս ու այն կողմ դրուած են բոլորովին աւելորդ սեղաններ,

իրանց վրայ դասաւորուած անպէտք առարկաներով, և կախ են արուած զանազան կտորներ վարագոյրների տեղ: Ամբողջ օրերով Կատիան պառկում է բազմոցում և գիրք կարդում՝ գլխաւորապէս վէպեր և վէպիկներ: Տանից դուրս է գալիս միմիայն օրը մէկ անգամ՝ կէսօրից յետոյ, ինձ հետ տեսակցուելու համար:

Ես պարագում եմ, իսկ Կատիան նստում է ինձանից ոչ հեռու բազմոցում և լուռ: Նա այնպէս փաթաթուած է շալի մէջ, որ կարծես մրսելիս լինի: Կատիայի ներկայութիւնը ինձ չի խանգարում կենդրոնանալ. ես արդէն սովորել եմ նրա յաճախակի այցելութիւններին այն ժամանակուանից, երբ նա դեռ երեխայ էր: Մէկ-մէկ ես մերենաբար տալիս եմ որ և է հարց, և նա պատասխանում է շատ կարճ. կամ թէ մի բոպէ հանգստանալու համար ես յետ եմ դառնում դէպի Կատիան և նայում, թէ ինչպէս նա խորասուզուած աչքի է անցկացնում որ և է բժշկական հանդէս կամ լրագիր: Այդ ժամանակ ես նկատում եմ, որ նրա դէմքի վրայ այլ ևս չի գայլում նախկին անսահման հաւատի կնիքը: Արտայայտութիւնը այժմ ստան է, անտարբեր և ցրուած, ինչպէս այն ճանապարհորդներին, որոնք ստիպուած են դեռ երկար սպասել գնացքին: Հագնւում է նա այժմ էլ առաջուայ նման դեղեցիկ, պարզ, բայց անփոյթ. երևում է, որ մազերի սանդղուածքը և հանդերձները բաւականին փչանում են օրերով պառկելուց: Այժմ նա արդէն առաջուայ նման հետաքրքրուող չէ: Այլ ես ինձ հարցեր չի տալիս, կարծես ամեն բան կեանքում արդէն ճաշակել է և չի սպասում որ և է նորութիւն լսելու:

Ժամը չորսին մօտ դահլիճում և հիւրանոցում սկսում է շարժում: Այդ Լիզան է, որ վերագարձել է կոնսերուատորիայից և բերել է իր հետ ընկերուհիներին: Լսելի է լինում, ինչպէս նուազում են դաշնամուրի վրայ, փորձում են իրանց ձայները և ծիծաղում: Սեղանատանը Եզոբը պատրաստում է սեղանը և ամանները չրրիչրրիկացնում:

— Մնաք բարեաւ, ասում է Կատիան, այսօր չեմ կարող այցելել ձեր ընտանիքին: Թող ներեն: Ժամանակ չունիմ: Համեցէք ինձ մօտ:

Երբ ես ուղեկցում եմ նրան մինչև միջանցքը, նա յետ է նայում և սառն կերպով չափելով ինձ ոտիցս մինչև գլուխ, ասում է սրանեղութեամբ.

— Իսկ դուք շարունակ նիհարում էք, ինչո՞ւ չէք բժշկուում, կամենում էք իսկոյն կը գնամ Սերգէյ Ֆեօօօրովիչին հրաւիրելու. թող մտիկ տայ ձեզ:

— Հարկաւոր չէ, Կատիա:

— Չարմանում եմ, թէ ինչպէս են մտիկ տալիս ձեզ վրայ ձեր ընտանիքը: Լաւ են, խօսք չունիմ ասելու:

Նա ջղաձգաբար հագնում է քուրքը, և այդ ժամանակ գլխի մազերից անպատճառ վայր են ընկնում մէկ երկու ձեղիկներ: Ծուլութիւնը խանգարում է այստեղ ևս ուղղելու մազերի սանդղուածքը. նա մի կերպ թափթփուած մազերը հաւարում է գլխարկի տակ և գնում:

Ես մտնում եմ սեղանատուն: Կինս հարցնում է.

— Կատիան ինչո՞ւ չմտաւ մեզ մօտ, այդ շատ օտարօտի է...

— Մայրիկ, ասում է յուզմունքով Լիզան, եթէ չի ցանկանում, Աստուած հետը, հօ ծոներ չորսելու չենք նրա առաջ:

— Ինչպէս կուզէ, բայց դա արհամարհանք է. նստել առանձնատնեակում երեք ժամ և յանկարծ չյիշել մեզ...

Վարիան և Լիզան՝ երկուսն էլ ատում են Կատիային: Այդ ատելութիւնը ինձ համար անհասկանալի է, և երեկ ըմբռնելու համար պէտք է կին լինել: Գլխովս երաշխաւոր եմ, որ այն 150 երիտասարդներից, որոնց ես համարեա ամենայն օր հանգիպում եմ լսարանում և այն հարիւրաւոր հասակ առած մարդկանցից, որոնց պատահում եմ իւրաքանչիւր շաբաթ, չի գտնուի և մէկը, որ ատելութիւն և զգուանք զգար դէպի Կատիայի անցեալը՝ այսինքն՝ դէպի անպսակ յուլութիւնը և ապօրինի զաւակը: Միևնոյն ժամանակ ես չեմ մտաբերում

և ոչ մի կին ծանօթ կանանցից, որ գիտակցաբար և կամ բնազդամբ զգացած չլինի իւր մէջ այդ զգացմունքները: Եւ այդ նրանից չէ, որ կինը աւելի առաքինի և բարձր է տղամարդուց, չէ որ առաքինութիւնը և մաքրութիւնը շատ քիչ են զանազանում յանցանքից, եթէ ազատ չեն չար միտումներից: Ես բացատրում եմ այդ պարզապէս կանանց յետամնացութեամբ: Այն կարեկցութիւնը և խղճի ձայնը, որ զգում է իր մէջ այժմեան տղամարդը դժբախտութիւն տեսնելիս, աւելի պարզ ցոյց են տալիս ինձ քաղաքակրթութեան և բարոյականութեան յառաջադիմութիւնը, քան թէ ատելութիւնը և զղուանքը: Այժմեան կինը նոյնքան լալիան է՝ ենթակայ կեղծ խանդաղատութեան և միևնոյն ժամանակ սրտով կոպիտ, որքան միջին դարերում: Իմ կարծիքով շատ խելացի են վարւում նրանք, որոնք խորհուրդ են տալիս կնոջ դաստիարակուել, ինչպէս տղամարդը:

Կինս չի սիրում Կատիային այլ և այն պատճառով, որ վերջինս մի ժամանակ եղել է դերասանուհի, համարում է նրան երախտամոռ, հպարտ, օտարօտի, և վերադրում է նրան բազմաթիւ այնպիսի յանցանքներ, որպիսին միայն կինը կարող է գտնել դիմացքի մէջ:

Քացի ինձանից և ընտանիքիցս, մեզ մօտ ճաշում են այլ և Լիզայի երկու-երեք ընկերուհիները և Ալէքսանդր Ադոլֆօվիչ Գնեկիերը, որ համարում է Լիզայի ապագայ փեսացուն:

Սա երեսուն տարեկան, միջին հասակով երիտասարդ է չափազանց գէր և լայնաթիկունք: Չիկագոյն այտամօրուսը և ներկած բեխերը լայն ու հարթ երեսին տալիս են ինչ որ ծիծաղաշարժ արտայայտութիւն: Հագնում է կարճ պիզակ, գունաւոր ժիլետ և անդրավարտիկ, մեծ զոլուսը կտորից, որ գէպի վերևը լայն է, իսկ քանի գնում ներքև՝ այնքան նեղանում է. նոյնպէս և գեղին կօշիկներ առանց կրունկների: Նրա աչքերը կորնթարդ են, ինչպէս խեցզետնիներ, փողպատը նման նոյն կենդանու պարանոցին. և մինչև անգամ ինձ թւում է, թէ այդ երիտասարդ մարդը ամբողջովին արձակում է խեցզետնից պատրաստած արգանակի հոտ: Լինում է նա մեզ մօտ

ամենայն օր և ոչ որ մեղանից չգիտէ, թէ ինչ ծագում ունի նա, սրտեղ է սովորել, ինչնով է ապրում: Նա ոչ նուագում է որ և է դործիքի վրայ և ոչ երգում, բայց ինչ որ կապ ունի թէ երաժշտութեան և թէ երգեցողութեան հետ. մի տեղ ծախում է այս ինչի դաշնամուրը, յաճախ լինում է կոնսերուատորիայում, ծանօթ է բոլոր յայտնի երաժիշտների հետ, կոնցերտներում կարգադրիչ է լինում. դատում է երաժշտութեան մասին մեծ հեղինակութեամբ և, ինչպէս նկատել եմ, բոլորերեան սիրով համաձայնում են նրա հետ:

Հարուստ մարդիկ միշտ ունենում են իրանց շուրջը ձրիակերներ: Այսպէս և գիտութիւնն ու գեղարուեստը: Կարծեօք աշխարհում չկայ և ոչ մի գիտութիւն ու գեղարուեստ, որոնք ազատ լինին այլազան մարմինների ներկայութիւնից, ինչպէս պ. Գնեկիերն է: Ես երաժիշտ չեմ և կարող է պատահել, որ սխալւում եմ Գնեկիերի վերաբերմամբ, որին, պէտք է ասած, դեռ լաւ չեմ ճանաչում, բայց ինձ բաւականին կասկածելի է թւում այն հեղինակութիւնը և դիրքը, որ բռնում է նա իւրաքանչիւր անգամ, երբ կանգնած դաշնամուրի մօտ լսում է որ և է մէկի նուագելը և կամ երգելը:

Թէկուզ եղէք հարիւրապատիկ ջէնտլմեն և զաղտնի խորհրդական, բայց եթէ ունիք աղջիկ, այն ժամանակ ոչնչով ապահով չէք, որ ձեր տունը մուտք չեն գործի խնամախօսութեան և ամուսնութեան պատրուակով զանազան քաղաքաբնակ շարչիներ: Օրինակ, ես ոչ մի կերպ չեմ կարողանում հաշտուել կնոջս այն հանդիսաւոր արտայայտութեան հետ, որ ընդունում է նա ամեն անգամ, երբ մեզ մօտ է լինում Գնեկիերը:

Չեմ կարող հաշտուել նոյնպէս Լաֆէտի, պորտֆէյնի և խերէսի շքերի հետ, որոնք դարսւում են սեղանին միմիայն պ. Գնեկիերին ցոյց տալու համար, որ մենք ապրում ենք շքեղ և շուայլ: Չեմ կարողանում տանել Լիզայի բաց ծիծաղը և աչքերը պըշտցնելու սովորութիւնը այն ժամանակ, երբ մեզ մօտ տղամարդիկ են լինում: Գլխաւորապէս ինձ համար ան-

հասկանալի է, թէ ինչու ամենայն օր գալիս է մեզ մօտ և ինձ հետ ճաշում մի մարդ, որ բոլորովին անծանօթ է սովորութիւններին, մասնագիտութեանս, կեանքիս եղանակին, և որը բոլորովին նման չէ այն մարդկանց, որոնց ես սիրում եմ: Գինս և ծառաները խորհրդաւոր կերպով շնչում են թէ «նա փետացու է», բայց ես այնու ամենայնիւ չեմ կարող հաշտուել նրա ներկայութեան հետ: Նա յարուցանում է իմ մէջ մի այնպիսի ատկութիւն, որպիսին կարող է պատճառել, եթէ հետս նստած լինի սեղան մի դուրս: Ես նոյնպէս զարմանում եմ, թէ ինչպէս այդիկս՝ Լիզան, որին ես սովոր եմ երեսայ համարել, սիրում է այդ փողպատը, աշքերը և այդ լիր թշերը...

Ճաշի ժամերը առաջ ինձ բաւականութիւն էին պատճառում, իսկ այժմ միմիայն ձանձրոյթ և սրտնեղութիւն: Այն օրից, երբ ես գառայ «ձերդ գերազանցութիւն» և եղայ բժըշկական մասնաճիւղի գեկան, ընտանիքս, չգիտեմ ինչն, հարկաւոր համարեց բոլորովին փոխել կերակուրների ցուցակը և ճաշուայ կարգերը: Փոխանակ այն հասարակ, պարզ կերակուրների, որոնց ընտելացել էի ուսանող և բժիշկ եղած ժամանակս, այժմ ինձ կերակրում են պիւրէ-արգանակով, որի մէջ լողում են ինչ որ սպիտակ խմորեղէն բաներ, երկիւմունքներով և այլն. գեներալի աստիճան և հռչակ ստանալս խիցցին ինձանից ընդ միշտ շէին, համեղ կարկանդակները, սազը խնձորով պատրաստած և կապոյտ ձուկը կորկտախաշիլի հետ: Նրանք խիցցին այլ և աղախին Ագաշային, որ մի շատախօս և կատակասէր պառաւ էր: Այժմ նրա փոխարէն ճաշ է մատուցանում մի յիմար և ինքնահաւան երիտասարդ, սպիտակ ձեռնոցը աջ ձեռին: Ճաշուայ ընդմիջումները կարճ են, թէև թւում են չափազանց երկար, որովհետև դատարկութիւն լրացնող ոչինչ չկայ: Նախկին ուրախութիւնը, ազատ խօսակցութիւնները, կատակները, ծիծաղը, փոխադարձ փաղաքշանքները այժմ չկան: Ինձ նման մի մարդու համար, որ ամբողջ օրը զբաղուած է մտաւոր աշխատանքով, ճաշը հանգստութեան և տե-

սակցութեան ժամ էր, իսկ կնոջս և երեսանների համար տօն, որ թէև կարճ էր, բայց ուրախ: Նրանք գիտէին, որ այդ կէս ժամում ես այլ ևս չեմ պատկանում ոչ գիտութեանը, ոչ ուսանողներին և ոչ մի այլ ուրիշին, այլ միմիայն իրանց: Փոքրիկ բաժակով հարբելու դէպք այլ ևս չի պատահում: Չկայ Ադաշան, չկայ կապոյտ ձուկը կորկտախաշիլի հետ, չկայ այն աղմուկն ու բարձրաձայն ծիծաղը, որ տեղի էր ունենում ամեն անգամ, երբ շունն ու կատուն կուռում էին սեղանի տակին և կամ Կատիայի թշի վաթեթը պատահմամբ ընկնում էր արգանակի մէջ:

Նկարագրել մեր այժմեան ճաշը նոյնքան անհամ է, որքան և ուտելը: Գինս միշտ բռնում է մի առանձին հանդիսաւոր դիրք. նրա դէմքը արտայայտում է հոգացողութիւն. նա անհանգստութեամբ շարունակ դիտում է մեր թէփշիները և ասում «Ինչպէս տեսնում եմ ժարկօն ձեզ դուր չի գալիս, ուզի՞ր է, դուր չէ գալիս»: Եւ ես պարտաւոր եմ պատասխանել. «Ի՞նչու ես անհանգստանում, սիրելիս, ժարկօն շատ համեղ է», իսկ նա. «Ներկալայ Ստեպանիչ, դու միշտ պաշտպան ես հանդիսանում ինձ, և ոչ մի ժամանակ ճշմարիտը չես ասում. ինչն Ալէքսանդր Ադոյֆովիչը այդպէս քիչ կերաւ»: Եւ այդպէս անընդհատ մինչև ճաշի վերջը: Լիզան անդադար ծիծաղում է և աշքերը պըշտցնում: Ես նայում եմ երկուսի վերայ էլ և միայն այժմ պարզ ըմբռնում, որ նրանց երկուսի ներքին կեանքը վաղուց վրիպել է իմ դիտողութիւնից. ինձ թւում է, թէ ես մի ժամանակ ապրել եմ այստեղ, ընտանիքիս հետ, իսկ այժմ հիւր եմ ոչ իսկական կնոջս մօտ, և տեսնում եմ ոչ իսկական Լիզային: Երկուսի մէջ էլ կատարուել է խիստ փոփոխութիւն, և ես բոլոր այն երկար ժամանակամիջոցում, մինչդեռ կատարուել է այդ փոփոխութիւնը, աշքերս խփած եմ եղել, ուստի զարմանալի չէ, որ ոչինչ չեմ հասկանում: Ի՞նչից է առաջ եկել այդ փոփոխութիւնը, չգիտեմ: Կարող է պատահել, որ բոլոր դժբախտութիւնը նրանումն է, որ Աստու-



ած կնոջս և Լիզային չէ տուել այն բարոյական ոյժը, որպիսին ինձ: Մանուկ հասակից ես սովորել եմ դիմադրել արտաքին ազդեցութիւններին, այդպիսով և բաւականին զարգացրել իմ ոյժերը՝ եփուել: Աշխարհային այնպիսի խոշոր երևոյթներ, ինչպէս հռչակ ստանալը, գեներալութիւն և ծանօթութիւն բարձր շրջանների հետ, չունեցան իմ կեանքի և բնութեան վերայ մի առանձին ազդեցութիւն, և ես մնացել եմ անփոփոխ ու անփնաս, իսկ այն ինչ, թոյլ և բարոյապէս չզարգացած Լիզայի ու կնոջս վերայ այդ բոլորը թափուեցին իբրև ձեան ահապին կոյտեր և ճնշեցին նրանց:

Օրիորդները և Գնեկկերը խօսում են խուսափարի (фуга), երգչուհիների և դաշնակահարների մասին, Բախի և Բրամսի վերայ, իսկ կինս վախենալով, որ մի գուցէ կասկածեն, թէ երաժշտութիւնից ինքը ոչինչ չի հասկանում, համակրութեամբ ժպտում է նրանց ասածներին և քրթմընջում. «Այդ շատ գեղեցիկ է. մի՞թէ այդպէս է. ասացէք խնդրեմ, մի՞թէ այդպէս է»: Գնեկկերը լաւ ուտում է, սրախօսութիւններ է անում, ներդրամտաբար լսում է օրիորդների նկատողութիւնները, երբեմն էլ խօսում է ֆրանսերէն, իհարկէ վատ լեզուով, և այդ գէպերում, չգիտեմ ինչո՞ւ, մեծարում է ինձ votre exelance բառերով: Իսկ ես շարունակ լուռ եմ և մռայլ: Իմ ներկայութիւնը ըստ երևոյթին ճնշում է նրանց և ես քաշում եմ նրանցից: Գասակարգային հակակրանք ասուած բանը, որ առաջ բոլորովին անձանօթ էր ինձ, այժմ տանջում է հոգիս: Ես աշխատում եմ Գնեկկերի մէջ տեսնել միմիայն վատ կողմեր, որ և շուտով նկատում եմ, ու ինքս իմ մէջ սաստիկ գայրանում, թէ ինչո՞ւ ազգկաս փեսացուի տեղ նստած է մի մարդ, որ բոլորովին իմ շրջանից չէ: Նրա ներկայութիւնը ինձ վրայ վատ է ազդում և մի այլ կողմից: Սովորաբար, երբ ես մենակ եմ լինում, կամ մի այնպիսի մարդկանց հասարակութեան մէջ, որոնց սիրում եմ, ես երբէք չեմ մտածում իմ մատուցած ծառայութիւնների մասին, և եթէ մտրովս էլ ան-

ցնում են, այն ժամանակ նրանք թւում են ինձ շատ չնչին, բայց երբ լինում եմ այնպիսի մարդկանց հասարակութեան մէջ, ինչպէս Գնեկկերը, իմ մատուցած ծառայութիւնները ինձ թւում են որպէս մի բարձր սար, որի գագաթը տմպերի մէջ է ծածկուած, իսկ ստորտում հազիւ նկատելի կերպով շարժւում են Գնեկկերները:

Ճաշից յետոյ ես գնում եմ առանձնասենեակս և սկսում ծխել: Առաջ ես ունէի վատ սովորութիւն՝ ծխել առաւօտից մինչև գիշեր, իսկ այժմ միայն օրը մէկ անգամ եմ ծխում: Այդ ժամանակ գալիս է ինձ մօտ կինս խօսելու: Ինչպէս առաւօտները, նոյնպէս և այժմ ինձ առաջուց յայտնի է, թէ ինչի մասին կը լինի մեր խօսակցութիւնը:

— Նիկարայ Ստեպանիչ, հարկաւոր է ինձ խօսել քեզ հետ լուրջ կերպով, սկսում է նա:— Ես Լիզայի մասին... Ինչո՞ւ դու ուշագրութիւն չես դարձնում:

— Այսինքն, ի՞նչ ուշագրութիւն:

— Դու այնպէս ես ձեացնում, որպէս թէ ոչինչ չես նկատում: Այդ լաւ չէ: Չպէտք է լինել անհոգ... Գնեկկերը մտադրութիւն ունի Լիզայի նկատմամբ... հը, ի՞նչ ես ասում:

— Վատ մարդ է նա, թէ ոչ, այդ չգիտեմ, որովհետև դեռ չեմ ճանաչում նրան, իսկ որ նա ինձ դուր չի գալիս, այդ մասին ես արդէն հազար անգամ ասել եմ քեզ:

— Բայց այդպէս չի կարելի... ո՛չ, չի կարելի... նա կանգ է առնում և յուզուած սկսում է քայլել:

— Այդպէս չի կարելի վերաբերուել որ և է լուրջ քայլի: Երբ խօսքը այճկայ բազաւորութեան մասին է, պէտք է մի կողմ թողնել ամեն մի անձնական բան: Ես գիտեմ, որ նա քեզ դուր չի գալիս... լաւ... Եթէ մենք այժմ բացասենք նրան և քանդենք ամեն ինչ, ինչո՞վ կը երաշխաւորիս, որ Լիզան ամբողջ կեանքում անբաւական չի լինի մեզանից: Փեսացու այժմ գտնելը հեշտ չէ և կարող է պատահել, որ այլ ևս ուրիշը չպատահի... Գնեկկերը շատ է սիրում Լիզային

և, ինչպէս երևում է, Լիզան էլ անտարբեր չէ... Աշմարիտ է, այդ պարոնը այժմ չունի որոշ պաշտօն, բայց ինչ արած. Աստուած կը տայ, ժամանակին այդ էլ կը լինի: Նա լաւ ընտանիքից է և հարուստ:

— Ո՞րտեղից գիտես այդ:

— Նա ասում է, որ հայրը Խարկովում ունի մի մեծ տուն և Խարկովից ոչ հեռու մի կալուածք: Մի խօսքով, Նիկալայ Ստեպանիչ, քեզ անհրաժեշտ է զնալ Խարկով:

— Ինչո՞ւ համար:

— Խարկովում դու ունես շատ ծանօթ պրօֆէսօրներ, որոնց օգնութեամբ կը կարողանաս տեղեկութիւն հաւաքել... Ես ինքս կը գնայի, բայց ես կին եմ... չեմ կարող...

— Խարկով չեմ գնայ, ասում եմ ես խոժոռուած:

Կինս վախենում է և նրա դէմքի վրայ արտայայտում է խորին վիշտ:

— Ի սէր Աստուծոյ, Նիկալայ Ստեպանիչ, աղաչում եմ ձեզ, ազատեցէք ինձ այս ծանրութիւնից: Ես տանջւում եմ, ասում է նա հեկեկալով:

Հացը և խօսքերը թողնում են ինձ վրայ տպաւորութիւն, ես խղճահարում եմ և քաղցրաբար ասում.

— Հաւ, Վարիա, եթէ ցանկանում ես, կը գնամ Խարկով և կ'անեմ ամեն բան, ինչ որ քեզ հաճելի է:

Նա սեղմում է թաշկինակը աչքերին և հեռանում իր սենեակը լաց լինելու: Ես մնում եմ մենակ:

Մի փոքր յետոյ բերում են լամպը: Լուսամփոփից և բազկաթոռներից ստուերները ընկնում են պատերի ու յատակի վրայ: Այդ ստուերները վաղուց ծանօթ են ինձ և արդէն ձանձրացրել են: Երբ ես նայում եմ նրանց վրայ, ինձ թւում է, թէ արդէն գիշեր է, և ահա սկսում է անիծուած անքնութիւնը: Ես պառկում եմ անկողնում, ապա վեր կենում և քայլում սենեակում, յետոյ նորից պառկում: Սովորաբար ճաշից յետոյ, նախ քան երեկոյանալը, իմ ջղային համակարգութեան

զրգուումը համնում է իր ամենաբարձր աստիճանին: Ես սկսում եմ առանց որ և է պատճառի լաց լինել և ծածկում եմ գլուխս բարձի տակ: Այդ ժամանակ ես վախենում եմ, որ չլինի, թէ մէկը ներս մտնի, վախենում եմ յանկարծակի մեռնել, ամաչում եմ արցունքներիցս, և ընդհանրապէս հոգուս մէջ գոյանում է մի ինչ որ անտանելի բան: Ես զգում եմ, որ այլ ես անկարող եմ տեսնել թէ լամպը, թէ գրքերը և թէ յատակի վրայ ընկած ստուերները, չեմ կարող լսել հիւրասենեակից եկող ձայները: Ինչ որ անտեսանելի և անհասկանալի ոյժ կոպտութեամբ դուրս է շարտում ինձ ընակարանիցս: Ես վեր եմ թռչում, արագ-արագ հաղնում եմ և, որպէս զի տանեցիք չնկատեն, զգուշութեամբ դուրս եմ գալիս փողոց: Բայց ուր գնալ:

Այդ հարցի պատասխանը վաղուց պատրաստ է իմ գլխում. Կատիայի մօտ:



III.

Սովորաբար նա պառկած է լինում տաճկական բազմոցում և կարդում է որ և է բան: Տեսնելով ինձ նա ծոյլ կերպով բարձրացնում է գլուխը, նստում և դէպի ինձ մեկնում ձեռքը:

— Դու դարձեալ պառկած ես, ասում եմ ես մի փոքր լռելուց ու հանգստանալուց յետոյ, այդ լաւ չէ, գոնէ մի բանով զբաղուէիր:

— Ինչո՞վ. կինը կարող է լինել միայն հասարակ բանւորուհի և կամ գերասանուհի:

— Դէ ի՞նչ, եթէ չի կարելի լինել բանւորուհի, եղիբ գերասանուհի:

Լուում է:

— Գոնէ ամուսնանալիր, ասում եմ ես հանաքի տալով:

— Ոչ փեսացու կայ, և ոչ ամուսնանալու հարկ:

— Իսկ այդպէս ապրել չի կարելի:

— Այսինքն առանց ամուսին, շատ հարկաւոր է միմիայն ցանկութիւն և տղամարդիկ որքան կամենար:

— Այդ լաւ չէ, Կատիա:

— Ինչը լաւ չէ:

— Այ, ինչ որ նոր ասացիր:

Եւ նա նկատելով, որ ես գայրացած եմ, աշխատում է մի կերպ հեռացնել ինձանից այդ վատ տալանորութիւնը:

— Եկէք ահա այստեղ, ասում է նա:

Եւ Կատիան տանում է ինձ մի փոքր, բայց շատ յարմար սենեակ ու ցոյց տալով գրասենեակը, ասում է.

— Ահա ձեզ համար եմ պատրաստել, որ այստեղ պարապիր: Եկէք ինձ մօտ ամենայն օր և բերէք ձեզ հետ ձեր պարագմունքը. այստեղ տանը ձեզ միայն խանդարում են: Կը պարապիր այստեղ, այնպէս չէ:

Որպէս զի վերաւորած չլինեմ Կատիային, ես պատասխանում եմ, որ կը պարապեմ և թէ սենեակը ինձ շատ է դուր գալիս: Յետոյ մենք նստում ենք հէնց այդ յարմար սենեակում և սկսում ենք խօսել:

Տար սենեակը, գեղեցիկ արդուզարդը և համակրելի անձնաւորութեան ներկայութիւնը, այս ամենը յարուցանում են իմ մէջ փոխանակ բաւականութեան, որպիսին ես զգում էի առաջ, մի տեսակ հակումն գանգատուելու: Ինձ թւում է, թէ գանգատուելով և հառաչելով աւելի թեթևութիւն կը զգամ:

— Գործս վատ է, սիրելիս, սկսում եմ ես ախ քաշելով շատ վատ է:

— Ի՞նչ կայ:

— Տեսնում ես, իմ բարեկամ, բանը ինչու՞մն է: Թագաւորների ամենալաւ և ամենասուրբ իրաւունքն է՝ դատապարտեալին ներումն չնորհելու իրաւունքը: Ես մշտապէս զգում էի ինձ թագաւոր, որովհետև անսահման կերպով օգտուում էի այդ իրաւունքով: Ես ոչ մի ժամանակ չեմ դատել որ և է մէկին,

եղել եմ միշտ զիջող, և սիրով ներել եմ աչ ու ձախ: Ուր ուրիշները բողոքում էին և աղմկում, ես այնտեղ միայն խորհուրդ էի տալիս և համոզում: Իմ ամբողջ կեանքում ես աշխատել եմ, որ իմ ներկայութիւնը անտանելի չլինի ընտանիքիս, ուսանողների, ընկերների և ծառաների համար: Եւ իմ այդ վերաբերմունքը դէպի մարդիկ դաստիարակել է շատերին, որոնք եղել են իմ շուրջը: Քայց այժմ ես արդէն թագաւոր չեմ. իմ մէջ կատարում է մի ինչ որ բան, որ միայն ստրուկներին է վայել: Գլխիս մէջ ցերեկ ու գիշեր շրջում են գանազան չար մտքեր, իսկ հոգուս մէջ բուն են գրեկ այնպիսի զգացմունքներ, որ առաջ անձանօթ էին ինձ: Ես ատում եմ և արհամարհում, գայրանում եմ և վրդովում: Ես դառել եմ անչափ խիստ, պահանջող, ջգային, անհամբեր և կասկածոտ: Մինչև անգամ այն, որ առաջ առիթ էր տալիս ինձ ասելու որ և է սուր խօսք և բարեսրտութեամբ ծիծաղել, այժմ ծնեցնում է իմ մէջ ծանր զգացմունք: Փոխուել է իմ մէջ և իմ տրամաբանական մտածողութեան եղանակը: Առաջ ես ատում էի միայն փողը, իսկ այժմ հարուստներին, կարծես նրանք մեղաւոր լինեն. առաջ ատում էի բռնութիւնը և կամակայութիւնը, իսկ այժմ բռնութիւն և կամակայութիւն գործողներին, կարծես նրանք լինեն միայն մեղաւոր, և ոչ մենք բոլորս, որ չենք դաստիարակում միմեանց: Ի՞նչ է նշանակում այս: Եթէ նոր մտքերը և զգացմունքները առաջ են եկել համոզմունքների փոփոխութիւնից, ուրեմն սրտեղից կարող էր առաջ գալ այդ փոփոխութիւնը: Միթէ աշխարհը այժմ աւելի է վատացել, իսկ ես լաւացել, կամ թէ առաջ ես կոյր էի և անտարբեր: Եթէ այդ փոփոխութիւնը առաջ է եկել ֆիզիքական և մտաւոր ոյժերիս ընդհանուր անկումից, այն ժամանակ իմ դրութիւնը ցաւալի է: Եւ իրաւ, ես տկար եմ, և իւրաքանչիւր օր քաշս պակասում է: Իմ նոր մտքերը անբնական են, անհիմն, աննշան, և ես ամաչում եմ ինքս ինձանից...

— Այդտեղ հիւանդութիւնը ոչ մի դեր չի խաղում,— խօսքս կտրում է Կատիան.— ուղղակի ձեր աչքերը բացուել են և այժմ դուք տեսնում էք այն, ինչ որ առաջ, չգիտեմ ինչու, չէիք ցանկանում նկատել: Իմ կարծիքով ամենից առաջ ձեզ հարկաւոր է վերջնականապէս կտրել կապերը ընտանիքի հետ և հեռանալ:

— Քո առածը անհեթեթութիւն է:

— Դուք արդէն չէք սիրում նրանց, ինչ կարիք կայ կեղծելու: Եւ մի՞թէ այդ ընտանիք է. ոչնչութիւն: Թէկուզ այսօր մեռնին նորա, վաղը ոչ ոք չի նկատի նրանց բացակայութիւնը:

Կատիան արհամարհում է կնոջս ու աղջկանս նոյնքան սաստիկ, որքան նրանք ատում են սրան: Մեր ժամանակում հագիւ թէ կարող է խօսք լինել մարդկանց միմեանց արհամարհելու իրաւունքի մասին: Բայց եթէ դատել Կատիայի տեսակէտից և ընդունել այդ իրաւունքի գոյութիւնը, այն ժամանակ կը տեսնենք, որ նա, Կատիան, նոյնքան իրաւունք ունի արհամարհելու կնոջս և Լիզային, որքան վերջիններս նրան:

— Ոչնչութիւն են, կրկնում է նա:— Դուք ճաշե՛ր էք: Ի՞նչպէս է, որ նրանք չեն մոռացել ձեզ հրաւիրել սեղանատուն. այդ ինչպէս է, որ դեռ յիշում են ձեր գոյութեան մասին:

— Կատիա, ասում եմ ես խիստ կերպով, խնդրում եմ լռես:

— Իսկ դուք կարծում էք, թէ ինձ շատ ցանկալի է խօսել նրանց մասին, ես ուրախ կը լինեի, եթէ բոլորովին չճանաչեի նրանց: Լսեցէք ինձ, իմ բարեկամ, թողէք ամեն բան ու հեռացէք այստեղից. գնացէք արտասահման և որքան շուտ, այնքան լաւ:

— Ի՞նչ յիմարութիւն, իսկ համալսարանը:

— Թողէք և համալսարանը: Ի՞նչ է տալիս նա ձեզ, միւլնոյն է և ոչ մի օգուտ: Ահա գաստխօսում էք 30 տարի, ուր են ձեր աշակերտները, շատացել են արդեօք մեր մէջ յայտնի գիտնականները, թուեցէք խնդրեմ: Իսկ շատացնելու

համար այն բժիշկների թիւը, որոնք շահագործում են ժողովրդի տգիտութիւնը և այդպիսով հարիւր հազարներ դիզում, իմ կարծիքով այդ բանի համար կարիք չկայ լինել տաղանդաւոր և լաւ մարդ: Դուք այստեղ աւելորդ էք:

— Աստուած իմ, որքան դու խիստ ես, ես սարսափում եմ... դադարիր, ապա թէ ոչ կը գնամ. ես անկարող եմ պատասխանել քո այդ խիստ խօսքերին:

Ներս է մտնում աղախինը և հրաւիրում մեզ թէյ խմելու: Ինքնաեւ շուրջը մեր խօսակցութիւնը, փառք Աստուծու, փոխւում է: Գանդասներից յետոյ ես սկսում եմ ազատութիւն տալ իմ երկրորդ պառաւական թուրութեանս՝ այն է, յիշողութիւններին: Պատմում եմ Կատիային իմ անցեալի մասին և ի մեծ զարմանս՝ հաղորդում եմ նրան այնպիսի մանրամասութիւններ, որոնց մասին նոյն իսկ չէի էլ կասկածի, թէ նրանք գոյութիւն ունին իմ յիշողութեան մէջ: Իսկ նա զմալուած և հպարտութեամբ լսում է ինձ շնչառութիւնը ընդհատած: Առանձնապէս ես սիրում եմ պատմել նրան, թէ ինչպէս մի ժամանակ սովորում էի սեմինարիայում և երազում համալսարան մտնելու մասին:

— Պատահում էր, զբօսնում էի ես մեր սեմինարիայի այգում... պատմում եմ ես:— Կը հասցնէր քամին արդեօք ալանջիս որ և է հեռու գինեանից հարմոնի և երգի խառնիխուան ձայներ, և կամ թէ զընդզընդացնելով կը սլանար սեմինարիայի ցանկապատի մօտով եռաձի կառքը՝ այդ արդէն բաւական էր, որ բախտաւորութեան զգացմունքը լցնէր ոչ միայն հօգիս, այլ և ամբողջ մարմինս... Լսում եմ հարմոնի ձայնը, հեռացող զանգակների զողանջիւնը և երևակայում ինձ արդէն բժիշկ. երևակայութեանս մէջ իմ առաջ պատկերանում են մէկը միւսից գեղեցիկ ցնորքներ: Եւ ահա, ինչպէս տեսնում ես, իմ խոհերը կատարուեցին: Ես աւելին ձեռք բերի, քան կը համարձակուէի երազել: Երեսուն տարի շարունակ ես եղել եմ սիրուած պրօֆէսօր, ունեցել եմ լաւագոյն ընկերներ, վայելել եմ հռչակ, սիրել եմ և այդ սիրով ամուսնացել, ունե-

ցել եմ զաւակներ... Մի խօսքով եթէ մի հայեացք ձգելու լինենք դէպի յետ, այն ժամանակ իմ ամբողջ կիանքը կը ներկայանայ մեզ մի գեղեցիկ, ներդաշնակ պատկեր... Այժմ մնում է միայն, որ չփչացնեմ վերջաբանը: Դրա համար հարկաւոր է մեռնել մարգավարի: Եթէ մահը իսկապէս փորձանք է, այն ժամանակ հարկաւոր է նրան դիմաւորել այնպէս, որպէս վայել է ուսուցչին, գիտնականին և քրիստոնեայ տէրութեան քաղաքացուն՝ այսինքն արիութեամբ ու հանգիստ սրտով: Բայց ես փչացնում իմ վերջաբանը, խելդուում եմ, վազում եմ քո մօտ, խնդրում օգնութիւն, իսկ դու ասում ես. խելդուիր, այդպէս էլ հարկաւոր է:

Միջանցքում լուում է զանգակի ձայնը, և մի րոպէից յետ ներս է մտնում իմ ընկեր լեզուաբան Միխայիլ Ֆէօդօրիչը, որ մի բարձրահասակ, պնդակազմ և յիսուն տարեկան մարդ է, խիստ ու սպիտակահեր մազերով, սև յօնքերով և ածիլած երեսով: Նա բարի մարդ է և լաւ ընկեր. ծագում է հին ազնուական ցեղից, որ բաւականին բախտաւոր և տաղանդաւոր է ու խաղում է աչքի ընկնող դեր մեր գրականութեան ու լուսաւորութեան պատմութեան մէջ: Նա ինքը խելացի, տաղանդաւոր և շատ կրթուած մարդ է, բայց և զուրկ չէ տարօրինակ կողմերից: Մինչև մի որոշ աստիճան մենք բոլորս էլ տարօրինակ ենք, բայց նրա տարօրինակութիւնը ինչ որ բացառիկ բնաւորութիւն ունի, որ անվտանգ չէ իւր ծանօթների համար: Վերջիններիս մէջ կան շատերը, որոնք Միխայիլ Ֆէօդօրիչի բնաւորութեան այդ մի քանի գծերի պատճառով անտես են առնում նրա բազմաթիւ արժանիքները:

Մանելով ներս, նա դանդաղ կերպով հանում է ձեռնոցները և խրոխտ ձայնով ասում.

— Բարև ձեզ. թէ՛յ էք խմում. այդ ի՞նչ լաւ է. դքսում դժոխային ցուրտ է տիրում:

Յետոյ նա նստում է սեղանի մօտ, վերցնում է իրան համար բաժակ և իսկոյն սկսում է խօսել: Նրա խօսակցութեան ամենաբնորոշ գիծը հանարչութիւնն է: Ինչպէս Ձէքսպիրի գերեզմանափորների, նոյնպէս և Միխայիլ Ֆէօդօրիչի բնաւորութեան մէջ փիլիսոփայութիւնը և զուարճախօսութիւնը մի տեսակ խառնուրդ են կազմում: Նա միշտ խօսում է լուրջ բաների մասին, բայց ոչ մի ժամանակ չուրջ կերպով. նրա դասողութիւնները միշտ կտրոզական են, լի հայհոյանքներով, բայց խօսելու մեղմ, կոկ և ծիծաղաշարժ եղանակի շնորհիւ խօսքերը այնպէս են դուրս գալիս, որ չեն ծակում դիմացնի ախանջը, և մարդ դէպի այդ շուտ է ընտելանում:

Ամենայն երեկոյ նա իր հետ բերում է հինգ, վեց անեկդոտներ համալսարանի կեանքից և սովորաբար նրանցից է սկսում, երբ նստում է սեղանի:

— Ա՛խ Աստուած, լինում են աշխարհում այնպիսի կոմիկներ, ասում է նա, մի առանձին տեսակ շարժելով:

— Ի՞նչպիսի, հարցնում է Կատիան:

— Գնում եմ այսօր դասախօսութեան և սանդուղքների վրայ հանդիպում եմ մեր NN-ին՝ այդ պառաւ ապուշին, որ իր ձիան կզակը դուրս ցցած, մարդ է որոնում զանգատուելու իր զլխացաւի, կիտջ և ուսանողների վերայ, որոնք չեն ցանկանում յաճախել նրա դասախօսութիւններին: Է՛հ, մտածում եմ, տեսաւ ինձ, բանս բուրդ է:

Եւ կամ թէ սկսում է այսպէս.

— Երեկ ես ներկայ էի մեր ZZ-ի հրապարակական դասախօսութեան: Ջարմանում եմ, թէ ինչպէս մեր alma mater վստահանում է ցոյց տալ հասարակութեանը այնպիսի տխմարի, ինչպէս այդ ZZ: Դա Եւրոպական յիմար է, որպիսին ամբողջ Եւրոպայում ցերեկը ճրագով անգամ չես գտնի: Կարգում է, կարող էք երևակայել, այնպէս, որ կարծես թէ պաղաքար է ծծում՝ սիւ, սիւ, սիւ... Վատ է ջսկում ձեռագիրը, մտքերը յաջորդում են միմեանց հազիւ հազ՝ այնպիսի արագութեամբ,

որպէս կարող է միայն ընթանալ մի վարդապետ հեծանիւնն նստած. և որ ամենագլխաւորն է, ոչ մի կերպ չես կարող հասկանալ, թէ ի՞նչ է ուզում ասել: Տիրում էր այնպիսի ձանձրոյթ, որ մինչև անգամ ձանձերը կարող էին սատակել: Այդպիսի ձանձրոյթ մէկ էլ կարող է լինել համալսարանական տարեդարձի հանդիսին, երբ կարգացում է սատանի բաժին աւանդական ճառք:

Եւ իսկոյն խօսքի թիւը կտրում է և անցնում բոլորովին այլ բանի:

— Մրանից երեք տարի առաջ, ինչպէս Նիկալայ Ստեպանիչը, յիշում է, ես կարգացի մի ճառ: Խեղդող չոր էր. համազգեստը սեղմում էր կռնատակերս. մի խօսքով մահ էր: Գարդում եմ կէս ժամ, մի ժամ, ժամ ու կէս, երկու ժամ... «էհ, մտածում եմ ես, փառք Աստծու, մնաց միայն տասը երես». իսկ վերջումը կային այնպիսի չորս երեսներ, որ կարելի էր բոլորովին չկարդալ, և ես յարմար էի համարում բաց թողնել: Ուրեմն, նշանակում է կը մնար միայն վեց երես, բայց երևակայեցէք, մի փոքրիկ հայեացք ձգեցի առաջս և նկատեցի, որ առաջին կարգում իրար կողքի նստած են մի գեներալ ժապաւէնը կրծքին և մի բարձրատիճան հոգևորական: Խեղճերը մեռնում էին ձանձրոյթից. չքնելու համար նրանք չուում էին աչքերը և ամեն կերպ աշխատում էին ցոյց տալ, որ ուշադիր են, հասկանում են, և դուր է գալիս իրանց իմ ասածը: Դէհ, եթէ այդպէս է, մտածում եմ ես, ահա ձեզ... և ջիգրու վերցրի ու կարգացի այն չորս երեսներն ես:

Ինչպէս բոլոր կատակասէր մարդկանց, նոյնպէս և Միխայիլ Ֆէօօրիչի խօսելու ժամանակ միայն աչքերն ու յօնքերն են ժպտում: Նրա աչքերում այդ ժամանակ չի կարգացում ոչ ատելութիւն և ոչ չարութիւն, այլ միայն սրութիւն՝ ազուէսային մի տեսակ խորամանկութեան հետ, որ նկատում է միմիայն շատ շրջահայեաց մարդկանց մէջ: Միխայիլ Ֆէօօրիչի աչքերը ունեն մի այլ առանձնայատկութիւն ևս: Երբ

նա ընդունում է Կատիայի ձեռքից բաժակը, կամ լսում է նրա որ և է նկատողութիւնը և կամ ուղեկցում է նրան իւր հայեացքով, և երբ Կատիան մի ինչ որ բանի պատճառով դուրս է գնում սենեակից, այն ժամանակ ես նրա հայեացքում կարգում եմ ինչ որ համետ, աղերսող և մաքուր բան...

Միխայիլ Ֆէօօրիչը վերցնում է դարանից երկու կալօք խաղաթուղթ և սկսում վիճակ բաց անել: Նրա հաւատացնելով մի քանի վիճակներ պահանջում են մեծ հմտութիւն և ուշադրութիւն, չնայելով սակայն, որ ինքը, թուղթ դասաւորելիս, չի դադարում ուշադրութիւնը զբաղեցնել խօսակցութեամբ: Կատիան ուշադրութեամբ հետևում է նրա խաղաթղթերին և աւելի միմիկայով, քան խօսքերով օգնում է նրան:

Ամբողջ երեկոյին Կատիան խմում է գինի ոչ աւել, քան երկու փոքրիկ բաժակ, ես խմում եմ բաժակի մի քառորդը, իսկ մնացածը մնում է Միխայիլ Ֆէօօրիչին, որը կարող է խմել շատ և երբէք չհարբել:

Վիճակներ բանալու ընթացքում մենք վճռում ենք գանազան հարցեր, մեծաւ մասամբ բարձր կարգի, և զլխաւորապէս գիտութեանը վերաբերեալ, այն որ ամենից աւելի ենք սիրում:

— Գիտութիւնը, փառք Աստծու, արդէն ապրել է իր դարը, ասում է Միխայիլ Ֆէօօրիչը, կանգ առնելով: Նրա վախճանը անխուսափելի է: Այո, մարդկութիւնը արդէն կարիք է զգում փոխարինել նրան մի ուրիշ բանով. գիտութիւնը աճել է նախապաշարմունքների հողի վրայ, սնուել է նախապաշարմունքներով, և այժմ ներկայացնում է նախապաշարմունքների մի այնպիսի ուղեծուծ, ինչպէս էին իրանց դարը արդէն անցկացրած նրա նախնիք՝ ալքիմիա, մետաֆիզիկա և փիլիսոփայութիւնը: Եւ իսկապէս ի՞նչ է տուել նա մարդկանց. չէ որ հէնց լուսաւորուած Եւրոպացիների և շինացիների մէջ, որոնք չունին և ոչ մի գիտութիւն, տարբերութիւնը շատ քիչ

է և այն միայն արտաքին: Չինացիները ծանօթ չեն գիտութեան հետ, բայց ինչ են կորցնում գրանից:

— Ծանձերն էլ չունին գիտութիւն, ասում եմ ես, գրանից ինչ գուրս եկաւ:

— Ի դուր էք բարկանում, Նիկալայ Ստեպանիչ, ես այդ ասում եմ մեր մէջ... ես աւելի զգոյշ եմ, քան դուք կարծում էք, և երբէք չեմ ասի այդ միւնոյնը հրապարակօրէն, Աստուած ոչ արտոցէ: Մասայի մէջ այն կարծիքը կայ, որպէս թէ գիտութիւնը և զեղարուեստը բարձր են երկրագործութիւնից, վաճառականութիւնից և արհեստից: Մեր ազանդը սնոււմ է այդ նախապաշարմունքով և մենք ձեզ հետ անկարող ենք քանդել նրան:

Վիճակի վրայ կուժ է կոտրուում և երկդասարտութեան գլխին:

— Ներկայումս շատ մանրացել է մեր հասարակութիւնը, հոգոց քաշելով ասում է Միխայիլ Փէօօրիչը: Այլ ես չեն խօսում իդէալների և այլ բաների մասին, գոնէ կարողանային խելացի կերպով գործադրել ժամանակը և մտածել: Ահա և իսկապէս տեղն է գալիս բանաստեղծի խօսքերը. «Տխրութեամբ նայում եմ ես մեր մատաղ սերնդի վերայ»:

→ Այո, սարսափելի մանրացել են, համաձայնում է նրա հետ Կատիան: Ասացէք, խնդրեմ, վերջին հինգ, տասը տարուայ ընթացքում ձեզ մօտ եղիլ է գոնէ մէկը աչքի ընկնող:

— Ես գոնէ այդպիսի բան չեմ յիշում:

— Իմ կեանքում շատ եմ տեսել ուսանողներ, երիտասարդ ուսումնականներ, զերասաններ... Եւ ինչ... երբէք չեմ պատահել ոչ միայն հերոսի կամ տաղանդի, այլ նոյն իսկ մի հետաքրքիր մարդու: Ամեն ինչ անգոյն է, անձիքը և լի յաւակնութեամբ:

Սերնդի մանրացման մասին եզած բոլոր այդ խօսակցութիւնները ամեն անգամ իմ վրայ թոգնում են այնպիսի տղաւորութիւն, որ կարծես պատահամբ վատ խօսք եմ լսում

աղջկա մասին: Ինձ համար վիրաւորական են այդ մեղադրանքները, որոնք հիմնուում են արդէն վաղուց ջախջախուած ընդհանուր հիմունքների և այնպիսի սովորական դարձած խօսքերի, ինչպէս են մանրացում և իդէալների բացակայութիւն: Ամեն մի մեղադրանք, արտայայտուած նոյն իսկ կանանց հասարակութեան մէջ, պէտք է ձևակերպուած լինի կարելոյն չափ որոշ, հակառակ դէպքում նա կը լինի ոչ թէ մեղադրանք, այլ դադարկ բամբասանք, որ վայել չէ բարեկիրթ մարդկանց:

Ես ծեր եմ և արդէն ծառայում եմ 30 տարի, բայց չեմ նկատել ոչ մանրացումն, ոչ իդէալների բացակայութիւն. ներկան ոչնչով վատ չէ թուում ինձ անցեալից: Իմ շվէյցար Նիկալայը, որի փորձառութիւնը ներկայ դէպքում ունի իր արժէքը, ասում է, որ այժմեան ուսանողները ոչ լաւ են և ոչ վատ առաջիններից:

Եթէ մէկը հարցնէր ինձ, թէ այժմեան աշակերտների մէջ ինչ բան քեզ դուր չի գալիս, ես կը պատասխանէի կարճ, բաւականաչափ պարզ, բայց և ոչ միանգամից: Նրանց պակասութիւնները ես գիտեմ, ուստի կարիք չկայ գիմիլ անորոշ դարձուածների: Ինձ դուր չի գալիս, որ նրանք ծխում են, գործ են ածում ոգելից լամիչքներ, ուշ են ամուսնանում, որ նրանք անհոգ են և յաճախ այն աստիճան անտարբեր, որ չեն նկատում քաղցածութեան մասնուած ընկերներին և չեն վճարում իրանց պարտքերը չքաւոր ուսանողներին նպատառը ընկերութեանը: Նրանք չգիտեն նոր լեզուները և Ռուսերէն խօսում են սխալ: Վաղուց չէ, հէնց երեկ ընկերս, որ կարդում է առողջապահութեան դասախօսութիւններ, գանգատում էր, որ ստիպուած է կարգալ երկու անգամ աւելի, որովհետև ունկնդիրները վատ գիտեն ֆիզիքան և բոլորովին ծանօթ չեն օթերեոյթաբանութեան հետ: Նրանք սիրով ենթարկւում են նորագոյն և մինչև անգամ վատ հեղինակների ազդեցութեանը ու բոլորովին անտարբեր են դէպի այնպիսի կլասիկներ, ինչ-

պէս Չէքսպիրը, Մարկոս Արելիոսը, Եպեկտեաը կամ Պասկալը: Եւ այն հանգամանքը, որ նրանք չեն կարողանում մեծը փոքրից տարբերել, ամենից աւելի վկայում է նրանց անսխալ ճութեան մասին: Բոլոր խրթին հարցերը, որոնք քիչ թէ շատ կրում են հասարակական բնաւորութիւն, ուսանողները վճռում են թերթիկներով, բայց ոչ գիտական հետազոտութեամբ և փորձով, չնայելով, որ այս վերջինս գտնուում է նրանց լիակատար տրամադրութեան տակ, և աւելի համապատասխան է նրանց կոչումին: Նորա սիրով գտնուում են օրգինատոր, աստիստենտ, լաբարանտ և պատրաստ են մինչև քառասուն տարի բռնել այդ տեղերը, թէև ինքնուրոյնութիւն, ազատ կամք, անձնական նախանձեռնութիւն ոչ պակաս հարկաւոր են գիտութեան մէջ, որքան արհեստների և վաճառականութեան մէջ: Ես ունիմ ուշակերտներ և ունկնդիրներ, բայց ոչ օգնականներ ու ժառանգներ, և դրա համար ես սիրում եմ նրանց, բայց ոչ հպարտանում նրանցով. և այլն, և այլն...

Այդ և դրա նման պակասութիւնները, սրբան էլ որ շատ լինեն, վատատես և դիւրաբարբոք կարող են դարձնել միմիայն փոքրոհոգի և երկչոտ մարդկանց: Բոլոր այդ պակասութիւնները ունին պատահական և անցողական բնաւորութիւն: Նրանք ծնունդ են կեանքի սլայմանների: Թաւական է որ և է տասը տարի, որ նրանք անհետանան բոլորովին և կամ տեղի տան նոր պակասութիւնների, առանց որոնց անկարելի է, և որոնք ակներև է կը վախեցնեն փոքրոհոգիներին:

Սոյնանման ուսանողների պակասութիւնները պատճառում են ինձ սրանեղութիւն, բայց այդ ոչինչ է, համեմատած այն ուրախութիւնների հետ, որ ես զգում եմ արդէն 30 տարի, երբ խօսում եմ աշակերտների հետ, կամ կարգում որ և է բան, և կամ ուշադիր եմ լինում նրանց փոխադարձ յարաբերութիւններին ու համեմատում եմ այն մարդկանց հետ, որոնք այդ շրջանից չեն:

Միխայիլ Ֆէոդորիչը շարախօսում է, Կատիան լսում և երկուսն էլ չեն նկատում, թէ ինչպիսի խոր անդունդ է քաշում նրանց փոքր առ փոքր այն ըստ երևոյթին անմեղ զրւարճութիւնը, ինչպէս է մերձաւորին դատելը: Նրանք չեն զգում, թէ ինչպէս հասարակ խօսակցութիւնը աստիճանաբար դառնում է ծաղր ու ծանակ և թէ ինչպէս մինչև անգամ սկսում են գործադրել զանազան բամբասանքի միջոցներ: Պատահում են երբեմն խիստ ծիծաղաշարժ տիպեր, ասում է Միխայիլ Ֆէոդորիչը:—Երեկ ես մեր Եզոբ Պետրովիչի մօտ էի. այնտեղ էր և մի բժիշկ-ուսանող III կուրսից: Դէմքը բարեհամբոյր էր, ճակատին կրում էր խոհունակութեան կնիքը: Մեր մէջ սկսուեց խօսակցութիւն: Ահա այսպիսի բաներ, երիտասարդ, ասում եմ ես, կարգացել եմ, թէ ինչպէս մի գերմանացի, որի ազգանունը չեմ յիշում, մարդկային ուղեղից հանել է նոր ապուշութեան արկօրիդ: Եւ ինչ էք կարծում, հաւատաց և մինչև անգամ դէմքի վրայ արտայայտեց յարգանք:

— Մի քանի օր դրանից առաջ գնացել էի թատրոն. նստում եմ. հէնց առաջիս հետեւեալ կարգում բազմել են երկուսը՝ մէկը «ИЗЪ НАСИХЪ», ըստ երևոյթին իրաւաբանական մասնաճիւղից, երկրորդը փարթամ և խրճրճուած մաղերով բժիշկ-ուսանող: Վերջինս հարբած էր, ինչպէս կօշկակար. նա բեմի վրայ շէր դարձնում և ոչ մի ուշադրութիւն ու նիրհում էր օրօրուելով. բայց հէնց որ որ և է դերասան սկսում էր բարձր արտասանել մենախօսութիւն, կամ թէ հէնց այնպէս բարձրացնում էր ձայնը, մեր բժիշկ-ուսանողը վեր էր թռչում, կողքից հրում էր ընկերօջը և հարցնում. «Ի՞նչ է նա ասում. Бла-а-родно?»—Благородно, պատասխանում էր «ИЗЪ НАСИХЪ»:—«Браво! բղաւում էր ուսանողը, Бла-ародно! Браво!» Տեսնում էր այդ հարբած ապուշը եկել էր թատրոն ոչ թէ գեղարուեստի համար, այլ «бла-а-родно» խօսքի համար: Իսկ Կատիան լսում է և ծիծաղում: Նրա ծիծաղը մի տեսակ տարօրինակ է. ներչնչումը արագ և համաշափ յաջոր-



դում է արտաշնչմանը և միևնոյն ժամանակ դէմքի վրայ մերթ լայնանում են և մերթ սեղմում քթածակերը: Ես ընկճւում եմ հոգով, բայց չգիտեմ ի՞նչ ասել: Համբերութիւնից դուրս գալով, ես տաքանում եմ, վեր ցատկում տեղից և բղաւում:

— Լռեցէք վերջապէս, ի՞նչ էք նստել այդտեղ, որպէս երկու դոգոշ և թունաւորում էք օդը ձեր շնչով: Բաւական է: Եւ չսպասելով, երբ կը վերջացնեն շարախօսելը, ես պատրաստում եմ տուն գնալու: Արդէն ուշ էլ է՝ ժամը տասնևմինն է:

— Իսկ ես մի փոքր ևս կը նստեմ, թոյլ տալիս էք, եկատերինա Վլադիմիրովնա, ասում է Միխայիլ Ֆէօդօրիչը:

— Թոյլ եմ տալիս:

— Bene: Այդ դէպքում հրամայեցէք դարձեալ մի շիշ գլինի բերել:

Երկուսն էլ մոմերով ուղեկցում են ինձ մինչև միջանցքը, և մինչդեռ ես հագնում եմ վերարկուս, Միխայիլ Ֆէօդօրիչը ասում է.

— Վերջին ժամանակ, Նիկիտայ Ստեպանիչ, սաստիկ նիհարել էք և պառակել: Ի՞նչ է պատահել ձեզ, հիւանդ էք:

— Այո, մի փոքր տկար եմ:

— Եւ չի բժշկուում,— աղեղացնում է Կատիան յօնրերը կիտած:

— Ինչո՞ւ չէք բժշկուում, մի՞թէ կարելի է այդպէս: Իրան պահպանողին, սիրելիս, Աստուած էլ կը պահպանէ: Բարևեցէք ձեր ընտանիքին, ներողութիւն խնդրէք, որ այսքան երկար չեմ կարողացել այցելել նրանց: Մօտ օրերս արտասահման եմ գնալու և անպատճառ կը գամ մնաս բարև անելու: Եկող շաբաթ գնում եմ:

Կատիայի մօտից ես դուրս եմ գալիս գրգռուած և անբաւական: Հիւանդութեանս մասին եղած խօսակցութիւնները երկլու են ներշնչել ինձ: Ինքս ինձ հարցնում եմ. և իսկապէս չբժշկուեմ արդեօք ընկերներին մէկի մօտ: Եւ իսկոյն երևակայում

եմ, թէ ինչպէս ընկերս, քննելով ինձ, լռելայն կը հեռանայ դէպի պատուհանը, կը մտածէ մի փոքր և ապա դառնալով դէպի ինձ և աշխատելով, որ դէմքի վրայ չկարգամ ճշմարտութիւնը, կ'ասէ անտարբեր կերպով.

— Առ այժմ չեմ նկատում մի առանձին բան, բայց այնու ումենայնիւ, կօլլեգա, խորհուրդ կը տայի ձեզ թողնել պարապմունքը... Եւ այդ կը գրկէ ինձ իմ վերջին յոյսից: Ո՞վ չունի յոյսեր: Հէնց այժմ, երբ ես աշխատում եմ ինքս ինձ որոշել իմ հիւանդութիւնը և բժշկել, ժամանակ առ ժամանակ իմ մէջ յոյս է ներշնչում այն միտքը, թէ ես խաբուած եմ տղիտութիւնից, սխալում եմ շաքարի, սպիտակաձևի, սրտի և երկու անգամ նկատածս ջրգոգութեան վերաբերմամբ. երբ ես մտղձալից մարդու ջանասիրութեամբ սկսում եմ թերթել վիրաբանութեան վերաբերեալ դասագրքերը և ամենայն օր փոխել դեղերը, ինձ դեռ թւում է, որ ես կը հասնեմ որ և է միսթարական հետեանքի:

Ծածկուած է արդեօք երկինքը ամպերով, թէ փայլում են այնտեղ լուսինն ու աստղերը, այդ միևնոյնն է ինձ համար. ամեն անգամ վերադառնալիս ես նայում եմ երկնքի վրայ և մտածում միայն այն մասին, թէ շուտով մահը կը գրկէ ինձ: Թւում է, թէ իմ մտքերը այդ ժամանակ նոյնքան խորն են, ինչպէս երկինքը՝ պայծառ և ապշեցնող... Բայց ոչ: Ես մտածում եմ իմ մասին, կնոջս, Լիզայի, Գնեկկերի, ուսանողների և ընդհանրապէս մարդկանց մասին: Մտածումներնրս վատ են և չնչին: Թւում է թէ ինքս խաբում եմ ինձ, և այդ ժամանակ իմ աշխարհայեացքը կարող է արտայայտուել նշանաւոր Արակչեհի խօսքերով, որ գրել էր նա մտրիմ բարեկամներին ուղղած նամակներից մէկում՝ «Ոչ մի լաւ բան աշխարհումս առանց վատ կողմի չէ. և միշտ վատն աւելի շատ, քան լաւը»: Այսինքն, ամեն ինչ դարչելի է. ինչո՞ւ համար ապրել, այն 62 տարին, որ արդէն լրացրել եմ, պէտք է համարել կորած: Ես կանգ եմ առնում այդ մտքերի վերայ և աշխատում ինձ հա-

մոզել, որ նրանք սլատահական են, ժամանակաւոր և իմ մէջ խոր արմատ գցած չեն, բայց խոխոյն ինձ հարց եմ տալիս... — Եթէ այդպէս է, ուրեմն ինչն է ամեն երեկոյ քարշում ինձ դէպի այդ երկու դողոշները:

Եւ ես երգում եմ այլ ես ոչ մի ժամանակ չգնալ Կատիայի մօտ, թէև համոզուած եմ, որ վաղը նորից կը գնամ:

Հասնելով տուն ես խփում եմ դռան զանգակը և այդ ժամանակ, ինչպէս և յետոյ՝ սանդուղքով բարձրանալիս, զգում եմ, որ արդէն շունչիմ ընտանիք և ոչ էլ ցանկութիւն վերագարձնել նրան: Պարզ է, որ նոր՝ Արակչեան մտրերը, բուն են գրել իմ մէջ ոչ թէ պատահմամբ ու ժամանակաւորապէս, այլ ամբողջ էութեամբս տիրապետում են ինձ: Անշուած այդ մտածմունքների տակ, հազիւ հազ ծուլութեամբ շարժելով անդամներս, որ կարծես հազար փութ ծանրացած լինին, ես պառկում եմ անկողնումս և շուտով քնում:

Իսկ յետոյ՝ դարձեալ անքնութիւն...

#### IV.

Գալիս է ամառը... Կեանքը փոխւում է...

Մի գեղեցիկ առաւօտ Լիզան ներս է մտնում և հանարի տալով ասում.

— Գնանք, ձերգ գերագանցութիւն, արդէն պատրաստ է:

Եւ ինձ՝ գերագանցութեանս դուրս են բերում փողոց, նստացնում կառքը և տանում: Ես գնում եմ և անգործութիւնից աչ ու ձախ կարգում եմ ցուցակները: Տրակտիր բառից դուրս է գալիս բիտկարտ, որ շատ յարմարում է բարոնական ազգանուան, ինչպէս օրինակ բարոնուհի Քիտկարտ: Ապա մենք դուրս ենք գալիս դաշտը: Ահա և գերեզմանատունը, որ չի թաղնում ինձ վրայ և ոչ մի տպաւորութիւն, թէև շուտով պառկած կը լինիմ այնտեղ: Դաշտից մտնում ենք անտառ և նորից դուրս գալիս դաշտը: Երկու ժամուայ ճանապարհից յե-

տոյ մենք հասնում ենք ամառանոց, և ինձ՝ նորին գերագանցութեանս տեղաւորում են տան ներքին յարկի մի փոքր, բայց սրտաբաց սենեակում որի պատերը ծածկուած են կապոյտ պաստառներով:

Գիշերները շարունակում է առաջուայ նման անքնութիւնը. բայց այժմ սովորութեանս հակառակ առաւօտները շուտ չեմ վեր կենում. լուսադէմին ես լինում եմ մի տեսակ թմրած դրութեան մէջ՝ ոչ արթուն եմ լինում և ոչ ընած, բայց տեսնում եմ երազներ: Գէտօրին վեր եմ կենում և սովորութեանս համաձայն նստում սեղանի մօտ: Այժմ արդէն ես այլ ես չեմ պարագում և միայն ուշադրութիւնս զբաղեցնում եմ ֆրանսիական գրքերով, որ ուղարկում է ինձ Կատիան: Իհարկէ աւելի ազգասիրաբար կը լինէր կարգալ Ռուս հեղինակները, բայց սէտք է խոստովանած, որ ես առանձին հակումն չեմ զգում դէպի նրանց: Բացի երկու, երեք գրական հին վաստակներից, մեր այժմեան ամբողջ գրականութիւնը ինձ թւում է, թէ գրականութիւն չէ, այլ մի այնպիսի ձեռագործ արտագրութիւն, որ գոյութիւն ունի միայն նրա համար, որպէս զի նրան քաջալերեն, բայց ոչ սիրով օգտուին նրա պտուղներից: Ամենալաւ ձեռագործն անգամ չի կարելի համարել նշանաւոր և անկեղծութեամբ գովել առանց «բայց» ի. նոյնը կարելի է ասել և բոլոր այն գրական նորեղիների մասին, որոնց ես կարդացել եմ վերջին 10—15 տարուայ ընթացքում: Ոչ մի նշանաւոր գրուածք առանց «բայց» ի չի կարելի անցկենալ: Խելացի է, ազնիւ, բայց անտաղանդ. տաղանդաւոր է, ազնիւ, բայց ոչ խելացի և կամ վերջապէս՝ տաղանդաւոր է, խելացի, բայց ոչ ազնիւ:

Ես չեմ ասում, որ ֆրանսիական գրքերը և տաղանդաւոր են, և խելացի, և ազնիւ: Նրանք էլ բաւականութիւն չեն տալիս ինձ, բայց նրանք այնպէս ձանձրալի չեն, ինչպէս Ռուսականը: Անձնական ազատութեան զգացումը, որ ստեղծագործութեան գլխաւոր տարրն է կազմում, նրանց մէջ հազուապիւտ

չէ, այն ինչ Ռուս հեղինակները գուրկ են դրանից: Ես չեմ յիշում ոչ մի այնպիսի նոր գրուածք, որի մէջ հեղինակը հէնց առաջին երեսներից աշխատած չլինի կաշկանդել իրան զանազան տեսակ պայմաններով և խղճի թելադրութիւններով: Մէկը վախում է խօսել մերկ մարմնի մասին, մի ուրիշը կապել է իր ձեռքերն ու ոտները հոգեբանական վերլուծութեամբ. երկրորդին հարկաւոր է ջերմ վերաբերմունք գէպի մերձաւորը, չորրորդը դիտմամբ ամբողջ երեսներ լցնում է բնութեան նկարագրութեամբ, որպէս զի չկասկածեն տենդենցիոզ լինելու մէջ... Մէկը ցանկանում է իւր հեղինակութիւնների մէջ անպատճառ լինել քաղաքացի, երկրորդը՝ ազնուական և այլն: Չկայ նրանց մէջ ոչ ազատութիւն և ոչ քաջութիւն գրելու այն, ինչ որ ցանկանում են, հետեաբար և չկայ ստեղծագործութիւն:

Այդ բոլորը վերաբերում են գրականութեան բանաստեղծական և վիպական ճիւղին, իսկ ինչ վերաբերում է Ռուսերէն լուրջ յօդուածներին, ինչպէս՝ օրինակ, սոցիալադիայի, գեղարուեստի և այլ բաների մասին, ես չեմ կարգում ուղղակի վախից: Մանուկ և երիտասարդ հասակումս ես ինչ որ անհասկանալի պատճառով երկիւղ էի կրում շվէյցարներից և թատրոնական սպասաւորներից: Ես այժմ էլ վախում եմ նրանցից: Ասում են, որ ահռելի է թւում միայն այն, ինչ որ անհասկանալի է: Եւ իրաւ, շատ դժուար է հասկանալ, թէ ինչն է համար շվէյցարները և թատրոնական սպասաւորները այդքան ինքնահաւան են և վերին աստիճանի կոպիտ, անբարարավարի... Ռուսերէն որ և է լուրջ յօդուած կարգալիս, ես դուռ եմ նոյն անհասկանալի երկիւղը: Անսովոր փրօն ոճը, մեծ հեղինակութեամբ դատարկաբանութիւններ անելը, անփոյթ, համարեա արհամարհական վարմունքը գէպի օտար հեղինակների գրուածքները՝ այս բոլորը ինձ համար անհասկանալի են, սարսափելի և նման չեն այն համեստ ոճին, որին ես ընտելացել եմ կարգալով մեր բժիշկների և բնագէտների գրուածք-

ները: Ինձ համար ծանր է կարգալ ոչ միայն յօդուածները, այլ նոյն իսկ թարգմանութիւնները, որ անում են և կամ լամբագրում Ռուս լուրջ մարդիկ: Յառաջաբանների պարծենկոտ, սիրալիր տօնը, թարգմանչի չափից շատ նկատողութիւնները, որ խանդարում են ինձ նոյն իսկ կենդրոնանալ, հարցական նշանները և «sic» չափերաների մէջ, որ ցրուած են գրքի կամ յօդուածի ամեն երեսներում առատաձեռն թարգմանչի ձեռքով, այդ ամենը ես համարում եմ ոճիր ընդդէմ հեղինակի և իմ՝ որպէս ընթերցողի ինքնուրոյնութեան դէմ:

Մի անգամ ես հրաւիրուած էի նահանգական դատարանը, որպէս էկսպերտ: Ընդամիջումին իմ ընկեր էկսպերտներից մէկը դարձրեց իմ ուշադրութիւնը դատախազի կոպիտ վարմունքի վրայ գէպի մեղադրեալները, որոնց մէջ կային և երկու ինտելիգենտ կանայք: Իմ կարծիքով ամենին չափազանցութեան մէջ չեմ ընկել պատասխանելով ընկերոջս, որ այդ վարմունքը աւելի կոպիտ չէ, քան այն, որով վերաբերում են լուրջ գրուածքների հեղինակները իրար. և իսկապէս, այդ յարաբերութիւնները այնքան կոպիտ են, որ միայն ցաւելով կարելի է յիշել նրանց մասին: Գէպի իրար և գէպի այն գրողները, որոնց բննադատում են, նրանք վերաբերում են կամ չափից աւելի յարգանքով, չլնայելով նոյն իսկ իրանց արժանաւորութիւնը, կամ թէ ընդհակառակը. պախարակում են աւելի համարձակ, քան ես այս օրագրութեան մէջ իմ ապագայ փեսայ Գնեկիկերին: Լուրջ յօդուածների սովորական զարդարանքը կազմում են հեղինակի ամեն տեսակ մեղադրանքները գէպի դիմացնի անմարուր դիտումների և մինչև անգամ քրեական յանցանքների նկատմամբ: Իսկ այդ է ultima ratio, ինչպէս սիրում են արտայայտել իրանց յօդուածներում երիտասարդ բժիշկները: Այդ յարաբերութիւնները անկասկակած ազդեցութիւն կունենան մտտազ գրողների բնաւորութեան վերայ, ուստի և բոլորովին զարմանալի չէ, որ վերջին 10--15 տարուայ ընթացքում մեր վիճական և բանաստեղծական գրականութեան

մէջ լոյս տեսած բոլոր նոր գրուածքներում հերոսները լսմում են շատ արագ, իսկ հերոսուհիները բաւականաչափ ժուժկալ չեն:

Կարգում եմ ֆրանսերէն գրքերը և մտիկ տալիս բաց լուսամուտից, որտեղից երևում են ցանկապատի ժանիքները, երկու-երեք բարակ ծառեր, իսկ ցանկապատից այն կողմ ձգւում է ճանապարհը, ապա պաշտը և յետոյ մի լայն շերտ փշատերև անտառների: Հաճոյք է պատճառում ինձ, երբ որ և է մանուկ և աղջիկ՝ երկուսն էլ սպիտակահեր ու պատառտած շորերով, բարձրանում են մազլցելով ցանկապատը և ծիծաղում իմ ճաղատ գլխի վերայ: Նրանց փայլուն աչքերում ես կարդում եմ. «Նայիր, քաշալը»: Սրանք հաւանականաբար միակ մարդիկն են, որոնց համար ոչ մի նշանակութիւն չունին իմ հոշակն ու աստիճանը:

Այցելուներ այժմ ամենայն օր չեն լինում ինձ մօտ: Կը յիշեմ միայն Նիկալայի և Պետր Իգնատևիչի այցելութեան մասին: Նիկալայը դալիս է ինձ մօտ սովորաբար տօն օրերին, որպիս թէ գործով, բայց աւելի շուտ տեսակցութեան համար: Գալիս է նա չափազանց ուրախ տրամադրութեամբ, մի բան, որ երբէք չի պատահում նրա հետ:

— Ի՞նչ ունիս ասելու, հարցնում եմ ես, դուրս գալով նախասենեակը:

— Ձերդ գերագանցութիւն, ասում է նա, սեղմելով ձեռքը կրծքին և բերկրութեամբ հայեացքը ուղղելով գէպի ինձ: — Ձերդ գերագանցութիւն, Ստուած ինձ պատժէ, կայծակը շանթահար անէ հէնց այս տեղում: Գառզէամուս իզիտուր իւրինեստուս...

Եւ նա ջերմ կերպով համբուրում է ուտերս, թիւերս և հագուստիս կոճակները:

— Ի՞նչպէս, համալսարանում ամեն ինչ իր կարգին են, հարցնում եմ ես:

— Ձերդ գերագանցութիւն, ինչպէս ճշմարիտ...

Եւ նա շարունակում է երգուել առանց որ և է կարիքի, մինչև որ ձանձրացնում է ինձ, և ես ուղարկում եմ նրան խոհանոց ճաշելու: Պետր Իգնատևիչը այցելում է ինձ նոյնպէս տօն օրերին, բացառապէս նրա համար, որ տեղեկանայ առողջութեանս մասին: Սովորաբար նա նստում է սեղանի մօտ համեստ և խոհուն դիրք բռնած, չհամարձակուելով ոտը օտի վրայ դնել, կամ յենուել սեղանին: Նա բոլոր ժամանակը հանգարտ և միահաւասար ձայնով պատմում է ինձ զանազան, իր կարծիքով, շատ հետաքրքիր և աչքի ընկնող նորութիւններ, բազա՞մ ամսագրերից և գրքերից: Բարբայ այդ նորութիւնները նման են մէկ մէկու մօտաւորապէս հեռեկալ բովանդակութեամբ: Մի ֆրանսիացի արել է գիւտ. մի ուրիշը՝ գերմանացի բռնել նրան, ապացուցանելով, որ այդ գիւտը դեռ արուած էր 1870 թ. մի ինչ սր ամերիկացու ձեռքով, իսկ մի երրորդը, նոյնպէս գերմանացի, խորամանկութեամբ գերագանցել է երկուսին էլ, ապացուցանելով, որ նրանք խաբուսների զոհ են դառել ընդունելով օգի մէջ եղած մանր գնդիկները մութ պիպմենտի տեղ: Պետր Իգնատևիչը մինչև անգամ, երբ ցանկանում է ծիծաղացնել ինձ, պատմում է երկար, հանգամանօրէն, կարծես դիտերտացիա է պաշտպանում. մանրամասնաբար թուում է գրական ազբերները, որոնցից օգտուել է, աշխատելով միևնոյն ժամանակ ճիշտ հագորդել ամսագրերի թուերը, հանդէսների համարներն ու անունները: Պտի անունը յիշելիս պարզապէս չի ասում Պտի, այլ անպատճառ ժանժակ Պտի: Պատահում է երբեմն, որ նա մնում է մեզ մօտ ճաշելու և այն ժամանակ նա ամբողջ ճաշուայ ընթացքում շարունակ պատմում է նոյն աչքի ընկնող պատմութիւնները, որ բոլոր ճաշողների վերայ բերում է թմրութիւն: Եթէ յանկարծ Գնեկիկերը և Լիզան խօսք են բաց անում խուսափանքի, Բրամսի և Բախի մասին, նա ամաչում է և համեստութեամբ կախ գցում հայեացքը: Նրա համար ամօթ է, որ ինձ և իրան

նման լուրջ մարդկանց ներկայութեանը խօսում են այնպիսի դատարկ բաների մասին:

Իմ այժմեան հոգեկան դրութիւնս այնքան ծանր է, որ հինգ րոպէ կս բաւական է, որ նա ձանձրացնէ ինձ այնպէս, կարծես մի ամբողջ դար տեսնում եւ լսում եմ նրան: Ես ատում եմ խեղճին: Նրա հանդարտ, միակերպ ձայնից եւ գրական լեզուից ես մաշում եմ, պատմութիւնից՝ բխանում: Նա տաժում է դէպի ինձ ամենալաւ զգացումներ եւ խօսում է ինձ հետ միմիայն նրա համար, որ բաւականութիւն պատճառէ ինձ, իսկ ես վարձատրում եմ նրանով, որ յամառ կերպով նայում եմ նրա աչքերին, կարծես ցանկանում եմ հիպնոսացնել նրան, եւ ասում եմ մտքիս մէջ. «հեռացիր, հեռացիր, հեռացիր...»

Քանի որ նա նստած է լինում ինձ մօտ, ես ոչ մի կերպ չեմ կարողանում բաժանուել այն մտքից, թէ շատ կարելի է որ երբ ես մեռնեմ, իմ տեղը նշանակեն սրան. եւ իմ խեղճ լսարանը ներկայանում է ինձ մի օադիս, որի մէջ չորացել է գետակը, եւ ես աւելի անսիրալիր են դառնում դէպի Պետր Իգնատիչը, կարծես նա լինի մեղաւոր այդ մտքերիս համար եւ ոչ թէ ես: Երբ նա սովորութեան համեմատ սկսում է գովարանել գերմանացի ուսումնականներին, ես այլ ես չեմ ծաղրում բարեսրտութեամբ, ինչպէս առաջ, այլ յօհերս կիտած քրթմնջում եմ.

— Էջեր են ձեր գերմանացիները:

Այս նման է այն բանին, ինչպէս մէկ անգամ հանգուցեալ պրօֆէսոր Նիկիտ Գրիլովը Պիրոզովի հետ լողանալիս Ռեկում, բարկանալով ջրի վրայ, որ սաստիկ պաղ է, ասաց. «Անպիտան են գերմանացիները»: Վարում եմ ես Պետր Իգնատիչի հետ վատ, եւ միայն այն ժամանակ, երբ նա գնում է եւ ես պատահանից տեսնում եմ ցանկապատի այն կողմում փայլիլոզ նրա մոխրագոյն գտակը, ցանկութիւն եմ զգում կանչել նրա յետից եւ ներողութիւն խնդրել:

Ճաշը այժմ անցնում է աւելի ձանձրալի, քան ձմեռը: Նոյն Գնեկկերը, որին ես այժմ արհամարհում եմ եւ ատում, ճաշում է ինձ մօտ համարեա ամենայն օր: Առաջ նրա ներկայութիւնը ինձ հանդուրժելի էր եւ ես լսում էի, իսկ այժմ թոյլ եմ տալիս նրա հասցէին ուղղել կծու-կծու խօսքեր, որոնցից կարմրում են կինս եւ Լիզան: Անձնատուր լինելով չար զգացմունքին, ես երբեմն ասում եմ յիմարութիւններ, չհասկանալով, թէ ինչն է եմ ասում: Այսպէս, մէկ անգամ ես երկար նայեցի արհամարհանով Գնեկկերի վերայ եւ առանց որ եւ է պատճառի բացականչեցի.

Արժիւնները կարող են հաւերից էլ ցած իջնել,

Բայց հաւերը ամպերին երբէք չեն կարող հասնել...

Եւ ամենից ցաւալին այն է, որ հաւ Գնեկկերը աւելի խելացի է արծիւ պրօֆէսորից: Գիտե՞նալով, որ կինս եւ աղջիկս իր կողմիցն են, նա բռնում է այսպիսի դիրք. իմ սուր խայթոցներին պատասխանում է ներողամիտ լուսթեամբ, կամ թէ բարեսրտութեամբ ծաղրելով ինձ վրայ: Պէտք է զարմանալ, թէ որ աստիճանի մարդ կարող է մանրանալ: Ճաշուայ բոլոր ընթացքում ես խորհում եմ այն բանի մասին, թէ ինչպէս մի ժամանակ կը պարզուի, որ Գնեկկերը մի բախտախնդիր մարդ է, ինչպէս կինս եւ Լիզան կը հասկանան իրանց սխալը, եւ ես կը սկսեմ ծաղրել նրանց վրայ: Չարմանալին այն է, որ այդպիսի անտեղի մտքեր իմ մէջ տեղի են ունենում այն ժամանակ, երբ մի ոտով արդէն կանգնած եմ գերեզմանում:

Պատահում են այժմ եւ թիւրիմացութիւններ, որոնց մասին առաջ միայն խելով դադափար ունէի: Որքան էլ որ ամօթալի է ինձ համար, բայց եւ այնպէս կը նկարագրեմ դրանցից մէկը, որ տեղի ունեցաւ մօտ օրերս ճաշից յետոյ:

Նստած եմ սենեակումս եւ ծխում: Իր սովորութեան համաձայն ներս է մտնում կինս, նստում է եւ սկսում խօսել այն մասին, թէ լաւ կը լինէր, քանի որ եղանակը տաք է եւ

ազատ ժամանակ կայ, գնալ Խարկով և տեղեկանալ, թէ ի՞նչ մարդ է այդ Գնեկիկերը:

— Լաւ, կը գնամ... — համաձայնուում եմ ես:

Եւ կի՛նս գոհ ինձանից վեր է կենում և շարժում դէպի դուռը, բայց խսկոյն և եթ յետ է դառնում:

— Ի դէպ մի խնդիր ևս: Քիտեմ, որ կը բարկանաս, բայց և այնպէս իմ պարտականութիւնն է նախադրուչացնել քեզ... Ներքի ինձ, Նիկալայ Ստեպանիչ, բայց արդէն մեր բոլոր ծանօթները և հարևանները սկսել են խօսալ, որ դու շատ շուտ-շուտ ես յաճախում Կատիայի մօտ: Չեմ ժխտում, նա խելացի է, զարգացած. նրա հետ հաճելի է ժամանակ անցկացնելը, բայց քո տարիքի և հասարակական դիրքի նկատմամբ այդ տարօրինակ է... Մանաւանդ, որ Կատիան այնքան էլ լաւ համբաւ չունի...

Ամբողջ արիւնս մէկ անգամից գլուխս է խփում, աչքերիցս կրակ է ցայտում. ես վեր եմ թռչում և, երկու ձեռքով բռնած գլուխս, խփում եմ ոտքերս յատակին և բղաւում արտասովոր ձայնով.

— Թողէք ինձ, թողէք, թողէք:

Երևի իմ դէմքը ահռելի է և ձայնս տարօրինակ, որ կի՛նս յանկարծ գունատում է և բարձր, յուսահատական ճիշ արձակում: Մեր աղաղակի վրայ ներս են վազում Լիդան, Գնեկիկերը և յետոյ Եգորը...

— Թողէք ինձ, աղաղակում եմ ես, գնացէք, թողէք ինձ:

Ոտքերս թուլանում են, կարծես ամենևին չլինին, ես զգում եմ, որ ընկնում եմ մէկի ձեռքերի վրայ, յետոյ մի քանի վայրկեան լսում եմ լացի ձայն և ապա ուշաթափում, որ տևում է երկու-երեք ժամ:

Այժմ Կատիայի մասին: Նա գալիս է ինձ մօտ ամենայն օր իրիկանդէմ, և այս իհարկէ չեն կարող չնկատել թէ հարևանները և թէ ծանօթները: Մի բոպէով ներս է մտնում և

վերցնում ինձ իր հետ դբօսներու: Կատիան այժմ ունի սեփական ձի և նոր կառք, որ գնել է այս ամառը: Էնդհանրապէս նա ապրում է շուայլ. վարձել է թանկագին և բոլորովին առանձին ամառանոց մեծ այգիով և տեղափոխել է այնտեղ բաղարում ունեցած իր բոլոր կահ-կարասիքը, ունի երկու աղախին, կառապան... Յաճախ ես հարցնում եմ նրան.

— Կատիա, ինչո՞վ պիտի ապրես յետոյ, երբ բոլորովին կը շուայլես հայրական կարողութիւնդ:

— Չուայլելուց յետ կը տեսնենք, պատասխանում է նա:

— Այդ փողերի հետ, իմ բարեկամ, պէտք է վարուել աւելի լուրջ կերպով: Իրանք ձեռք են բերուած լաւ մարդու ձեռքով և ազնիւ ճանապարհով:

— Քիտեմ, այդ դուք արդէն մի քանի անգամ ասել էք ինձ:

Նախ կառքը բշում ենք դէպի դաշտը, ապա փշատերև անտառի միջով, որը երևում է իմ լուսամուտից: Բնութիւնը առաջուայ նման ինձ թւում է գեղեցիկ, թէև սատանան շքնջում է ականջիս, որ այս բոլոր սոճիները, եղևինները, թռչունները և սպիտակ ամպերը, որ տարւում են երկնքի վրայով, երևք, չորս ամսից յետ, երբ ես կը մեռնիմ, չեն նկատի իմ բացակայութիւնը: Կատիան սիրում է կառավարել ձին: Նա ուրախ է, որ եղանակը լաւ է և ես նստած եմ իրան հետ: Կատիայի տրամադրութիւնը իր տեղն է, և նա խօսում է սիրայի կերպով:

— Դուք շատ լաւ մարդ էք, Նիկալայ Ստեպանիչ, ասում է նա: Դուք հաղուագիւտ անձնատրուութիւն էք և չկայ մի դերասան, որ կարողանայ պատկերացնել ձեզ: Ինձ, կամ օրինակ Միխայիլ Փէօդօրիչին վատ գերասանն անգամ կարող է ներկայացնել, իսկ ձեզ ոչ ոք: Ես նախանձում եմ ձեզ, սաստիկ նախանձում. այդ հասկանալի է. ի՞նչ եմ ներկայացնում ես ինձանից, ի՞նչ:

Եւ նա լուում է մի բոսէ և յետոյ հարցնում ինձ.

— Նիկալայ Ստեպանիչ, ես բացասական անձնաւորութիւն եմ, այնպէս չէ:

— Այո, պատասխանում եմ ես:

— Այդպէս... Խորհուրդ տուէք, ի՞նչ անեմ:

Ես ինքս էլ չգիտեմ ինչ պատասխանել: Հեշտ է ասել «աշխատիր», կամ «բաժանիր ունեցածդ աղքատներին» և կամ «ճանաչիր ինքդ քեզ», բայց սրովհետեւ այդ հեշտ է ասել, ուստի և չգիտեմ, ինչ պատասխանեմ:

Իմ ընկեր վիրաբանները, երբ սովորեցնում են բժշկել, խորհուրդ են տալիս «մեկուսացնել իւրաքանչիւր առանձին երևոյթ»: Պէտք է հետեւել այդ խորհրդին, որպէս զի մարդ համոզուի, որ այն միջոցները, որոնք առաջարկուում են դասագրքերի մէջ, որպէս ամենալաւը և պիտանին, որոչ դէպքերում ներկայանում են բոլորովին անպէտք: Նոյնը կարելի է ասել և բարոյական խոցերի մասին:

Բայց հարկաւոր է մի բան պատասխանել և ես ասում եմ.

— Դու, իմ բարեկամ, բաւականին շատ ազատ ժամանակ ունիս: Հարկաւոր է քեզ որ և է բանով զբաղուել: Եւ իսկապէս, ինչո՞ւ նորից դուրս չգալ բեմ, եթէ քո մէջ զգում ես կոշում:

— Չեմ կարող:

— Չեիրդ ու ձայնդ այնպէս են, իմ բարեկամ, որ կարծես դու զո՞հ դառած լինես կեանքի պայմաններին: Այդ ինձ դուր չի գալիս: Դու ինքդ ես մեղաւոր: Յիշիր, որ դու սկսեցիր քո գործունէութիւնը գանգատուելով մարդկանց և աւիրող կարգերի վերայ, բայց ոչինչ չես արել նրանց բարեխառութեան համար: Դու չես կուուել շարիքի հետ, բայց արդէն յոգնել ես, և դու կուուի զո՞հ չես, այլ անձնական անզօրութեան: Այն ժամանակ, իհարկէ, դու դեռ ջահել էիր և անփորձ, իսկ այժմ ամեն բան կարող է այլ կերպ ընթանալ:

Ճշմարիտ եմ ասում, դուրս եկ բեմ. դրանով դու կ'աշխատես, կը ծառայես սուրբ գեղարուեստին...

— Միք կեղծի, Նիկալայ Ստեպանիչ, կտրում է խօսքս Կատիան: Մի անգամ ընդ միշտ խօսք տանք իրար, որ կարող ենք խօսալ գերասանների, գերասանուհիների և գրողների մասին, բայց հանգիստ թողնենք գեղարուեստը: Դուք հազուադիւր մարդ էք, բայց այնքան չէք ըմբռնում գեղարուեստը, որպէս զի կարողանար բարեխիղճ կերպով նրան սուրբ համարել: Դուք չունիք դէպի նա ոչ հոտառոտութիւն և ոչ լսելիք: Չեր ամբողջ կեանքում զբաղուած էք եղել և ժամանակ չէք ունեցել ձեռք բերելու այդ հոտառոտութիւնը: Ընդհանրապէս... ես չեմ սիրում այդպիսի խօսակցութիւններ գեղարուեստի մասին, շարունակում է նա ջրածգարար:— Չեմ սիրում: Առանց այն էլ շատ վայր են ձգել գեղարուեստի նշանակութիւնը:

— Ո՞վ:

— Գերասանները՝ հարբեցողութեամբ, լրագրները՝ ձեական վերաբերմունքով, իսկ խելացի մարդիկ՝ փիլիսոփայութեամբ:

— Այդտեղ փիլիսոփայութիւնը ոչ մի գործ չունի:

— Ունի. եթէ մէկը փիլիսոփայութիւն է անում, այդ նշանակում է, որ չի հասկանում:

Գործը ծայրահեղութեան չհասցնելու համար, ես շտապում եմ փոխել խօսակցութիւնը և ապա երկար լուում: Միմիայն, երբ դուրս ենք գալիս անտառից և կառքը ուղղում դէպի Կատիայի ամառանոցը, ես կրկին վերագառնում եմ առաջուայ խօսակցութեան նիւթին ու հարցնում.

— Այնու ամենայնիւ դու չպատասխանեցիր ինձ, թէ ինչո՞ւ չես ցանկանում լինել գերասանուհի:

— Նիկալայ Ստեպանիչ, այդ վերջապէս անտանելի է, բացականչում է նա յանկարծ և ամբողջովին կարմրում: Դուք ցանկանում էք, որ ես բացարձակ ասեմ ճշմարտութիւնը.

համեցէք, եթէ այդ... ձեզ դուր է գալիս: Իմ մէջ տաղանդ չկայ, չկայ տաղանդ, բայց... բայց կայ շատ ինքնասիրութիւն: — Եւ այդպէս խոստովանելով ճշմարտութիւնը, նա յետ է դարձնում դէմքը ինձանից և, ձեռքի դողը ծածկելու համար, ուժգին քաշում է ձիւնների սանձափոկերից:

Մօտենալով ամառանոցին մենք արդէն հեռուից նկատում ենք Միխայիլ Ֆէօօրիչին, որ դբօսնում է դռների առաջ և անհամբեր սպասում մեզ:

— Գարձեալ այդ Միխայիլ Ֆէօօրիչը, ասում է Կատիան սրանեղութեամբ:— Ի սէր Աստծու, հեռացրէք դրան ինձանից: Չանձրացրեց, հոգիս դուրս է գալիս...

Միխայիլ Ֆէօօրիչը վազուց արդէն պէտք է գնար արտասահման, բայց իւրաքանչիւր շաբաթ յետաձգում է իր գնալը: Վերջերսնս նրա հետ պատահել է ինչ որ փոփոխութիւն. նա կարծես կուշ է եկել և այժմ ենթարկւում է զինու ազդեցութեանը, մի բան, որ առաջ երբէք չէր պատահում նրա հետ. սև յօնքերը արդէն սկսել են սպիտակել: Երբ մեր կառքը կանգնում է դռների մօտ, նա չի ծածկում իր ուրախութիւնը և անհամբերութիւնը: Միխայիլ Ֆէօօրիչը անհանգստութեամբ օգնում է Կատիային և ինձ իջնել կառքից, շտապում է հարցեր տալ, ծիծաղում է, շփում է ձեռքերը, և այն համեստ, աղերսող, մաքուր արտայայտութիւնը, որ առաջ միայն հայեացքի մէջ էի նկատում, այժմ արտայայտւում է ամբողջ դէմքի վրայ: Նա ուրախանում է և միևնոյն ժամանակ ամաշում, թէ իր այդ ուրախութիւնից և թէ ամենայն երեկոյ Կատիայի մօտ լինելու սովորութիւնից: Իր այցելութիւնը մի բանով պատճառաբանելու համար, ասում է որ և է յիմար խօսք, ինչպէս օրինակ՝ դործով անցնում էի այստեղից և մտածեցի մի բովելով մանեկ ձեզ մօտ:

Մենք երեքով գնում ենք ներս: Սկզբում խմում ենք թէյ: Ապա սեղանի վրայ երևում են վազուց ծանօթ երկու կալօդ խաղաթղթերը, մի մեծ կտոր պանիր, միրգ և մի շիշ Ղրիմի

չամպայն: Մեր խօսակցութեան նիւթը նոր չէ, միևնոյնը, ինչ որ ձմեռը: Խօսք բացւում է համալսարանի, ուսանողների, գրականութեան և թատրոնի մասին: Չարախօսութիւնից օդը դառնում է խիտ, հեղձուցիչ, և թունաւորում են օդը իր շնչով արդէն ոչ երկու, ինչպէս ձմեռը, այլ ամբողջ երեք դոպոչներ: Մեզ ծառայող աղախինը բացի Միխայիլ Ֆէօօրիչի միակերպ և Կատիայի հարմոնի նման հրնչող ծիծաղի ձայներից լսում է այլ և մի անդուր, զնգզնգացող ծիծաղ, որպէս ծիծաղում են վօդեկիւնների մէջ գեներալները. խէ, խէ, խէ:

V.

Լինում են սարսափելի մռայլ գիշերներ, երբ փչում է քամին, շաղում է անձևը և ամպերի միջից լսում որոտը ու փայլատակում կայծակը: Մի այդպիսի գիշեր անցկացրել եմ և ես իմ կեանքում...

Չարթնում եմ կէս գիշերն անց և յանկարծ վեր թռչում անկողնից: Ինձ թւում է, թէ շուտով յանկարծակի կը մեռնիմ: Մարմնիս մէջ չեմ զգում և ոչ մի այնպիսի զգացողութիւն, որ ցոյց տար մօտալուտ վախճանս, բայց հոգիս ճնշում է մի տեսակ սարսափ, որ կարծես յանկարծ տեսել եմ երկնքի շարագուշակ բոցավառումն:

Արագութեամբ վառում եմ լամպը, ջուր խմում ուղղակի սրուակից և ապա շտապում դէպի բաց պատուհանը: Եղանակը դրսում փառահեղ է. օդը լցուած է խոտի և մի ինչ որ բանի անուշահոտ բուրմոնքով: Երևում են ցանկապատի ժանիքները, պատուհանիս մօտ բուսած ծառերը, ճանապարհը և անտառի մի մուժ չերտ: Ամեն ինչ ընկղմուած է խոր քնի մէջ, երկնահամարի վրայ խաղաղ լույս է պայծառ լուսինը. չկայ և ոչ մի կտոր ամպ: Տիրում է մեռելային լուռութիւն. չի շարժւում և ոչ մի տերև: Ինձ թւում է, թէ այդ բոլորը նայում են ինձ վրայ և ահանջ են գնում, թէ ինչպէս պէտք է մեռնեմ ես...



Տեսարանը ծանր տպաւորութիւն է թողնում ինձ վրայ: փակում եմ պատուհանը և վազում դէպի անկողին. շօշափում եմ զարկերակս, որ չկարողանալով գտնել ձեռքիս վրայ, որոնում եմ բնեքաններս, այնուհետև կզակիս և ապա կրկին ձեռքիս վերայ: Ամբողջ մարմինս ծածկուած է սառն քրտինքով: Զնշառութիւնս հետզհետէ արագանում է, մարմինս դողում. շարժման մէջ են բոլոր ներքին գործարաններս, դէմքիս և ճաղատ գլխիս վրայ կարծես ոստայն նստած լինի:

Ի՞նչ անել. կանչել ընտանիքիս. ոչ, հարկաւոր չէ. ի՞նչ կարող են անել կինս և Լիզան, երբ մտնեն ինձ մօտ:

Ես թագցնում եմ գլուխս բարձի տակ. լսիւմ աչքերս և սպասում ու սպասում... մէջքս սառն է, ջրերս քաշում են, ես զգում եմ մի այնպիսի զգացում, որպէս թէ մահը կը մօտենայ ինձ անպատճառ յետևից և կամաց, կամաց...

— Կիւի-կիւի, լուում է յանկարծ գիշերային լուծեան մէջ և ես չզիտեմ սրտեղից է այդ ձայնը՝ փողոցից, թէ հէնց կրծքիցս:

— Կիւի-կիւի:

Աստուած իմ, որքան սարսափելի է. գէթ էլի ջուր խմէի, բայց արդէն վախում եմ բանալ աչքերը և բարձրացնել գլուխս: Անսահման երկիւզը տիրել է ինձ, և ես ոչ մի կերպ չեմ կարող հասկանալ, թէ ինչո՞ւն է այդ: Արդեօք նրանի՞ց, որ ցանկանում եմ ապրել, թէ ինձ սպասում է նոր, դեռ ես անիմանալի վիշտ:

Վերևից, առաստաղի այն կողմից ակահջիս է հասնում մի ձայն, որ չեմ կարող որոշել ծիծաղ է, թէ հառաչանք... Ականջ եմ դնում: Մի փոքր յետոյ սանդուղքի աստիճանների վրայով լուում է ոտքերի ձայն. մէկը շտապով գնում է ներքև, ապա՝ վերև, մի րոպէից յետոյ կրկին լուում են ոտքերի ձայներ ներքևում, և մէկը կանգ է առնում սենեակիս դռան մօտ ու ականջ դնում:

— Ո՞վ է, կանչում եմ ես:

Գուռը բացում է. ես համարձակ բաց եմ անում աչքերըս և տեսնում կնոջս: Նրա դէմքը զուհատ է և աչքերը լացակրկնած:

— Քնած չեմ, նիկարայ Ստեպանիչ, հարցնում է նա:

— Ի՞նչ ես ցանկանում:

— Ի սէր Աստու, գնանք Լիզայի մօտ և տես, թէ ի՞նչ է պատահել նրան:

— Լաւ...—ուրախութեամբ...—քրթմնջում եմ ես, գոհ այն բանից, որ արդէն մենակ չեմ.—լաւ... Մի լրտէ միայն:

Ես գնում եմ կնոջս յետևից և յուզմունքիցս բոլորովին չեմ հասկանում այն, ինչ որ նա ասում է: Սանդուղքի աստիճանների վրայով խալում են նրա մոմի ցոլքերը, երևում են մեր երկար ստուերները: Գիշերազգեստիս փէշերը խանգարում են ինձ ազատ քայլել. ես չնշաստառ եմ լինում, և ինձ թւում է, թէ մէկը հալածում է ինձ և ցանկանում բռնել ինձ յետևիցս: «Իսկոյն կը մեռնիմ ես այստեղ՝ այս աստիճանների վրայ, մտածում եմ ես, հէնց այժմ»... Բայց ահա անցանք սանդուղքը, մութ միջանցքը իտալական լուսամուտով և մտնում ենք Լիզայի սենեակը: Նա նստած է անկողնու վերայ, միայն մէկ գիշերային շափով, կախ է զցել մերկ ոտները և հառաչում է:

— Ախ, Աստուած իմ, Աստուած իմ, ասում է նա, մոմի լուսից բաց ու խուփ անելով աչքերը:—Չեմ կարող, չեմ կարող...

— Լիզա, գաւակս,—ասում եմ ես նրան:— Ի՞նչ է պատահել քեզ:

Տեսնելով ինձ, նա ճշում է ու ընկնում պարանոցովս:

— Հայրիկ, իմ բարի, սիրելի հայրիկ, հառաչում է նա. չզիտեմ, ի՞նչ է պատահել ինձ... Ժանք է, ժանք:

Նա զրկում է ինձ, համբուրում և ասում փաղաքշական խօսքեր, որպիսիները ես լսում էի նրանից, երբ նա դեռ երեխայ էր:

— Տանգստացիր, զաւակս, Աստուած քեզ հետ, — ասում եմ ես. — հազարուոր չէ լաց լինել. Իմ հագեկան գրութիւնս էլ է վատ:

Ես աշխատում եմ ծածկել նրան, կինս խմելու ջուր է տալիս և մինք երկուսս անկանոն կերպով շարժւում ենք անկողնու շուրջը: Իմ թիկունքով խփում եմ կնոջս թիկունքին և մտաբերում եմ, թէ ինչպէս մի ժամանակ մենք երկուսով լողացնում էինք մեր երեսաներին:

— Օգնիր նրան, օգնութիւն հասցրու, լալալին ասում է կինս: — Արն որ և է բան:

Ի՞նչ կարող եմ անել, ոչինչ. աղջկայ հոգու վրայ կայ ինչ որ ծանրութիւն, որ չեմ հասկանում, չգիտեմ, և միայն կարող եմ մըրթմըրթալ:

— Ոչինչ, ոչինչ... Կանցնի այդ... Քնիր, քնիր...

Կարծես հէնց գիտամաք մեր բազում յանկարծ լսում է շան ոռնոց, սկզբում կամաց և անվստահ, որ գնալով հետզհետէ բարձրանում է և խառնւում մի այլ շան հաշոցի հետ: Ես ոչ մի ժամանակ նշանակութիւն չեմ տալիս այդպիսի նշաններին՝ ինչպէս շների ոռնոցն է և բուերի բուռոցը, բայց այժմ իմ սիրտը տանջուելու չափ սեղմւում է և ես շտապում եմ բացատրել ինքս ինձ այդ ոռնոցը:

— Դատարկ բան է... — մտածում եմ ես: — Դա ոչ այլ ինչ է, եթէ ոչ մի օրգանիզմի ազդեցութիւնը միւսի վրայ: Իմ սաստիկ նեարդային լարուած գրութիւնը հաղորդուեց կնոջս, Լիզային, շանը... Փոխանցութեամբ միայն կարելի է բացատրել նախազգացումները և նախատեսիւնները:

Երբ ես մի փոքր յետոյ վերադառնում եմ սենեակս Լիզայի համար դեղատոմս գրելու, այլ ես չեմ մտածում այն մասին, որ շուտով կը մեռնիմ, բայց հոգուս վրայ գգում եմ մի տեսակ ծանրութիւն, այնպէս որ մինչև անգամ ցաւում եմ թէ ինչո՞ւ չմեռայ յանկարծակի: Երկար կանգնում եմ ես անշարժ սենեակի մէջ տեղում և մտածում, թէ ի՞նչ գեղ զբել

Լիզայի համար: Առաստաղի այն կողմից հառնաշունքի ձայները դադարում են և ես վճռում եմ ոչինչ չգրել, թէև դեռ շարունակում եմ մնալ կանգնած գրութեան մէջ...

Տիրում է մեռելային լուսթիւն, այնպէս որ մինչև անգամ, ինչպէս մի գրող ասել է, ականջներդ ձայն են տալիս: Ժամանակը անցնում է դանդաղ. լուսամուտում ընկած լուսնի շողքը չի փոխում իր գիւրքը, կարծես քարացած լինի. լուսանալուն դեռ շատ կայ:

Բայց անա ճանշում է ցանկապատի դռնակը. մէկը գաղտագողի մտնում է պարտէզ և, կտրելով ծառի մի բարակ ճղփիկ, ծեծում է նրանով լուսամուտս:

— Նիկալայ Ստեպանիչ, — լսում եմ նրա շրջնջիւնը: — Նիկալայ Ստեպանիչ:

Բաց եմ անում լուսամուտը և ինձ թւում է, թէ երազ եմ տեսնում: Մի կին, լուսուերուած լուսնի լուսով, սև հանդերձը հագին, կանգնած է պատուհանի տակ և մեծ աչքերով նայում ինձ վրայ: Նրա դէմքը մարմարի նման գունատ է, խիստ և խորհրդաւոր արտայայտութիւն ունի. ներքին ծնօտը դողդողում է:

— Ես եմ... — ասում է նա: — Ես... Կատիան:

Լուսնի լուսով բոլոր կանացի աչքերը թւում են մեծ և սև. մարդիկ աւելի բարձր և գունատ: Ահա այս պատճառով հաւանականաբար, ես առաջին րոպէում չճանաչեցի Կատիային:

— Ի՞նչ ես ուզում:

— Ներեցէք, — ասում է նա: — Չգիտեմ ինչ պատճառով յանկարծ սիրտս սկսեց սաստիկ նեղանալ... Ես չհամբերեցի և եկայ այտուէլ... Նկատեցի ձեր պատուհանում լոյս և... և վճռեցի ծեծել լուսամուտը... Ներեցէք... Ախ, եթէ գիտենայիր, թէ ինչպէս նեղանում էր սիրտս: Ի՞նչ էք անում այժմ:

— Ոչինչ... Տանջում եմ անքնութիւնից:

— Իսկ ինձ անհանգստացնում էր մի ինչ որ նախազգացում: Ասե՛ք չնչին բան է:

Եւ նրա յօնքերը բարձրանում են, աչքերը փայլում արցունքներից եւ ամրոզք երեսը լուսաւորւում է այն անուահաման հաւատի արտայայտութեամբ, որ կրում էր նրա դէմքը դեռ երեխայ ժամանակը:

— Նիկալայ Ստեպանիչ, ասում է նա թախանձազին տարածելով դէպի ինձ իր երկու ձեռքերը: Իմ թանկագին, ինդրում եմ ձեզ... աղերսում եմ... Եթէ չէք արհամարհում իմ դէպի ձեզ ունեցած յարգանքն ու բարեկամութիւնը, համաձայնուէք ինդիրքիս:

- Ի՞նչ է ինդիրք:
- Վերցրէք ինձանից իմ փողերը:
- Ահա թէ ինչ է մտածել: Ինչիս են հարկաւոր քս փողերը:

— Գուր կը գնար որ և է տեղ բժշկուելու: Զեզ հարկաւոր է բժշկուել: Գը վերցնէք, հոգիս, այնպէս չէ:

Նա յափշտակութեամբ նայում է դէմքիս և կրկնում.

- Գը վերցնէք, այն:
- Ո՛չ, իմ բարեկամ, չեմ վերցնի, չնորհակալ եմ:
- Նա դարձնում է դէպի ինձ իր մէջքը և գլուխը կախ քցում:

Երևի ես բացասեցի նրան մի այնպիսի ձևով, որ այլ ևս անկարելի կը լինէր խօսել փողի առաջարկութեան մասին:

- Գնա տուն քնելու. վաղը կը տեսնուինք:
- Նշանակում է դուք ինձ ձեր բարեկամը չէք համարում, հարցնում է նա յուսահատուած:
- Ես այդ շատացի: Բայց քո փողերը այժմ ինձ համար անօգուտ են:

— Ներեցէք... ասում է նա, ցածացնելով ձայնը մի ամբողջ ութնեակ: Հասկանում եմ ձեզ... Գուր չէք ցանկաւորում պարտապան լինել մի այնպիսի մարդու, ինչպէս ես եմ...

— Մ'նար բարեալ...

Եւ նա հեռանում է այնպէս արագ, որ ես մինչև անգամ չեմ կարողանում ասել զնաք բարեալ:

VI.

Ես Խարկովում եմ:

Այժմեան իմ հոգեկան դրութեան հետ կառուելը անօգուտ է և ոյժերիցս վեր. այս իսկ պատճառով ես վճռեցի, որ կեանքիս վերջին օրերը դոնէ արտաքուստ լինեն անբիծ և առանց պակասութիւնների. եթէ ես անարդար եմ ընտանիքի նկատմամբ, որ ինձ շատ լաւ յայտնի է, ուրեմն պէտք է աշխատեմ անել այն, ինչ որ նա ցանկանում է: Գնալ Խարկով և կը գնամ, նա-մանաւանդ որ վերջերս ես այնպէս սառնասիրտ եմ դէպի ամեն ինչ, որ ինձ համար բոլորովին միևնոյն է, թէ ուր գնալ Խարկով, Փարիզ, թէ Բերլին:

Հասայ ես Խարկով ցերեկուայ 12 ժամին և իջայ մայր եկեղեցուց ոչ հեռու մի հիւրանոցում: Վազմենների օրօրուելը և անընդհատ դռները բաց ու խուփից առաջացող թափանցիկ քամին անհանգստացրին ինձ. այժմ նստած եմ սենեակում և գլուխս բռնած սպասում եմ Էւ-ին: Հարկաւոր է այսօր և եթ զնալ ծանօթ պրօֆէսօրների մօտ, բայց ոչ ցանկութիւն ունիմ և ոչ ոյժ:

Ներս է մտնում միջանցքի սպասաւորը՝ մի ծերունի, և հարցնում է թէ ունիմ արդեօք անկողնուս սպիտակեղէն: Ես կանգնեցնում եմ նրան մի հինգ բողետով և մի քանի հարցեր տալիս Գնեկիերի մասին, որի համար և եկել եմ այստեղ: Պարզուեց, որ սպասաւորը բնիկ Խարկովցի է. ճանաչում է քաղաքը, ինչպէս իր հինգ մասնեքը, բայց չի յիշում ոչ մի այնպիսի տուն, որ պատկանէր Գնեկիեր ազգանուն: Հարց ու փորձ եմ անում նաև կալուածքի մասին ու ստանում նոյն պատասխանը:

Միջանցքում ժամացոյցը խփում է ժամը մէկը, սպա երկուսը, յետոյ երեքը... Կեանքիս վերջին ժամերը, այն օրուանից ինչ ես սպասում եմ մահուան, աւելի երկար են թուում քան ամբողջ կեանքս: Եւ ես առաջ ոչ մի կերպ չէի կարողանում այնպէս հաշտուել ժամանակի դանդաղութեան հետ, ինչպէս այժմ: Առաջ, երբ պատահում էր կայարանում սպասել գնացքին որ և է քառորդ ժամ, այդ ինձ թուում էր մի ամբողջ յաւիտենականութիւն: Նոյնը զգում էի և քննութիւնների ժամանակ, իսկ այժմ ես կարող եմ ամբողջ գիշեր անշարժ նստել մահճակալի վրայ և անտարբերութեամբ մտածել, որ վայն էլ կարող է լինել նոյնպիսի երկար, անգոյն գիշեր, և միւս օրն էլ...

Միջանցքում խփում է ժամը հինգը, վեցը, եօթը... Արդէն մութ է:

Թուշս ցաւում է. այդ նշանակում է, որ սկսում է tie-ը: Որպէս զի մի որ և է բանով զբաղեցնեմ մտքերս, ես կանգ եմ առնում իմ նախկին հայեացակէտի վերայ, երբ անտարբեր չէի դէպի ամեն ինչ, և հարցնում եմ. ինչո՞ւ ես, լինելով նշանաւոր մարդ և գաղտնի խորհրդական, նստած եմ այս փոքրիկ սենեակում ուրիշի մահճակալի վրայ, ծածկուած մոխրագոյն վերմակով: Ինչո՞ւ եմ նայում այս էթանային թիթեղեայ լուացարանին և լսում, թէ ինչպէս շըրտիչըրտիւում է միջանցքում անպէտք ժամացոյցը: Մի՞թէ այդ բոլորը համապատասխան են իմ փառքին և մարդկանց մէջ ունեցած բարձր դիրքիս: Եւ այդ հարցերին ես պատասխանում եմ ինքս ինձ քմծիծաղ: Ծիծաղելի է թուում ինձ այն միամտութիւնը, որով երբեմն, դեռ երիտասարդ ժամանակ, չափազանցացնում էի հուշակ վայելող մարդկանց նշանակութիւնը և այն բացառիկ գրութիւնը, որ իբր թէ վայելում են նրանք: Ես յայտնի եմ, իմ անունը յիշուում է պատկառանքով, պատկերս տպագրուած է «Нива» շաբաթաթերթի և «Всемирная Иллюстрация» հանդէսի մէջ: Կենսագրութիւնս մինչև անգամ կարդացել եմ

մի գերմանական թերթում, բայց ինչ օգուտ այդ բոլորից: Նստած եմ մեն մենակ օտար քաղաքում ուրիշի մահճակալի վրայ և ձեռքերով շփում եմ ցաւոյ թուշս: Ընտանեկան անհամութիւնները, պարտատէրերի խտուածութիւնը, երկաթուղու ծառայողների կոպտութիւնը, անցաթուղթ ձեռք բերելու անյարմարութիւնները, ճաշարանների թանկ և անառօջ կերակուրները, ընդհանուր ազիտութիւնը և կոպիտ վերաբերմունքը, այս բոլորը և ուրիշ շատ բաներ, որ չափազանց երկար կը լինէր մի առ մի թուելը, նոյնքան վերաբերում են ինձ, որքան մի քաղաքացի մարդու, որ յայտնի է միայն իր փողոցին, ուր ապրում է: Ինչո՞ւմն է յայտնուում իմ դիրքը և բացառիկ գրութիւնը: Ենթադրենք, թէ ես վայելում եմ մեծ հուշակ, հերոս եմ, և ինձանով պարծենում է հայրենիքս, գրուում են առողջութեանս մասին բոլոր լրագրներում, փաստայով ստանում եմ համակրական նամակներ ընկերներից, աշակերտներից, հասարակութիւնից. այս բոլորը այնու ամենայնիւ չեն խանգարում, որ ես մեռնեմ օտար մարդու մահճակալի վրայ, սրտնեղութեան և բառիս բուն նշանակութեամբ միայնութեան մէջ... Այդ բանում իհարկէ ոչ որ մեղաւոր չէ, բայց ինչ արած, որ ես չեմ սիրում իմ ժողովրդականութիւնը. թուում է ինձ, թէ այդ ժողովրդականութիւնն է ինձ խաբել:

Տասը ժամին բունս տանում է և չուայելով tie-ին ես ընկղմում եմ խոր քնի մէջ և դեռ երկար կը քնէի, եթէ ինձ չզարթնացնէին: Դեռ ժամը մէկը նոր անցած լսում եմ դռան թըրթըրակոցը:

— Ո՞վ է:

— Հեռագիր:

— Կարող էիք վաղը տալ, բարկանում եմ ես ստանալով միջանցքի սպասուորից հեռագիրը: Այժմ արդէն երկրորդ անգամ չեմ կարողանայ քնել:

— Ներեցէք, ձեր սենեակում կրակ էր վառուում, և ես կարծեցի, թէ քնած չէք:

Ես բաց եմ անում հեռագիրը և ամենից առաջ մտիկ տալիս ստորագրութեանը. կնոջիցս է. ի՞նչ է հարկաւոր նրան: «Երեկ Գնեկիկերը ծածուկ ամուսնացաւ Լիզայի հետ. վերադարձիր»:

Կարդում եմ հեռագիրը և մի բանի բոպէ գգում եմ երկիւզ. ինձ վախեցնում է ոչ թէ Լիզայի և Գնեկիկերի վարմունքը, այլ իմ անտարբերութիւնը, որով վերաբերում եմ նրանց հարսանեաց լուրին: Ասում են, որ փիլիսոփաները ու ճշմարիտ իմաստունները անտարբեր են: Այդ ճիշտ չէ: Անտարբերութիւնը՝ հոգու կաթուած է, վաղաժամ մահ:

Նորից մտնում եմ անկողինս և սկսում մտածել, թէ ինչ բանով զբաղեցնեմ միտքս: Ի՞նչ բանի վերայ մտածեմ: Կարծեմ ամեն ինչ մտածուած է և այլ ևս չկայ ոչ մի այնպիսի բան, որ կարողանար յարուցանել իմ մէջ մտածողութիւն...

Երբ լոյսը բացւում է, ես նստում եմ անկողնումս ձեռքերով բռնած ծնկներս և անգործութիւնից աշխատում եմ ճանաչել ինքս ինձ. «Ճանաչիր ինքդ քեզ» գեղեցիկ և օգտակար խորհուրդ, բայց ափսոս, որ մեր նախնիք չեն ցոյց տուել և ճանապարհը, թէ ինչպէս օգտուել այդ խորհրդով:

Առաջ, երբ ես ցանկանում էի ճանաչել մէկին, կամ ինքս ինձ, ուշադրութեան էի առնում ոչ թէ գործերը, որոնց մէջ ամեն բան պայմանական է, այլ ցանկութիւնները. ասա ինձ ի՞նչ ես ցանկանում, և ես կասեմ, թէ ո՛վ ես:

Եւ այժմ էլ ես քննում եմ ինքս ինձ, թէ ի՞նչ եմ ցանկանում:

Ցանկանում եմ, որպէս զի մեր կանայք, երախաները, բարեկամները, աշակերտները սիրեն մեր մէջ ոչ թէ անունը, ծագումը և արաբքինը, այլ սովորական մարդկանց: Է՛լ ինչ: Ես կը ցանկանայի զարթնել հարիւր տարի յետոյ և թէկուզ մի աչքով զիտել, թէ ի՞նչ կը լինի գիտութիւնը: Կը ցանկանայի ապրել մի տասը տարի ևս... Ուրիշ ի՞նչ:

Եւ ուրիշ ոչինչ: Ես մտածում եմ, երկար մտածում և ոչինչ չեմ կարողանում գտնել: Ուրբան էլ մտածում և դէպի ուր էլ դարձնում եմ մտքերս, այնու ամենայնիւ ինձ համար պարզ է, որ ցանկութիւններիս մէջ չկայ ինչ որ մի գլխաւոր և շատ կարևոր բան: Իմ դէպի գիտութիւնը ունեցած հակման, ապրելու ցանկութեան, ինքս ինձ ճանաչելու ձգտման, և բոլոր մտքերիս, զգացմունքներիս ու հասկացողութիւններիս մէջ չկայ մի այնպիսի ընդհանուր բան, որ ի մի կապէր այդ բոլորը: Ամեն մի զգացմունք և ամեն մի միտք իմ մէջ ունի առանձնակի դրութիւն: Իմ բոլոր գատողութիւնների մէջ, թէ գիտութեան, թատրոնի, գրականութեան, աշակերտների և թէ այն բոլոր պատկերների մասին, որ ներկայացնում է իմ երևակայութիւնը, ամենահմուտ բննադատը անպամ չի գտնի այն, որ կոչւում է ընդհանուր իդէա, կամ կենդանի մարդու Աստուած:

Իսկ եթէ չկայ այդ, նշանակում է, ուրեմն չկայ և ոչինչ:

Այդ ալքատութեան մէջ, բաւական է մի լուրջ ցաւագարութիւն, մահուան երկիւզ, մարդկանց և հանգամանքների ազդեցութիւն, որպէս զի այն ամենը, ինչ որ առաջ կազմում էին իմ աշխարհայեացքը, և որի մէջ տեսնում էի կեանքիս նպատակը ու ճաշահում քաղցրութիւն, տակն ու վրայ լինեն և օդը ցնդուին: Ուրեմն ոչինչ զարմանալի բան չկայ, որ կեանքիս վերջին ամիսները պղտորեցի այնպիսի մտքերով և զգացմունքներով, որոնք միայն ստրկին և բարբարոսին են վայել. նոյնպէս զարմանալի չէ, որ ես գառել եմ բոլորովին անտարբեր ու չեմ նկատում լոյսի բացուելը: Երբ մարդուս մէջ բացակայում է այն, որ աւելի բարձր ու ուժեղ է բոլոր արտաքին ազդեցութիւններից, այն ժամանակ, ճշմարիտ առած, բաւական է մի սաստիկ հարբուխ, որ նա կորցնէ հաւասարակչութիւնը և ամեն մի թուշուն բուրի տեղ ընդունէ, ամեն մի ձայն շան ոտնոցի: Նրա ամբողջ վատատեսութիւնն ու լաւատեսութիւնը իր բոլոր մեծ ու փոքր մտքերով այն ժամանակ կուենան միայն հիւանդութեան նշանակութիւն և ուրիշ ոչինչ:

Ես յազթուած եմ: Եթէ այդպէս է, ուրեմն կարիք չկայ այլ ևս մտածել, ինքիրան խօսել. պէտք է նստել, լռել և սպասել, թէ ի՞նչ կը լինի:

Առաւօտեան սպասաւորը ներս է բերում թէյ և տեղական լրագրի այդ օրուան համարը: Ես մեքենաբար կարդում եմ առաջին երեսի յայտարարութիւնները, առաջնորդողը, քաղաւածքները ուրիշ թերթերից և ամսագրներից ու ներքին լուրերը: Այդ վերջինում ի միջի այլոց գտնում եմ հետևեալը. «Երեկ երկաթուղու արագ գնացքով տեղս ժամանեց մեր յայտնի զիտնական և բազմարդիւն պրօֆէսօր Նիկալայ Ստեպանիչ այս ինչեանը և իջաւ այս ինչ հիւրանոցը»:

Այժմ իմ անունը խօսուում է ամբողջ Խարկովում, իսկ երեք ամսից յետոյ ոսկէ տառերով, ինչպէս արեգակ, կը վայէ մահարձանիս վրայ. և այս այն ժամանակ, երբ ևս արդէն ծածկուած կը լինեմ մամուռով...

Մէկը թեթեւ կերպով թակում է դուռը:

— Ո՛վ է. մտէք:

Դուռը բացուում է, և ես դարմացած մի քայլ յետ եմ գնում, շտապելով վրայ բերել գիշերազգեստիս փէշերը: Իմ առաջ կանգնած է Կատիան:

— Բարև ձեզ,—ասում է նա, ծանր շունչ քաշելով, որ պատճառել էր նրան սանդուղքով բարձրանալը:—2էկը սպասում: Ես նոյնպէս... Նոյնպէս եկայ այստեղ:

Եւ նա նստում է աչքերը խոնարհած և շարունակում կազգելով:

— Ինչո՞ւ դուր չէր բարևում: Ես նոյնպէս եկայ... այսօր... Իմացայ, որ դուր այս հիւրանոցումն էր, և եկայ ձեզ մօտ:

— Չատ ուրախ եմ քեզ տեսնելուս,—ասում եմ ուսերս թափ տալով,—բայց ես դարմացած եմ... Դու կարծես երկիւրից ընկար: Ինչո՞ւ ես եկել:

— Տէնց այնպէս, վեր կացայ և եկայ:

Տիրում է լուռութիւն: Յանկարծ Կատիան ուժգնութեամբ վեր է ցատկում և գալիս դէպի ինձ:

— Նիկալայ Ստեպանիչ,—ասում է նա գոյնը քցելով և ձեռքերը սեղմելով կրծքին:—Նիկալայ Ստեպանիչ, ես այլ ևս չեմ կարող այսպէս ապրել, չեմ կարող: Ի սէր ճշմարիտ Աստծոյ, ասացէք շուտով, թէ ի՞նչ անեմ. ասացէք, ի՞նչ անել:

— Ի՞նչ կարող եմ ես ասել, շուարուած հարցնում եմ ինքս ինձ. ոչինչ չեմ կարող:

— Աղերսում եմ ձեզ, ասացէք, շարունակում է նա շքնազասպառ և ամբողջովին դողալով: Երգւում եմ որ այլ ևս չեմ կարող այսպէս ապրել: Ոյժ չունիմ:

Նա վայր է ընկնում աթոռի վրայ և սկսում բարձրաձայն հեկեկալ. միևնոյն ժամանակ կոտրատում է իր ձեռքերը և ոտերը խփում յատակին. նրա յետ թեքուած գլխից վայր է ընկել գլխարկը, մազերի սանդուղաւորը խըճըճուել:

— Օգնեցէք ինձ, օգնեցէք,—աղերսում է նա:—Այլ ևս չեմ կարող:

Նա հանում է ճանապարհորդական սլայուսակից թաշկինակը և նրա հետ դուրս քաշում մի քանի նամակ, որոնք նրա ծնկներէ վրայով ընկնում են յատակին: Ես հաւարում եմ այդ նամակները, որոնցից մէկի վրայ նկատում եմ Միխայիլ Ֆէօօրիչի ձեռքը և պատահաբար կարդում մի ինչ որ «սիրահա...» բառի կտորը:

— Ոչինչ չեմ կարող ասել քեզ, Կատիա:

— Օգնեցէք,—լալազին ասում է նա, բռնելով և համբուրելով ձեռքս:—2է որ դուր իմ հայրն էր, իմ միակ բարեկամը. խելացի էր, դարգացած, երկար ապրել էր. եղի էք ուսուցիչ. ասացէք, ի՞նչ անեմ:

— Ճիշտն ասած, Կատիա, չգիտեմ:

Ես կորցրել եմ ինքս ինձ և յուզուած նրա արցունքներից հազիւ կարողանում եմ կանգնել ոտներիս վերայ:

— Եկ, Կատիա, նախաճաշներ, ասում եմ ես, աշխատելով ժպտալ:—Բաւական է լաց լինես:

Եւ իսկոյն աւելացնում եմ յուսահատ ձայնով:

— Չուտով ես այլ ևս չեմ լինի, Կատիա:

— Գոնէ մի խօսք, մի խօսք միայն, լալիս է նա, դէպի  
ինձ երկարացնելով ձեռքերը:— Ի՞նչ անել:

— Կատարեալ տարօրինակ ես, Կատիա, քրթմնջում եմ  
ես:— Այլպէս խելացի և յանկարծ լաց ես լինում...

Ապա տիրում է լուսթիւն: Կատիան ուղղում է մազերը, դըլ-  
խարկը դնում գլուխը, յետոյ նամակները ձմբաում և կոխում է  
պայուսակի մէջ՝ ու այս բոլորը լռելայն, առանց շտապելու: Երեսը,  
կուրծքը և ձեռնոցները թաց են արցունքներից, իսկ դէմքի արտա-  
յատուցիչներ սառը... Մտիկ եմ տալիս նրա վրայ և ամաչում, որ  
ես բախտաւոր եմ նրանից: Մահիցս ոչ շատ առաջ, կեանքիս փեր-  
ջալոյսում միան նկատեցի իմ մէջ այն բանի բացակայութիւնը,  
որ իմ բնկեր փիլիսոփաները անուանում են ընդհանուր գաղա-  
փար՝ իդէա, իսկ այս խղճուկի հոգին չէ իմացել և չպիտի իմա-  
նայ հանգիստ իր ամբողջ կեանքում:

— Եկ, Կատիա, նախաճաշենք,— ասում եմ ես:

— Ոչ, շնորհակալ եմ, պատասխանում է նա սառնութեամբ:

Անցնում է դարձեալ մի ծանր և լուռ րոպէ:

— Խարկով ինձ դուր չի գալիս, ասում եմ ես:— Զատ  
մոռալ բողբոջ է:

— Այո, գեղեցիկ չէ... Ես երկար ժամեր եմ սպասել...  
Այսօր և եթ գնում եմ:

— Ուր:

— Ղրիմ... այսինքն ինձ համար:

— Երկար ժամանակ:

— 2գիտեմ:



Կատիան վեր է կենում: Սառը ժպիտը երեսին և աչքերը խո-  
նարհած, նա դէպի ինձ է երկարացնում ձեռքը: Ուղում եմ հար-  
ցնել «ուրեմն իմ թաղմանը չես լինի»: Բայց նա չի նայում ինձ,  
նրա ձեռքերը այնքան սառն են, որ կարծես ուրիշներ լինին: Ես  
լուռ ուղեկցում եմ նրան մինչև դուռը... Ահա նա գուրս եկաւ իմ  
մօտից: Գնում է երկար միջանցքով, առանց յետ նայելու: Նա գի-  
տէ, որ ես նայում եմ իր յետևից և, հաւանականաբար, չըջատե-  
լում յետ կը նայէ:

Բայց ոչ, յետ հնայեց: Սև հանդերձը վերջին անգամ փողփո-  
պաց, քայլերի ձայնը հանդարտուեց... Գնաս բարեաւ, իմ անգին:

«Ազգային գրադարան»



NL0316470



12.713

